

БИБЛИОТЕКА
32259
ГОСИЗДАТ

ВАЖ КОМИ МОЙДЪЯС



КОМИ ГОСИЗДАТ 1950

ВАЖКОМИ МОЙДЪЯС



КОМИ ГОСУДАРСТВЕННОЙ ИЗДАТЕЛЬСТВО
СЫКТЫВКАР 1950

СТАРИННЫЕ КОМИ СКАЗКИ

Сборник подготовил П. ДОРНИН

КОМИ ГОСУДАРСТВЕННОЕ ИЗДАТЕЛЬСТВО
СЫКТЫВКАР 1950



ЖИВОТНОҢҮЯС ЙЫЛЫСЬ МОЙДЪЯС

ДОНА ПАСЯ РУЧ

Важон олісны-вылісны руч да коч. Руч вөлі зэв тшап да вылө пуксьысь. Коч водзын сійө пыр ошйысис:

— Ме,— шуө,— ачым мича и пасьой менам дона, а тэнад, кочой, пасьыд грөш дон оз сулав.

Дөзмис коч ручлөн ошйысьөм вылө да шуө:

— Эн ошйысь, ручө-чойө, аслад мичлунон да дона пасьөн. Окотита кө, ме тэнсьыд мичлунтө и пась донтө уськөда.

Оз верит руч, медым вермис коч сылысь мичлун да пась дон уськөдны.

Вот петісны өтчыд найө яг вылө панласьны. Руч котөртө, а коч сы бөрся вөтчө да тшапйөдлө сійөс гөнөдыс. Руч өдйөджык котөртө, медым коч эз тшапйөдлы сійөс, эз тшыкөд сылысь дона пасьсө, а коч пыр суөдө ручөс. Ещө өдйөджык пондіс котөртны руч, коч, кылө, кутіс кольны бөрө. Окота лои ручлы бөрө видзөдлыны, ылө-ө колис сійө

кӧчӧс, видзӧдліс бӧрӧ, а сӧк кості вожа пу костӧ веськаліс да сибдіс.

Суӧдіс сӧтчӧ сійӧс кӧч, вожасис вылысас да пондіс нистыны да пачесайтны. Нистіс да пачесайтіс, нистіс да пачесайтіс — став гӧнсӧ ручлысь чирйис, дона пасьсӧ сылысь косявліс.

— Но,— шуӧ,— ӧні, ручӧ-чойӧ, ошйысь аслад мичлунӧн да дона пасьӧн!

Мездысис коркӧ ручыд вожа пу костысь, видзӧдліс асла сучик вылӧ да шогӧ уси: ни ӧти дзонь места абу кольӧма сылӧн пасяс.

— Аттӧ, кутшӧм пакӧсть вӧчис меным кӧчыд! Став пасьӧс косявліс да йӧз водзын менӧ янӧдіс. Мый шуасны бур йӧзыс, кор кывяс, мый ручлысь дона пасьсӧ кӧч косявлӧма?

Шогсис, шогсис руч да мӧдӧдчис ю дорӧ тӧдмавны, эзӧ нин паськав ручлысь пась косявлӧм йылысь юӧрыс. А кӧч водзджык котӧртіс ю дінӧ, вӧчис пур да пондіс кывтны.

— Коді тӧ ачыд и кысянь кывтан?— юалӧ сылысь руч.— Кутшӧм выль юӧръяс кывлін ветліг-мунігад?

— Кывта ме,— шуӧ,— ылысь муысь-ваысь. Немтор сӧтшӧм ыджыд выльторъяс эг кывлы. Сӧмын кывлі, мый кӧч ручӧс нӧйтӧма да сылысь дона пасьсӧ косявлӧма.

Ручӧс ещӧ ӧнджыка шогӧдіс. Со, пӧ, ӧд кытчӧдз нин лӧк юӧрыд кывсьӧма. Сӧсся кайис берегысь, никыльтчис пу улӧ да лунтыр сӧні куйліс. А кӧчыд сувтіс берегӧ, кайис ягӧ, радысла триньяліс-бриньяліс сӧні да муніс узьны аслас гортӧ, весиг ручӧс видлыны эз кежав.

Мӧдлун асывнас кӧч бара пуксис аслас пур вылӧ да пондіс кывтны руч оланінті. Руч петіс берегӧ, аддзис бара пурьяӧс.

— Коді тӧ ачыд и кысянь кывтан?— юалӧ.— Кутшӧм выль юӧръяс кывлін ветліг-мунігад?

— Немтор сӧтшӧм выль юӧръяс эг кывлы. Сӧмын кывлі: кӧч пӧ ручӧс нӧйтӧма да мича пасьсӧ сылысь косявлӧма.

— А эн кывлы тэ,— юалö сылысь руч, — кутшöм лоö öнi руч пасылöн доныс?

— Ручлөн пасыыс öнi көч пасыысь лоö донтöмджык,— шуö көч,— тадзи став йöзыс сёрнитöны.

Вывтi шог лои ручлы тайöс кылöм бöрын. Кайис сийö ягö да шогысла джагöдчис.

РУЧ ДА ДЯБЫР*

Поздысис пу йылö дябыр да пиянсö быдтö. Казялис руч, мый пуын дябыр быдтысьö, локтис пу динö да шуö:

— Дябырöй, дябырöй, чöвт бурөн меным ассыд питö. Он кө чöвт, ме путö пöрöда да ставнытö сёя.

Жаль эськö дябырлы сетны писö, но мый нö керан. Он сет да збыльысь, гашкö, ручыд пусö пöрöдас да став мукöд пиянсö тшöтш сёяс. Лои чöвтны дябырлы ассыыс öти пи ручлы. Руч сёйис дябырлысь писö да бара пондiс грöзитчыны:

— Дябырöй, дябырöй, ме тайөн эг на пöт. Чöвт вай регдджык мöд питö. Он кө чöвт, путö пöрöда да тэнö асьтö и мукöд пиянтö тшöтш сёя.

Сэки буретш сэтчö слöймис катша да и шуö:

— Йöй тэ, дябырöй, йöй. Ручыд тэнö прöстö повзьöдлö. Аддзан, чер ни пурт сылөн абу. Бöжнас öд путö оз пöрöд.

Веритiс дябыр катшалы и эз сет ручлы мöд писö. Руч ёна скöрмис да мунiс катша вылö грöзитчигтыр.

— Часлы,— шуö,— петкöдла ме тэныд, кузь бöжлы, не ас делаö суйсьöмысь.

Мунiс руч эрд вылö да водiс кывсö нюжöдöмөн — лэччысис кулöма улö. Лэбö сэт катша да и аддзö, мый руч кулöма. Пуксис и видзöдö: збыльысь руч оз вöрзьöдчы и кывсö нюжöдöма. Матыстчис катша руч динö да чеччыштiс сылы лапа вылас — руч оз вöрззы, чеччыштiс туша вылас, сэссия

*) Д я б ы р — скворец

юр вылас — руч век оз вөрззы. Збоймис катша да кыв вылас чеччыштис, а руч сэк сійос и тшапнитис.

— Онтай,— шуо,— менсьым тэ став делөөс торкин, вай өні сы пыдди тэнö асьтö сёя.

— Эны на сёй менö, ручö-чойö,— кевмысьö катша,— ме өні пеж: локтигмоз помöй кисьталанинын да куйöд чукöрын кокаси. Сюй менö, ручö-чойö, кудийö, омöлиника вевтышт да и быгылт лысваа турун вывтыс. Сэк ме сöстөм лоа, и тэ верман сёйны менö.

Руч кывзис катшаос: суйис сійос кудийö да мөдис быгльöдлыны лысва вывти. Сэк кудийд — öтарö, вевтыс — мөдарö, а катша — майög йылö. Сы мында сійос и адззылис ручыд.

КАНЬ, РУЧ, КÖИН ДА ОШ

Важөн олісны-вылісны старик гозья. Налөн вöлі зэв дыш да горш кань. Гöтырыс и шуö стариклы:

— Джагөд либö ну кытчöкö каньтö, а то олөм сы вöсна абу.

Стариклы жаль вöлі джагөдны каньöс: катöдис сійос вөркеркаö и колис сэтчö. Овмөдчис кань вөр пывсянын, олö öт-нас — жыруйтö.

Öтчыд вөр керка дінö локтис руч, адззис каньöс да и шуö:

— Кысь тэ и кутшөм зверь?

— Ме — Котапей Котапеевич,— став зверьяс вылын начальник.

Руч шуö:

— Менö верөссайö он босьт?

— Босьта,— шуö кань,— пондан кө менö вердны да юктавны.

Мунис руч кань сайö верөссайö, и нырсö лэптөмөн вөрти пöкаживайтö да ошйысьö. Вот сылы паныдасис көин и юалö:

— Мый нö тэ, ручö-чойö, сэтшөм долыда да тшапа ветлөдлан?

— Ме муні верössайö. Мужикöй менам Котапей Котапеевич — став зверьяс вылас начальник.

— Оз-ö позь мем аддзöдлыны Котапей Котапеевичöс, — шуö кöин, — либö кöть син пöлөн сы вылö видзöдлыны?

— Оз позь, — шуö руч, — сійö зэв скөр. Лёк ру шөрö кö веськалан, юртö саблянас керыштас.

— А тэ висьтав, ручö-чойö, Котапей Котапеевичдылы, мый ме, Лупша-багатыр, кöсья сылы служитны медасьны да бура кута кывзысьны.

— Ладнö, — шуö руч, — висьтала Котапей Котапеевичлы, мый Лупша-багатыр служитны вöзйисьö, но сöмын меж туша вай гöснеч вылö.

Мунö руч нырсö лэптöмөн водзö да ошйисьö. Сылы паныд локтö ош.

— Мый нö, ручö-чойö, сэтшöм долыда да тшапа ветлöдлан?

— Ме муні верössайö. Мужикöй менам Котапей Котапеевич — став зверьяс вылас начальник.

— Оз-ö позь мем аддзöдлыны Котапей Котапеевичöс, — шуö ош, — либö кöть син пöлөн видзöдлыны сы вылö?

— Оз позь, — шуö руч, — сійö зэв скөр. Лёк ру шөрö кö веськалан, юртö саблянас керыштас.

— А тэ висьтав, ручö-чойö, Котапей Котапеевичдылы, мый ме, Перша-багатыр, кöсья сылы служитны медасьны да бура кута кывзысьны.

— Ладнö, — шуö руч, — висьтала Котапей Котапеевичлы, мый Перша-багатыр служитны вöзйисьö, но сöмын öш туша вай гöснеч вылö.

Вот кöин да ош вайисны кöсийöмторъяссö: кöин — ыж туша, а ош — öш туша да пунктисны öгилаö, кань оланінсянь неылö. Сэсья ыстисны кöчöс корны каньöс да ручöс, а асьныс дзэбсисны: ош кайис пу йылö, а кöин дзэбсис пу вуж улö да лыс лапьясөн вевттысис.

Кань да руч мöдисны локны, каньлөн бöжыс чургöдчöма вывлань. Ош аддзö сійöс пу йывсянь да кöинлы шöпкöдö вомгорулас:

— Аддзан, Лупша-вок, ачыс абу и зэв ыджыд, а сабля-
ыс мый кузя и синьясыс кутшом скорось.

А коиныд лыс лапьяснас вевтгысьсёма да нином оз
аддзы.

Вот кань матыстчис тушаяс динь Мыйон аддзис свежой
яйтё, уськөдчис сэтчө да кутис сийос нетшкыны, ачыс мур-
зё да шуалё: „М-а-а-ло, м-а-а-ло!“

Ош бара шөпкөдө вомгорулас коинлы:

— Аддзан, Лупша-вок, кутшом сийо горш? Ош тушайд
да ыж тушайд сылы этша на кажитчөма, кылан шуалё:
„мало, мало“. Но, они мянлы сысянь бур оз ло.

Коин кылө каньлысь мурзөмсө, но асьсө сийо оз аддзы,
лыс лапьясон вевтгысьсёма да, а сылы зэв окота көть эськө
син пөвнас видзөдлыны Котапей Котапеевич вылө. Сийо
ньөжйоникон пондис вештавны лыс лапьяссө ас вывсьыс.
Каньыд кылис, мый пу динь кодкө кутис кышөдчыны. Сийо
чайтис, мый сәни шыр котралө да кыз тай уськөдчас лыс
лапьяс динь и веськалис коин чужом вылө. Коин чепөсийс
да юртөг-садьтөг гортас. Кань ачыс повзис да чепөсийс пуө,
буретш сийо пуас, көни вөли пукалө ошкыд. Ош аддзис, мый
каньыд сы вылө локтө да веськыда пу йывсянь чеччыштис
муө и сәтшөма шнөпкысис, өдва и лолыс коли.

Коркө сәсся та бөрын өтлаасисны ош да коин, төлкуй-
тисны ас костаныс:

— Төдан, Перша-вок,— шуб коин,— менсьым Котапей
Котапеевичыд муртса став чужом кучикөс эз куль.

— А менө, Лупша-вок, сәтшөма пыркөдис Котапей Ко-
тапеевичыд, мый онөдз на став гырк пытшкөсөй висьө.

ОШ, РУЧ ДА МУЖИК

Өтчыл ош да мужик өтув көдзисны сёркни. Көдзигон
и сёрнитчисны, кызди арын воом сёркни юкны.

Мужик и шуө:

— Ме вужсө босьта, а тэ динсө да йывсө босьтан.

— Ладнө,— шуө ош,— тэ босьт вужсө, а ме дінсө да йывсө босьта.

Воис ар. Сёркни быдмис зэв бура. Мужик босьтис вужсө, а ош — дінсө да йывсө. Гөгөрвоис ош ассыс пөръяссьомсө да шуө:

— Пөръялін тэ менө, другө. Мөдысь кө ещө мыйкө пондан көдзны, сэк ог нин пөръяссы.

Колис во. Мужик и бара шуө ошлы:

— Вай жө, другө, отув сю көдзам.

— Көдзам,— шуө ош,— ми тэкөд сю. Но өні тэ менө он нин пөръяв. Тэныд иддзыс да йылыс, а меным вужйыс.

— Ладнө,— шуө мужик, мед тэныд лөас вужйыс, а меным иддзыс да йылыс.

Коркө воис сю. Вундісны, юкісны. Мужик вартис сьосө, пөжалис тупөсьяс, локтис ош дінө да шуө:

— Вот, другө, кутшөм сюыдлөн йылыс.

— Но,— шуө ош,— өні ме тэ вылө лөгаси. Тэ менө кыкысь пөръялін, сы пыдди ме тэнө асьтө сөя.

Петис мужик туй вылө, пуксис аслас телега дінө да пондіс шогсьыны. Буретш сәкі вөлі котөртө руч да юалө мужиклысь:

— Мый нө, дядьө, шогсян? Кутшөм шог тэнө суис?

— Кыдзи нө меным не шогсьыны, кор ош грөзитчө менө сөйны.

— Эн шогсьы,— шуө руч,— оз сөй, ме тэныд отсала.

Руч котөртис туй бокө, дзевсис пуяс сайө, а мужиклы тшөктис места вылас сулавны. Кор ош локтис мужик дінө, руч петис пуяс сайысь да ыджыд гөлөсөн горөдіс:

— Эй, дядьө, сө көинөс либө ошкөс эн аддзыв? Көиньяс ошкөс корьоны, көсйоны сийөс косявлыны.

Ош зэв одйө дзевсис телега улө да шөпкө мужиклы:

— Ой, другө, эн висьтав, сөйны тэнө ог кут.

— Эг аддзыв, ручанөй, эг аддзыв,— вочавидзө мужик.

Руч серөктис да шуө:

— А эсйө нө телега улад мый куйлө?

А ош телега увсянь шөпкө мужиклы:

— Висьтав, мый сәні конда краж куйлө: пес вылө дась-
төма.

— Конда краж куйлө: пес вылө менам дасьтөма,— воча-
видзис мужик.

Руч бара серөктіс да шуө:

— Конда краж кө нө, мыйла абу телега вылад пуктөмыд
да көрталөмыд?

Та бөрын руч бара котөртіс пуяс сайө дай воши. Ош
петіс телега улысь да тэрмөдлө мужикөс:

— Вай, другө, өдйөджык пукты менө телега вылад да
гейөн көртавлы.

Мужик пуктіс ошкөс аслас телега вылө да крепыда сійөс
көртавліс гезъясөн. А руч сэк бара петіс пуяс сайысь да юалө:

— Эй, дядьө, сө көинөс либө ошкөс эн аддзыв тэ? Кө-
инъяс ошкөс корсьөны, көсйөны сійөс косявлыны.

— Эг аддзыв,— шуө мужик.

— А телега вылад тэнад мый куйлө?

— Конда краж, пес вылө, — шуө мужик.

— Конда краж кө, мыйла нө сэтчө чертө абу сатшкөма?

А ош шөпкө мужиклы: „Пукты чертө мыш вылө, сатшкы
ме вылө“.

Мужик кыз сатшкис черсө ошлы мышкас, ош сэтчө и
өкөлейтіс.

Делө лои ставыс лючки-ладнө. Мужик мездысис ошкысь,
өні колө ручкөд рөщөт вөчны. Руч шуө:

— Но, ме тэнө мезді ошкысь. Кызди кутан мынтысьны
отсасьөмысь?

— Ме,— шуө мужик,— тэныд кык сера чипан сета. Со
найөс мешөк пиө көрталөма. Сөмын гортад вотөдз мешөксө
эн разь.

Босьтіс руч чипан тыра мешөк да кыскө гортас, быдсөн
упкакылө: мешөкыс сэтшөм сьөкыд, мый кыскынысө өдва
вермө.

— Ок,— шуө,— кутшөм гырысь да госа чипанъяс пук-
төма менам мужикыд. Час жө, өти чипансө тані сөя, а мөдсө
гортөдз нуа.

Разис руч мешок көвсө да видзөдліс мешок пытшкө, а сәні вөлөм кык сера пон. Понъясыд тай кызз уськөдчисны ручлань да пондісны вөтчыны сы бөрся. Вөтчөны, увтчөны — вот-вот кватитасны сійөс. Руч мыръяс костті да кустьяс сайті, чикльөдліс да кытшлөдліс и өдва-өдва удитіс дзумгысьны аслас гуө.

Гуас куйлігөн руч заводитө сёрнитны:

- Кокъясөй, кокъясөй, мый ті вөчинныд?
- Ми тәнө котөртөдім да понъясысь мездім.
- Синъясөй, синъясөй, а ті мый вөчинныд?
- Ми гөгөрбок видзөдім да понъясысь мездім.
- Бөжөй, бөжөй, а тэ мый вөчин?
- А ме пыр торкалі да мешайті тэныд котөртнытө.
- А, сідзкө тэ он отсась, а мешайтчан меным. Ме тәнө понъяслы сета. Руч скөрмис аслас бөж вылө да йөткис сійөс ортсө, гу розь дінө. Понъяс кватитісны сылысь бөжсө, кыс-кисны ручөс ортсө и бөжсө и асьсө косявлісны.

РУЧ ДА ЧОКЫР

Олісны-вылісны руч да чокыр.* Вот коркө налөн няньныс быри да пондісны тшыгъявны. Мый жө вөчны? Найө шуисны пудъясьны: код юр вылө пуд усьө — сійөс и начкыны Пудъясисны да пуд уси чокырөс начкыны.

— Сідзкө инөсь, ручанөй,— шуө сылы чокыр,— ветлы жө пан ордө пуртла.

Муніс руч пан дорө да пондіс сывны:

Панөй, бур панөй,
Вай жө меным пурттө:
Чокырөс начкыны,
Менө, ручөс, вердны.

Пан сылы шуө:

— Менам өд, ручанөй, пуртөй ныж и оз туй начкысь-нытө. Тэ мун ветлы ен ордө зудла.

* Чокыр — мерин.

Котӧртис руч ен ордӧ да пондӧс сыввны:

Енмӧй, енманӧй,
Вай жӧ меным зудтӧ:
Панлысь пурт кеслыны,
Чокырӧс начкыны,
Менӧ, ручӧс, вердны.

А ен сылы шуӧ:

— Сета эськӧ, ручанӧй, зудтӧ, но менам ӧд зудйыд
вывтӧ сьӧкыд. Ветлы мун тӧлысь ордӧ ӧшла.

Котӧртис руч тӧлысь ордӧ да пондӧс сыввны:

Тӧлысянӧй, тӧлысянӧй,
Вайлы меным ӧштӧ:
Ен зуд кыскыны,
Пан пурт кеслыны,
Чокырӧс начкыны,
Менӧ, ручӧс, вердны.

Тӧлысьыд сылы шуӧ:

— Сета эськӧ, ручанӧй, ӧштӧ, но менам ӧшкыд шондӧ
зон вӧтлытӧг оз мун.

Котӧртис руч шондӧ ордӧ да пондӧс сыввны:

Шондианӧй, шондианӧй,
Вайлы меным зонтӧ:
Тӧлысь ӧш вӧтлыны,
Ен зуд кыскыны,
Пан пурт кеслыны,
Чокырӧс начкыны,
Менӧ, ручӧс, вердны.

Шондыд сылы шуӧ:

— Сета эськӧ, ручанӧй, но менам ӧд зонмӧй тшыг, кӧч
йӧлӧн вердтӧг ӧш вӧтлыны оз мун.

Котӧртис руч кӧч ордӧ да пондӧс сыввны:

Кӧчӧй, кӧчӧй,
Вай жӧ меным йӧвтӧ:

Шонді зонмӧс вердны,
Тӧлысь ӧшкӧс вӧтлыны,
Ен зуд кыскыны,
Пан пурт кеслыны,
Чокырӧс начкыны,
Менӧ, ручӧс, вердны.

Кӧч сылы шуӧ:

— Сета эськӧ, ручанӧй, йӧвтӧ, но менам пӧдӧнчаыс абу да некытчӧ йӧвтӧ лысьтыны. Ветлы мун пипу ордӧ лысьтысян дозла.

Котӧртіс руч пипу дорӧ да пондіс сьывны:

Пипуӧй, пипуанӧй,
Вай жӧ меным дозтӧ:
Кӧч йӧв лысьтыны,
Шонді зонмӧс вердны,
Тӧлысь ӧшкӧс вӧтлыны,
Ен зуд кыскыны,
Пан пурт кеслыны,
Чокырӧс начкыны,
Менӧ, ручӧс, вердны.

Пипу сылы шуӧ:

— Сета эськӧ, ручанӧй, дозтӧ, но дозсӧ перйыны ни-нӧмӧн. Мун жӧ ветлы мой ордӧ да корлы сылысь пиньсӧ.

Котӧртіс руч мой ордӧ да пондіс сьывны:

Мойӧй, моянӧй,
Вайлы меным пиньтӧ:
Пипу доз перйыны,
Кӧч йӧв лысьтыны,
Шонді зонмӧс вердны,
Тӧлысь ӧшкӧс вӧтлыны,
Ен зуд кыскыны,
Пан пурт кеслыны,
Чокырӧс начкыны,
Менӧ, ручӧс, вердны.

Мой сылы шуө:

— Сета эськө, ручанöй, но менсьым пиньтö нинöмөн кыскыны. Ветлы мун кузнеч ордö клещила.

Котöртис руч кузнеч ордö да пондiс сывны:

Кузнечöй, кузнечöй,
Вайлы меным клещитö:
Мой пинь нетшыштны,
Пипу доз перйыны,
Кöч йöв лысьтыны,
Шондi зонмöс вердны,
Тöлысь öшкöс вöтлыны,
Ен зуд кыскыны,
Пан пурт кеслыны,
Чокырöс начкыны,
Менö, ручöс, вердны.

Кузнеч сылы шуө:

— Сета эськө, ручанöй, клещитö, но менам клещиыс дортöм на. Мун вод гөбöч вылö да шойччышт сэнi, а ме сэк костi клещи тэныл дора.

Руч водiс гөбöч вылö, котралöмысла ёна мудзис да сэтшöм чорыда унмовсис, мый немтор оз кыв. А кузнечыд сэк петалис кузнечаö, донöдiс клещисö да кыз тай кватитiс дон клещинас ручöс кывйöдыс да нетшыштитiс сылысь кывсö, а кучиксö базар вылын вузалис.

ШЫР ДА КАТША

Олисны-вылисны шыр да катша. Öтчюд шыр мөдöдчис удж вылö да шуö катшалы:

— Ме, катша-чойö, турунла ветла, а тэ сы коста горт пытшкöс идрав да шыд пу ме воиг кежлö.

Шыр мунiс, а катша мөдiс керка пытшкын пелькöдчыны да шыд пуны. Пуис-пуис шыдтö да увлань юрөн и сунгысис пуан шыд пиö.

Коркө шыр локтис гортас да пондiс кильчө өдзөсө гольөдчыны:

— Катша-чойө, восьты, восьты!

Шыр гольөдчис да гольөдчис да сiдз сылы катша-чойыс өдзөссө эз и восьты. Сэссия сюри сылы ичөтик розь, пырис сараяс, катөдiс додьсө, ректiс турунсө и керкаас пырис. А катша некытөн абу.

Шыр кыкис пачысь шыд да адзис сэсь катшаөс. Вөчны нинөм. Сийө вильөдiс катшалысь яйсө, а көясө лэччөдiс ва дорө, пуксис сэтчө да пондiс сывны:

Шыр кывтө-катө
Катша көя пыжа,
Мой лапта пельса,
Вурд бөж зiбья,
Низь бөж паруса,
Кыркөтш дортi сыныштө,
Лыа дортi зiбйыштө!

Сэкикөч сылы паныдасис да шуө:

— Шырө-чойө, лэдз менө пыжад.

— Ог лэдз, пыжөй менам ичөт.

— Но, көть лапа вийөн лэдз.

— Но, мый тэкөд керан, лок пуксы.

Мөдiсны найө кывтны кыкөн, а шыр бара сывны:

Шыр кывтө-катө
Катша көя пыжа,
Мой лапта пельса,
Вурд бөж зiбья,
Низь бөж паруса,
Кыркөтш дортi сыныштө,
Лыа дортi зiбйыштө!

Вот налы руч паныдасис да шуө:

— Шырө-чойө, босьт менө тшөтш пыжад.

— Ог босьт, пыжөй менам ичөт.

- Но, көть лапа вуйон лэдз.
— Мый тэкөд керан, лок пуксыы.
Мөдисны найо кывтны куимон, а шыр бара пондис сывны:

Шыр кывтө-катө
Катша көя пыжа,
Мой лапта пельса,
Вурд бөж зібья,
Низь бөж паруса,
Кыркөтш дорті сыныштө,
Лыа дорті зібйыштө!

Сэки паныдасис налы коин да шуо:

- Шырө-чойө, лэдз менө тшөтш пыжад.
— Ог лэдз, пыжөй менам ичөт.
— Но, көть лапа вуйон лэдз.
— Мый тэкөд керан, лок пуксыы.

Мөдисны найо кывтны нельон, а шыр бара пондис сывны:

Шыр кывтө-катө
Катша көя пыжа,
Мой лапта пельса,
Вурд бөж зібья,
Низь бөж паруса,
Кыркөтш дорті сыныштө,
Лыа дорті зібйыштө!

Вот налы паныдасис ош да и шуо:

- Шырө-чойө, босьт менө тшөтш пыжад!
— Ог босьт, пыжөй менам ичөт.
— Но, көть лапа вуйон лэдз.
— Ог лэдз, тэ вывті ыджыд места босьтан да пыжөс
менсыым вөйтан.
— Но, сідзкө, ме став тушаон пукся.

И пуксис ош сэк став тушанас пыжө да ставнысө и
вөйтис.

РУЧ ДА КӨЧ

Важон олісны-вылісны руч да көч. Руч вөчис йи чом, а көч вөчис аслыс пу чом. Шондодіс да ручлон йи чомйыд и сылі, руч и чомтом коли. Воис төв. Руч кутіс вөзйысьны көч ордө:

— Көчө-чойө, лэдз менө керкаад!

— Ог, ог лэдз, менсьым пиянөс тэ сөян и ачымөс вөтлан.

Руч вөзйысьө на, а ачыс пырөма нин посводзөдзыс.

— Көчө-чойө, лэдз тэ менө порог дорөдзыд,— а ачыс пырөма нин джодж шөрөдзыс и бара вөзйысьө:

— Көчө-чойө, лэдз тэ менө шонтысьны паччөрад,— а ачыс кайөма нин паччөр вылөдзыс.

Аскинас чеччасны да көч кутас пөжасьны, а паччөр вылас руч мыйкө куж-кажкерас.

— Ручө-чойө, он-ө тэ менсьым пиянөс сөй?

— Ог, ог, ноппын менам вөлі кос няньтор да сійөс сөйи.

Видзөдлас көч паччөр вылө, а ручыд збыльысь сылысь пиянсө сөйөма. Көч пондіс видчыны:

— Мыйла сөйин тэ менсьым пиянөс?

— Ме и асьтө тэнө вөтла,— шуө руч и вөтліс көчөс керкасыс ывлаө.

Көч муніс ю дорө да пондіс бөрдны:

Төлын лым усьө,

Войтөв буалө.

Гажа видз вылын,

Мича ю дорын

Табья кокөй кымө!

Кыліс ош көчлысь бөрдөмсө да локтіс сы дінө.

— Көчө-чойө, көчө-чойө, мый нө бөрдан?

— Кыдзи нө он бөрд. Менсьым руч пиянөс сөйис, менө аслам керкаысь вөтліс.

— Лок мекөд мунам, бөр вөтлам сійөс.

Мунісны найө руч оланінө да ош пондіс повзьөдлыны ручөс:

Ручөй, ручөй, пет, пет!

Перша-багатыр локтө,



Ыджыд шодз вайё,
Лэчыд пурт вайё
Тэнад юр вылё!

Руч видзёдліс őшинь пырыс да и вочавидзё:

Синмад пот-пот лыя,
Тоин вожйөн вожъяла,
Карнан тшуптён тшуптала,
Куим мегырё кусыньта,
Заветкиё песовта,
Торпыригёдз жугода!

Ошкыд повзис руч грёзитчөмысь да и пышйис. Көч
өтнас коли, лэччис ю дорё да и бара пондіс бөрдны:

Тёлын лым усьё,
Войтёв буалё.
Гажа видз вылын,
Мича ю дорын
Табья кокёй кымё!

Кыліс көин көчлысь бөрдём да локтіс сы дінё.
— Көчө-чойё, көчө-чойё, мыйысь нё тэ бөрдан?
— Кыдз нё он бөрд. Менё өд руч аслам керкаысь вөтліс.
— Лок мекөд мунам, бөр вөтлам сійёс.
Мунісны найё руч оланінё да көин пондіс вөтлыны ручёс:

Ручёй, ручёй, пет, пет!
Лупша-багатыр локтё,
Ыджыд шодз вайё,
Лэчыд пурт вайё
Тэнад юр вылё!

Руч бара видзёдліс őшинь пырыс да вочавидзё:

Синмад пот-пот лыя,
Тоин вожйөн вожъяла,
Карнан тшуптён тшуптала,

Куим мегырõ кусынъта,
Заветкиõ песовта,
Торпыригõдз жугõда!

Кõин повзис ручлõн грõзитчõмысь да зев õдйõн пыш-
йис. Кõч õтнас коли, лэччис ю дорõ да и бара пондис бõрдны:

Тõлын лым усьõ,
Войтõв буалõ.
Гажа видз вылын,
Мича ю дорын
Табъя кокõй кынмõ!

Кылис петук кõчлысь бõрдõмсõ да локтис сы динõ.

— Кõчõ-чойõ, кõчõ-чойõ, мыйысь бõрдан?

— Кызди нõ он бõрд. Менõ õд руч аслам керкаысь вõтлис.

— Лок мунам мекõд и бõр вõтлам сийõс.

— Ок, ок, ок, Петрõванõй-вокõй, ош волис — эз вермы
вõтлыны, кõин волис — эз вермы вõтлыны, кысь нõ нин тэд
сийõс вõтлыны.

— Мунам и вõтлам, — шуõ петук.

Мунисны найõ руч оланинõ да петук горõдис ручлы õдзõс
пырыс:

Ручõй, ручõй, пет, пет!
Петя-Петрõван локтõ,
Лэчид пурт вайõ,
Ыджид шодз вайõ,
Ыджид коса вайõ,
Тэнад юр вылõ!
Тэнсыд синтõ кокышта,
Тэнсыд чужõм чалышта,
Тэнсыд юртõ керышта!

Руч повзис тайõ кывлывлытõм багатырысь, õдйõджык
кайис паччõрас да паччõр подлõссиянысь шыасис:

Синмад пот-пот лыя,
Тоин вожйõн вожъяла,
Карнан тшуптõн тшуптала,


Куйм мегырѳ кусыньта,
Заветкиѳ песовта,
Торпыригѳдз жугѳда!

Но петукѳс тайѳн он повзьѳд. Сийѳ жбыркнитіс первой
ѳшинь вылас, а сѳсся лѳбзис сѳр вылас да кыз тай керка
тырнас горѳдіс:

Ки-ки-рук-к-у-у!
Ручлысь синсѳ кокышта,
Ручлысь чужѳм чаллышта,
Ручлысь юрсѳ керышта!

Руч повзьѳмысла садьсѳ воштіс. Сийѳ кѳсйис эськѳ пыш-
йыны, чеччыштіс веськыда паччѳр вывсьыс да сѳтчѳ и ѳкѳлейтіс.
А кѳч да петук сѳсся овмѳдчисны сийѳ керкаас и ѳні
олѳны-вылѳны да ручѳс казьтылѳны.





МОЙДЪЯС-ПРИБАУТКАЯС

ВЕНЬ

- Веньö, веньö, веньгы жö, веньгы,
Сьöд сикöтшыд сьылад, калаушыд юрад!
Вень сийö оз веньгы, оз веньгы.
- Гезйö, гезйö, веньöс джагöд!
Гез сийöс оз джагöд, оз джагöд.
- Шырöй, шырöй гезö керав.
Шыр сийöс оз керав, оз керав.
- Каньöй, каньöй, шырöс кут!
Кань сийöс оз кут, оз кут.
- Понйö, понйö, каньöс пур!
Пон сийöс оз пур, оз пур!
- Тшынöй, тшынöй, понйöс пöдты!
Тшын сийöс оз пöдты, оз пöдты.
- Биöй, биöй, тшынöс сот!
Би сийöс оз сот, оз сот.
- Ваöй, ваöй, биöс кусöд!

Ва сійӧс оз кусӧд, оз кусӧд.
 — Ошкӧй, ӧшкӧй, ваӧс ю!
 Ӧш сійӧс оз ю, оз ю.
 — Черӧй, черӧй, ӧшкӧс керав!
 Чер сійӧс оз керав, оз керав.
 — Зудйӧй, зудйӧй, черӧс лям,
 Зудйӧй, зудйӧй черӧс лям!
 Зуд вувзъяс чер вылӧ,
 Чер вувзъяс ӧш вылӧ,
 Ӧш вувзъяс ва вылӧ,
 Ва вувзъяс би вылӧ,
 Би вувзъяс тшын вылӧ,
 Тшын вувзъяс пон вылӧ,
 Пон вувзъяс кань вылӧ,
 Кань вувзъяс шыр вылӧ,
 Шыр вувзъяс гез вылӧ,
 Гез вувзъяс вень вылӧ—
 Веньӧс и джагӧдасны.



БОБӦ

- | | |
|-----------------------------|------------------------|
| — Бобӧ, бобӧ, кытчӧ ветлін? | — Би сотӧма, |
| — Чожӧ гуӧ ветлі. | — Кӧні нӧ биыс? |
| — Мыйла жӧ ветлін? | — Ва кусӧдӧма. |
| — Выя няньла ветлі. | — Кӧні нӧ ваыс? |
| — Кытчӧ нӧ пуктін? | — Ӧш волӧма, гуныгӧма. |
| — Шегаспомӧ пукті. | — Кӧні нӧ ӧшкыс? |
| — Абу тай вӧлӧма? | — Ыбӧ кайӧма. |
| — Съӧд пон пышйӧдӧма. | — Кӧні нӧ ыбыс? |
| — Кӧні нӧ съӧд понйыс? | — Шыр кырӧдӧма. |
| — Сера пон вӧтӧдӧма. | — Кӧні нӧ шырыс? |
| — Кӧні нӧ сера понйыс? | — Налькйӧ усьӧма. |
| — Потшӧс костӧ сибдӧма. | — Кӧні нӧ налькйыс? |
| — Кӧні нӧ потшӧсыс? | — Чер кералӧма. |

- Кõнi нõ черыс?
- Зудйõн лямõма.
- Кõнi нõ зудыс?
- Петшõр пытшкõ усьõма.

Сё вõла-чаны сэтчõ воõмаõсь
 Да ставсõ пусь-пась вõчõ-
 маõсь.



Д Ж Ы Д Ж

- Джыдж, джыдж, кытчõ ветлiн?
- Сус коль сёйны ветлi —
- Виньдi, ва юи — дундi,
- Паччõр вылõ кайи — мышкуõй сотчис,
- Гõбõч вылõ чеччыштi — кокõй желлясис,
- Джджõ чеччыштi — кокõй чегис,
- Пу кок вõчи — сiсьмис,
- Лы кок вõчи — пон сёйис,
- Из кок вõчи — ворсiгõн потi,
- Кõрт кок вõчи — потшõс вылõ чеччыштi
- Да и потшõсыс чегис.



Р У Й

- | | |
|---------------------------|-----------------------------|
| — Руй, руй, кытчõ ветлiн? | — Руй, руй, кытчõ ветлiн? |
| — Мõс корсьны ветлi. | — Курõг корсьны ветлi. |
| — Кутшõм нõ тэнад мõскыд? | — Кутшõм нõ тэнад курõгыд? |
| — Лысана кымõса. | — Кõнтусь сера. |
| — Руй, руй, кытчõ ветлiн? | — Руй, руй, кытчõ ветлiн? |
| — Вõв корсьны ветлi. | — Петук корсьны ветлi. |
| — Кутшõм нõ тенад вõлыд? | — Кутшõм нõ тэнад петукуыд? |
| — Тшая кока. | — Зарниа сорса. |
| — Руй, руй, кытчõ ветлiн? | — Руй, руй, кытчõ ветлiн? |
| — Меж корсьны ветлi. | — Кань корсьны ветлi. |
| — Кутшõм нõ тэнад межыд? | — Кутшõм нõ тэнад каньыд? |
| — Зарниа сюра. | — Визяорда сера. |



ДУДА


- | | |
|----------------------------|---------------------------|
| — Дуда, дуда, кытчө ветли? | — Детинкатор вердны. |
| — Коса дорны ветли. | — Мый вылө детинкаыс? |
| — Мый вылө косаыс? | — Пестор керавны. |
| — Турунтор ытшкыны. | — Мый вылө пескыс? |
| — Мый вылө туруныс? | — Пачтор ломтыштны. |
| — Мөстор вердны. | — Мый вылө пачыс? |
| — Мый вылө мөскыс? | — Нянь пөжавны, шыд пуны, |
| — Йөвтор лысьтыны. | Менө, дудаөс, вердны. |
| — Мый вылө йөлыс? | |

ТУРИЛЫ ПОМЕЧ

Катша, катша, китш-китш!
Тури керка стрөитө,
Тури помечө корө.
Ош кер пөрөдө,
Мой кер кыскалө,
Көин керка лэптө,
Руч нараживайтө,
Кеня стен лөсалө,
Сизь өшинь писькөдө,

Ур пазъяс нитшалө,
Меж пач вартө,
Көч джодж чышкө,
Катша ёг шыблалө,
Шыр би видзө,
Кысылъ тасьтї мыськалө,
Тури пусьө-пөжасьө —
Төрөкан гөстьясөс виччысьө.

)))



САТИРИКО-БЫТОВОЙ МОЙДЪЯС

КЫДЗИ ПОП ЧАНЬ ПӨЖИС

Отчид поп ыстис казакӧс ягӧ пес керавны. Казак гортӧ локтигас босьтис туй боксьыс сѣйтӧм тшак да сьӧрсъыс лӧч-чӧдис.

— Мый нӧ татшӧмсӧ, казак, вайин?— юалӧ сылысь поп.

— Тайӧ,— шуӧ,— батюшко, сӧтшӧм кольк, кодӧс пӧжан кӧ, чань петас.

— Сидзкӧ велӧд менӧ, кызди колӧ сийӧс пӧжнысӧ?— шуӧ поп.

— Мый нӧ сӧн кужтӧмыс. Пӧжсьысь курӧг моз лажгӧдчы, сӧмын ӧн курӧг моз клуткы, а вӧв моз гӧрдлы да нӧль вежон чӧж пукав. Вот тӧнад и чань пӧжсяс.

Пуксис поп чань пӧжны, пукалӧ да вӧв моз гӧрдлӧ. Ӑти вежон пукалис, мӧд вежон пукалис, коймӧд вежон пукалӧ.

— Но мый, батюшко, пӧжсьӧ-ӧ?— юалӧ сылысь казак.

— Пӧжсьӧ, дерт, кызди оз пӧжсьыс.

Нельод вежон тырігас казак бара вөрө кайліс. Сэсся кутіс ловъя көчөс да пөла улас гортас вайис.

— Но,— шуө,— батюшко, пөжсян строкид тырис нин. Мыйкө артмыны кө, колө нин артмыны.

Сэсся өдзөссө восьтыштіс да шуө:

— Оні, батюшко, куимпөв бергөдчы.

Поп куим пөв бергөдчис да тшакыд швачпоті.

Сэки казак лэдзис ас пөла увсьыс көчөс.

Көч джодж кузя тринь-бринь, сэсся восьса өдзөс пыр ывлаө да вөрө гөнитіс.

— Ак, прамөй чань-өд и пөжсьөма,— дивуйтчө поп,— адзылін, бөр кокъясыс водз кокъяс сертиыс мый кузяөсь? А бур и вөв тась лои эськө, эзкө пышйы!



ПОП ДА ИВАН КАЗАК

Олісны-вылісны гозъя. Налөн вөлі куим пи: Педөр, Василей да Иван.

Коркө налөн няньныс быри. Старик и шуө пияныслы:

— Гортын ті весь оланнуд, ветлө кытчөкө нажөвитчыны.

Пудъяясысны вокъяс, кодлы нажетка корсьны мунны. Пуд уси Педөр вок вылө.

Муніс Педөр да медасис поплы казачитны. Попыд лөк вөлөс моз уджөдіс Педөрөс, пөшти дзонь во сійөс прамөя эз вердлы. Тшыгъялөм вөсна Педөрлөн өдва лолыс гортас воис.

Мөд вонас поплы казачитны пуд уси Василей воклы. Поп сійөс сідз жө дзонь во чөж лөк вөлөс моз тшыгйөн уджөдіс: өдва Василейлөн гортас лолыс воис.

Сэсся черед воис Иванлы казачитны мунны.

Босьтіс Иван кос нянь мешөк да мөдөдчис нажетка корсьны. Муніс-муніс да сійө жө попыс паныдасис:

— Кытчө нө, Иван, мөдөдчин?

— Ме нажетка корсьны мөдөдчи.

— Лок мем казакө,— шуө поп.

Медасис поп ордö Иван уджавны, öти во кeжлö.

Воис ужнайтан кад. Поп пуксис ужнайтны, а Иванöс ужнайтны оз пуксьöд.

— Тэ, Иван, регыдджык вод. Аски колö водз турунла мунны.

Войшöр гөгөр поп чуксалис Иванöс да тшöктис вöвъяс: доддявны. Ачыс пуксис да завтракайтис, а казакöс пызан сайö эз чукöстлы.

Иван доддялис кык вöv: öтисö поплы, а мöдсö аслыс. Поплысь вövсö водзö лэдзис, а ачыс бöрынджык гөнитö. Мыйкö мында сиктысь гөнитисны да Иван мöдис поплы горзыны:

— Сувтлы, батюшко, менам öд бöж гезъясöй вуни босътны: додьястö зэлöдны лöö нинöмөн.

А поп сылы и шуö:

— Сиктыс абу на ылын. Öлйöджык котöртлы да кыкнан бöж гезсö и вай.

Иван котөрөн локтис да шуö попаддялы:

— Няньным вунöма да батюшкоыд корис кык черинянь да вина бутылка.

Попаддя сетис кык черинянь, вина бутылка да Иван котöртис попöс суюдны.

— На,— шуö,— батюшко, гезъясыд,— а чериняньяс да вина бутылкасö суйис аслас питшөгö.

Воисны зорöd дорö, турун додьяс сöвтисны да бөр гортлань мөдөдчисны. Мөдис нин пемдыны, а налы уна на колö мунны. Иван пукалö турун додья вылын, вина юö да чериняньөн закусувайтö. Мунисны, мунисны, поп и шуö Иванлы:

— Тэ, казак, видзöd, медым вöлыс менам туйсьыс оз кеж. А ме ачым недыр кeжлö водыштла.

Водис поп турун додья вылö дай унмовсис. Поплөн вöлыд вöли водзынджык. Кор воис кeжан туй вожыс, Иван нарошнö поплысь вövсö кeжөдис гортö мунан туйвылысь да мөдөдчисны тöдтöм туй вожöd. Мунисны тайö туй вожөдыд верст нелямын кымын да поп коркö и садьмис. Гөгөр видзöдлис да гөгөрвоис, мый мөд туй вожö веськалөмаöсь. Сэсся мөдис видны казакöс.

А казак сылы и шуо:

— Кыдз нө ме кежді? Ачыл водзын муна, а ме тэ бөрся муна. Ачыл тэ кеждін.

Вөчны нинөм, колө кыськө узянін корсьны да вөвъяс шойчөдыштны. Воисны найө кутшөмкө деревняө. Поп и ыстө казакөс узьны юасьны:

— Мун,— шуө,— пырав, оз-ө лэдзны шойччыны.

Пырис Иван өти купеч ордө дай шуө:

— Лэдзөй миянөс попкөд шойччыны, шонтысьны.

— Милости просим,— шуө көзяин.

А казак и шуө көзяинлы:

— Ужнайтны пуксянныд да попөс ужнайтны эн пуксьөдө. Йөз нянь вылад попыд миян йөймө. Ужнайтөданныд кө, дзикөдз дурмас да ставнытө кучкалас.

Лэдзалис казак вөвъясөс, додьяс дінө домалис да пырисны керкаө. Көзяин пуксис ужнайтны дай шуө:

— Пуксьы, Иван, пуксьы, батюшко, да ужнайтыштамөй.

Өтчыл тшөктөмөн йөз пызан сайө пуксьыны абу лөсьыд. Поп мөдіс виччысьны, кор сійөс мөдпөв чукөстасны, а көзяин мөдысь сійөс эз и чукөстлы.

А зэв окота попыдлы вөлі сөйыштны. Казак да көзяин зэв топыда ужнайтисны. Сэсся казак кайис пөлатьө, а поп сы бөрся пөлатьө жө.

Казак унмовсис, а поплөн тшыг кынөм вылад оз узьсьы. Вот сійө казакөс мөдіс чуксавны:

— Эй, Иван, менам кынөмөй сюмалө.

А казак сы вылө скөралө:

— Кор вөлі сөйнысө пуксьөдөны, мыйла эн пуксьы? Тани өд абу матушка дінад.

Сэсся Иван и шуө:

— Эстөн, заловка вылас, рок кашник сулалө. Мун гусяв да сөй.

Лэчис поп, заловка вылысь аддзис рок кашник, но паньыс эз сюр. Сэсся бара норасьө Иванлы:

— Казак, паньыс эз сюр. Кыдзи нө паньтөгыс мөда сөйны?

— Пудж пöдряник состö да кинад сёй.

Поп кинас пырис гырничö да кийс и сибдiс. Котравны кутiс поп.

— Ой, казак, мезды, кийö сибдiс.

Казак сылы и шуö:

— Ак тэ, чöрт! Войбыд тай узьны он сет?

Войыс вöли тöлыся. Иван и шуö поплы:

— Аддзан, кöтшас улас со тöчила куйлö, сэтчö кучкы да гырничыс и жугалас.

Поп кучкис гырничöн югъялан тöчилаö. А сэнi вöлöма абү тöчила, а кöзяинлөн батыс узьö да плешыс сылөн тöлысь вылас югъялö. Аддзö поп, мый делöйд лои неладнö, да пышйис.

Чеччисны асывнас да казак и шуö кöзяиныслы:

— А попыс кöни? Кытчö тi менсьым попöс воштiнныд? Он кö пырысь-пыр корсьö, судö сета. Сетанныд кö куимсё шайт деньга да сир бöчка — став делöсö вевття и судитчыны ог понды.

Иванлы сетiсны куимсё шайт да сир бöчка. Сэссия сийö кыкнан вöвсö доддялiс, öти турун додьсö путкыльтiс да сир бöчкасö доддяс пунктiс, а мöд додьсö эз ректы.

Турун додьсö водзöджык лэдзис, а ачыс сир додьнас мöдiс бөрвылас мунны. Талзи Иван мöдöдчис попöс корсьны. Воис сикт помö да аддзис: попыс рынышъяс сайö дзебсьöма.

— Но,— шуö,— батюшко, делöтор вöчыштiн? Öни тюрмаын пукавтöг он мын. Мыйла кöзяинсö виин?

Поп мöдiс кевмысьны Иванлы:

— Мезды, Иванушко, судö сюрöмысь... Куимсё шайт деньга сета.

Босьтiс Иван поплысь куимсё шайт дай шуö:

— Мезда, колöкö, но куимсё шайт вылад, гашкö, оз мöдны миритчыны.

Мунiс казак сиктö, поплы видзöдны быттöкö деньга нуны. А ачыс волiс сöмын сикт помöдзыс, сулыштiс рыныш пельöсын да локтiс бөр поп дiнö:

— Оз,— шуө,— батюшко, куимсё вылад миритчыны, ещö жуимсё шайт содтöд корöны.

Поп бара сетис куимсё шайт. Иван ветлис сикт помöдз, бара рыныш пельöсын сулалыштис да локтис поп динö.

— Но,— шуө,— батюшко, тэнад деньгаыд эз нин коль, а найö пыр на содтöд корöны. Вай жö пуксям вöв доддяд да öдйöджык гортлань гөнитам.

Водис поп додь пыдöсö, казак вöвъясöс тэрмöдлö. Поп сылысы и юалö:

— Оз на, Иван, вöтчыны?

— Вöтчöны,— шуө,— батюшко!

А поп сылы кевмысьö:

— Дзев менö, Иванушко!

Додь пыдöсас вöли тыртöм мешöк. Иван сылы и шуö:

— Пыр вай, батюшко, тыртöм мешöк пытшкас да эн шыась. А шыасян кö, тэнад и менам юрным вошö.

Кöрталис Иван попöс мешöк пытшкö да вожалаөн пуксис мешöк вылас. Ачыс сэсся разной гөлöсөн öтнас мöдис сёрнитны, быттьö кодъяскö суöдисны, а збыльысьсö эськö некод на бöрся эз и вöтчы.

Поп кылö, кызди вöтчысьяс Иванлысь скöрысь юалöны:

— Кöни тэнад кузь юрсиа другыд? А тэ он висьтав?

Пондис Иван беддьөн кучкавны поп тыра мешöкö. Кучкалис да кучкалис, кучкалис да кучкалис.

Коркö Иван разис мешöксö.

— Пет,— шуө,— батюшко, найö водзлань котöртисны тэнö суöдны. Бөр кö бергöдчыны оз слöймыны, ми пышъям наысь,

Поп бокъяссö ассьыс гыжъялö да ымзö.

Сэсся муныштисны неуна, да поплы казак и шуö:

— Тэнö корсьысьясыд, батюшко, бөр нин со локтöны, колöкö дзевсьы. Пыр вай татчö сир бöчкаас. Некод тэнö тась корсьны оз куж. Сöмын чöv пукав да мый тшöкта, менсьым кывзы.

Пырис поп сир бöчкаö, а налы паныд локтö купеч, дас кык додь тöвар вайö.

— Мый нö, Иван, бöчкаад ваян?

— Ме турунла ветлі да турун зорөд дорысь чөртөс куті.
Өні вузавны нуа.

— Оз-ө позь тэнсьыд чөрттө видзөдлыны?

— Кыдз нө оз позь. Позьтөмтор нинөм абу. Вай сё чөл-көвөй да петкөдла.

Сэссия Иван восьтіс бөчка вевтсө да шөпнитіс поплы:

— Вєськыда купеч вылас и котөрт!

Петіс сир бөчкакысь поп, дзик чөрт кодь. Иван кучкис сылы плетьнас бок кузяыс, поп чепөсийс вєськыда купеч вылө.

А купеч чегсис да юртөг-садьтөг котөртіс, кытчө кокыс нуис. Сідзи став төварсө и эновтіс.

Иван босьтіс поплысь медасьлөм дон да дас кык додь төварөн мөдөдчис гортас.

А попыд пывсис да мыссис, пывсис да мыссис, некыдзи сьлөн сирыс оз мын. И өні на көнкө пывсьө да мысьсьө да Иван казакөс казьтылө.

ЧӨРТ ПӨЛЯН

Коркө поп сёркни көдзис. Зэв эськө бура сёркниыд быд-мис, да кодкө сылысь сёркнитө мөдіс гусявлыны. Оти вой поп караулитчис, мөд вой караулитчис, вөрөс эз аддзыв, а сёркни быд вой вошө и вошө. Көймөд войнас поп ыстіс караулитчыны казаксө.

Босьтіс казак сьөрсьыс палич да водіс град бөрөздаө. Вот войнас воис поп град вылө чөрт да кутіс поплысь сёркни лупөшитны. Казак уськөдчис чөрт вылө, босьтіс сійөс шошабдыс да мөдіс паличөн дубитны. Дубитіс да дубитіс, дубитіс да дубитіс. Чөрт кутіс кевмысьны сылы:

— Эн ви, Иван, прөстит первой мыжысь! Прөститан кө, аслыд ыджыд бур вөча.

Сетіс чөртыд Иванлы пөлян да шуө:

— Тайө пөляннас быдөнөс позьө йөктөдны.

Вот коркө поп ыстіс Иванөс мөс видзны.

Иван мөсьяссө вөтліс медяс турунаинас. Мөсьяс сэтшө-

ма сёйсны — муртса вермёны гортаныс локны, гашкё, ведра йёлён сетисны ёти лысьтёмас. Поплы нимкодъ:

— Со ёд кутшёма дёзьёритё мяян казакыд кёзьяйскёй мёсьястё.

Мёд луннас Иван сийё местаас жё вётлис мёсьясёс, лэдзис найёс йирсыны, а ачыс мёдис пёлянён ворсны. Ворсё Иван, а сы ворсём бёрся став жуг-жагыс йёктёны, и мёсьяс тшётш йёктёны.

Лунтыр Иван ворсис, мёсьяс эз и вевъявны йирсыны. Вайёдис Иван мёсьясёс. Лэччис попаддя мёсьясёс лысьтыны, а мёс вёраяс тыртёмёсь.

Ёти лун, мёд лун дай коймёд лун мёсьяс локтёны тыртём вёраён, ни ёти войт йёв оз вайны. Поп и шуё:

— Час ме муна казак бёрся да кыйёда, кыдзи сийё видзё менсьым мёсьясёс.

Мёд луннас Иван бара нуёдис мёсьясёс йирсыны, а поп гусьён вётчис казак бёрся да сук бадь костё дзебсис, кутис кыйёдны казаклысь мёсьяс дорын вёдитчёмсё.

Казак пуксис да мёдис пёлянён ворсны. Став муыв жуг-жагыс йёктё казак ворсём вылё, мёсьяс йёктёны, и поплён кутис тшётш йёктысьсыны. Поп оз кёсий йёктыны, но кокъясыс асьныс и йёктёны. Эрданын кё нинём, а сийё пукалё понёльникын: йёктёмысла сылён став пёдрасникыс оръясис и чужёмыс быдсён парсассис.

— Тырмас нин, Иван, тэд ворснытё!— понёль пёвстсянь горзё сылы поп. А Иван кылис поплысь гёлёссё да ёщё ёна кутис пёлясьны. Тадзи казак йёктёдис попёс ныр вылас усътёдз. Став паськёмыс лестукёдз оръясис, пёшти пасьтёг гортас воис.

Скёрмис поп мёсьясёс да асьё тешитёмысь, казакёс судё сетис. Коркё поп да казак мёдёдчисны суд вылё. Туй вылас паныдасис вёла купеч, дозмук-товар карысь вайё. Купеч сыльсь и юалё:

— Кытчё, батюшко, мёдёдчин?

— Ме казакёс судитны карё нуёда. Менё сийё ас окотатёг йёктёдис.

Купеч кутіс шензыны:

— Кыз нө мортос позьө мырдөн йөктөдны? Верман кө, Иван, вай менө йөктөд.

Поп повзис да шуө:

— Эн бара, Иван, йөктөд! Он кө йөктөд, судитчыны ог мөд.

Поп водзвылысь асьсө потшөсө көрталіс, медым оз йөктыссы. Вот заводитіс Иван ворсны пөлянөн. Став матігөгөрсә жуг-жагыс йөктө, купеч йөктө, поп потшөснас йөктө, купечлөн вөвъясыс и төвар дольясыс тшөтш йөктөны. Став дозмук-төварыс жуллысыс. Поплөн став подрясникыс бара оръясыс.

Вот Иванөс өні поп да купеч өтвылысь судө сетісны. Воисны суддя ордө да висьталөны, мый сідзи и сідзи, Иван найөс мырдөн йөктөдіс. Суддя шензө:

— Ме ог верит, мый мортос позьө мырдөн йөктөдны. Вай, Иван, петкөдлы меным, кызди попөс да купечөс йөктөдін.

Поп да купеч водзвылысь кытчө сюрө көртасисны, а суддя пукалө пызан саяс.

Заводитіс Иван пөлянөн ворсны. Поп йөктө, купеч йөктө и суддя йөктө. Суддя пызана сашаритчис да пызаннас и быдсөн йөктө. Ставнысө усьтөдз бара йөктөдіс Иван.

Вот өні куимөн нин — поп, купеч да суддя — нуөдісны Иванөс судитчыны царь дінө. Норасисны царлы, мый сідзи и сідзи, Иван найөс мырдөн йөктөдіс. Царлы дивө лои да шуө:

— Ог верит, мый мортос позьө мырдөн йөктөдны.

Сэсса царь став семьянас и свитанас петіс кильчө вылас да Иванлы шуө:

— Вай жө, Иван, петкөдлы, кызди попөс, купечөс да суддяөс йөктөдін. Верман кө йөктөдны, ог судит, а он кө вермы, юртө керышта.

Поп, купеч да суддя водзвылысь асьнысө столбө домалісны. Заводитіс Иван ворсны ас пөляннас. Став матігөгөрсә жуг-жагыс йөктө, поп йөктө, купеч йөктө, суддя йөктө, цар-

лөн став слугаыс, свитаыс йөктө и ачыс царь семьянас йөктө. Бара ставнысө йөктөдіс усьтөдз. Царь горзө:

— Тырмас, Иван, йөктөмысла став гырк пытшкөсөй менам пыркаліс.

— Ме дор кө судитан, дугда ворсөмысь, а он кө — вөдзө понда йөктөдны,— шуө Иван.

Царь повзис да быть лоис сэсся Иванөс оправдайтны.



ПОП ДА СЫЛӨН КАЗАК МӨМӨТ

Важөн олісны-вылісны поп гозъя. Вот өтчыд поп мөдөдчис казакөс корсьны. Видзөдө, а сылы паныд Мөмөт локтө.

— Кытчө, батюшкоыс, мөдөдчөма?

— Казакөс корсьны.

А Мөмөт сылы и шуө:

— Босьт менө казачитнытө, донтөг медася: куим во служитөмысь — куим печик. Первой во бөрын чаль чуньөн печикта, мөд во помасьөм бөрын нимтөм чуньөн печикта, а коймөд во помасьөм бөрын вөдз чуньөн печикта.

А поплы нимкодъыд, мый йөй мужик куим во кежлө куим печикысь медасьө.

Печикыд печик и эм: деньга мынтыны оз ков.

— Медала,— шуө поп.— Удж менам абу сьөкыд: нянь изны, скөт вөдитны, пес керавны, войын вөръясысь амбар видзны.

Өтчыд поп казакөс ыстө вөрө:

— Мун,— шуө,— Мөмөт, ветлы пес керавны.

Муніс Мөмөт вөрө, кераліс сыв кузьта вит краж, сэсся югыдөн на и гортас воис. А поп сылысь и юалө:

— Уна-ө нө, Мөмөт, пестө кералін?

— Талун вит сыв кералі.

Коркө поп Мөмөтөс и пєсла ыстас. А Мөмөт сылысь юалө:

— Ставсө, витнан сывсө вая, али ог ставсө?

— Дерт, ставсө.

Муніс Мөмөт, сөвтис вөв доддьо витнан кражсө да поп
өшинь улө грымкылө дөдсьө пөрөдіс.

— Петав,— шуө,— батюшко, пестө примитны.

Петис поп да Мөмөтөс видө:

— Ак, тэ, Мөмөт! Көн нө тэнад вит сыв пескыд?

— А Мөмөт сылы шуө:

— Кыдзи нө абу вит сыв? Стөч вит сыв кералөма.

Узисны да аскинас поп бара ыстө Мөмөтөс пес керавны.

— Өні,— шуө,— тадзи эн нин керав.

Муніс Мөмөт вөрө. Пөрөдіс дас вершөка нэмөвөйя по-
жөм, увйис, мурталіс өкмыс сыв кузьта, сэсся чинтіс
йылөдыс.

— Но,— шуө,— батюшко, талун өти лунөн өкмыс сыв
кералі. Өні дзик прамөй пес кералі.

Мөд луннас поп ачыс доддясис да казаккөд тшөтш ка-
йис вөрө песла.

— Көні нө, казак, пескыд?

— Тани, батюшко, стөч өкмыс сыв,— индіс казак өкмыс
сывъя кер вылө.

Бара поп пинясьө:

— Ак, тэ, Мөмөт, тэ, Мөмөт! Пукты вөв вылас да лэччөд.

Мөмөт петкөдіс өкмыс сывъя керсө ас пельпом вылас
да сэсся шыбитіс вөв мышку вылө. Вөлыс сэтчө и лязалі
да кулі.

— Ак, тэ, Мөмөт, тэ, Мөмөт!— пинясьө поп,— код йөй
нө вөв мышку вылө кер сөвтлывлө. Колі өд доддяс пуктыны.

А Мөмөт балябөжсө гыжъялө да шуө:

— Мед тэ, батюшко, водзджык сідз висьталін, мый
доддяс колө пуктыны. Тэ шуин, вөв вылас пө пукты. Кыдзи
көзяин тшөктіс, ме сідзи и вөчи.

Но мый сэсся Мөмөткөд вөчан? Скөраліс, скөраліс поп
дай шуө:

— Виин кө менсьым вөлөс, өні ас вылад и лэччөд!

Мөмөт зэв кокнипырысь босьтіс пельпом вылас өкмыс
сывъя кертө да мөдөдчис гортө. Мунігас бергөдчыліс да
поплысь юалө:

— Кытчö нö, батюшко, пестö ректа, керка дорад али ыж гид дорад?

Поп сылы ылысянь нин горöдiс:

— Ыж гид дорас ректы.

Казак вайис кертö поп керка дорöдз да зымкылö сувтöдiс ыж гид стен бокö. Ыж гидыд киссис. Поплөн став ыжъясыс лязалисны.

Воис поп да пинясьö казак вылö:

— Ак, тэ, Мöмöt! Мыйла нö ыж гидсö кисьтiн?

— Ме эг кисьт, ме сöмын пестö стен бокас сувтöдi.

Олисны-олисны, дай поп шуö казаклы:

— Мун, Мöмöt, посводзö чуж изны петав, аски матушка сур пуны кöсйö.

Изiс да изiс, изiс да изiс Мöмöt, мый изö, сийöс вочасөн и сейö. Став изöм пызьсö сейис. Сэссия пырис керкаö да шуö поплы:

— Батюшко, чужйыд изсис.

Петiсны чуж видлыны, а чужйыд абу.

— Кöни нö, Мöмöt, тэнад чужйыд?

— Ме посни пызьöдз изi. Сэтшöма изi, ставыс бусö пöри.

Поп сетiс Мöмötлы ещö öти мешöк чуж изны. Изiгмозыс Мöмöt бара сейис став чужтö. Поп скöрмис:

— Мöмöt, тэ, Мöмöt! Чуж изны он куж! Сэссия поплы аслыс лои пуксьыны изки дорö да чуж изны.

Олисны, олисны, дай попöс беда суис: поплөн пачсьыс сёяныс мöдiс вошласьны, пачын пыр сöмын тыртöм кашникъяс кольöны.

Вот поп казакыслы и шуö:

— Кывзы, Мöмöt, тэ бурджыка кильчö öдзöстö караулит. Кутшöмкö вөръяс воывлöны мянö да пачысь став сёянсö ректöны. Конюшняыс вудж узьлыны посводзö.

Мöмöt мöдiс лун и вой караулитны, кодi поп пачысь сёян гусявлö. А ачыс стрöка кыйöдас, пыралас керкаö да став сёянсö пачсьыд здукөн ректыштас.

Коркö öти асылын поп да Мöмöt вартны петiсны, а сэк

попаддя чукöстис ассьыс мусуксö — кузь юрсиа дьякөнöс, — да мөдисны койтны да гөститөдчыны.

Мөмөт босьтис чап, өтчюд шеныштис — өти чап көв ори, мөдысь шеныштис — мөд чап көв ори.

— Вай, — шуө, — батюшко, гортö котөртлам чап көв вурыштны: тани шыла ни нырагез абу.

Локтисны гортö, а попаддялөн кильчөсö игналөма. Мөдисны игөдчыны. Казак öшиньөд кыйкнитлис да аддзис, кыдзи попаддя нуис пызан вылысь чөскыд сөянъяс, а дьякөнöс дзебис шкапö. Пырисны керкаö.

— Вай, — шуө, — матушка, ме өбөдайтышта, а казак сыкоста чап көвъяс вурыштас.

Кватитчисны, а пачын сөяныд абу.

— Ак, тэ, Мөмөт, тэ, Мөмөт! Омөля тэ вөръясысь керка видзан. Бара нин вөръяс волөмаөсь. — шуө поп.

А Мөмөт поплы шуө:

— Ме талун, батюшко, вөтөн аддзыли, бытьөкө вөрыд волис, кыскалис пачсыд став сөянтö да шкапад пукталис и ачыс тшөтш шкапад пуксис.

Восьтисны шкапсö, и збылысь сэни сөянтыра гырничьяс, и пирог-шаньгаяс, и кузь юрсиа дьяк сэни жö пукалө. Поп аддзис дьякөнöс да уськөдчис:

— Ак, — шуө, — кодi вөлөма сөян гусявлысьыд!

И мөдисны поп да дьяк юрси-юрси воча пачесайтчыны. Дьякөн томджык да вермө попөс. Поп мөдис казаклы горзыны:

— Эй, Мөмөт, мый тэ чөв сулалан? Босьт укватсö да кучкав тшөтш.

Мөмөт кватитис укват да мөдис попөс и дьякөнöс кыкнансö өтмоз тувкөдны да ойкөдны. Öдйөн тай янсалисны.

— Ак, — шуө поп, — Мөмөт, тэ, Мөмөт! Ме тшөкти дьякөнöс кучкавны, а тэ менö тшөтш кучкалин!

— А мем кыдз көзяин шуис, сідзи и вөчи. Тэ өд ачюд кучкавны тшөктин да эн урчит, кодөс кучкавнысö.

Дзонь вежон чөж пои куйлис вольпасын, гыжъялис ассьыс нөйтөм бокъяссö.

Олісны, олісны да коркё поп да попаддзя гёститны мё-
дёдчисны. Поп шуё казаклы:

— Тэ, Мёмёт, ми гёститігкості ов лючки да ёдзёсьястё
бура видз, а медся нин амбар ёдзёстё бура видз, медым
вёръяс менсьым няньёс оз гусявны.

Мыйён поп гозъя мунісны гёститны, Мёмёт восьтіс ам-
бар ёдзёстё, корис сиктысь мужикъясёс да тшёктіс став
няньсё и эмбурсё новлыны. Сэсся перйис амбар ёдзёссё да
амбар ёдзёснас котёртіс попёс корсьны. Поп сійёс аддзис
да юалё:

— Мый нин лои, Мёмёт? Кыдзи лысьтін амбар ёдзёстё
эновтны?

— Амбар пытшкад, батюшко, шыръяс кышёдчёны. Ме
котёрён локті юавны, мый вёчны. А амбар ёдзёстё бура
тшёктін кранитны да, мед мися татчё волігкості некод сійёс
эз гусяв, сьёрысь вайи.

— Ак, тэ, Мёмёт, тэ, Мёмёт! Колё ёд амбарсьюд сюсё
кранитны, а оз амбар ёдзёссё!

Котёртісны амбар видзёдлыны: збыльысь, нинём абу ко-
льёма, ставсё гусялёмаёсь.

Скёралё поп гёгөрвотём казак вылё, а Мёмёт прав-
дайтчё:

— Тэ ёд, батюшко, эн амбартё, а амбар ёдзёстё тшёк-
тін видзны. Кыдз кёзяин тшёктіс, ме сідзи и вёчи.

Вот коркё воис казачитёмлы срок. Колё казаккёд рё-
щёт вёчны ёти во уджалёмысь. Мёмёт соссё пуджис дай шуё:

— Кад, батюшко, меным первой воысь уджалём дон
мынтыны. Вай лёсьёллы плештё. Кодар бокас печикта?

Лёсьёдіс поп шуйга плешсё. Мёмёт колс печиктіс да
сэтшёма печиктіс, мый поп вылё-вылё качліс да кётшас
улёдз тумбыльтчис.

— Но,— шуё,— батюшко, ёти во уджалёмысь прёст.

А поп, гашкё, и куим сутки чёж садьтёгыс куйліс тайё
печиктёмысь.

Пукалё поп да думайтё, кыдзи мездысьны казакысь?
Кыдзи мездысьны ещё кык печикысь?

Вот чукөстис казакөс поп дай шуө:

— Мун, Мөмөт, ветлы да Вөрсалысь мөссө вайөд: сийө меным кык во чөж нин руга эз мынтыв.

Мунис Мөмөт, пырис съөд вөр шөрө, кералис медся ыджыд пожом пусө да мөдис кырссыны.

— Кутшөм могөн, Мөмөт, локтін менам прикодө? Мый-ла тайө пусө кырссян?

— Ме локті тиянөс, вөрса челядьөс, поплы руга мынты-төмысь пывсьөдыштны. Со,— индіс сийө пожом кер вылө,— вөча татысь аслым бедь, медым тайө бедьнас тиянөс пыв-сьөдны.

Повзис Вөрса да шуө казаклы:

— Вай первой выннымөс бертам. Кодным лоам ёнджык, сылы и руга мынтыны. Кыкнанным шутөвтам. Кодным ёнджыка вермам шутөвтны, сылы и руга мынтыны.

Шутөвтіс Вөрса, став вөрыс быдсөн төвзыштліс и Мө-мөт муртса кок йывсьыс эз усь— сэтшөм гораа сийө шу-төвтіс.

— Но,— шуө,— өні сэсся тэ, Мөмөт, шутөвт.

А Мөмөт шуө:

— Ме кө, Вөрса, шутөвта, тэнад сингурансьыд синмыд чеччыштас. Синмыд кө жаль, көртав синтө.

Көрталис Вөрса ассьыс синъяссө да мөдис виччысьны Мөмөтлысь шутөвтөм. Мөмөт босьтіс муысь зор да кызз тай свиснитас Вөрсалы юрбөрас, сылөн синсьыс быдсөн би петалис.

— Но,— шуө Мөмөт,— өтчыд шутөвті, мөдысь шутөв-та ог?

— Эн сэсся шутөвт,— шуө Вөрса,— өтчыд шутөвтөмысь менам синъясөй муртса нин эз чеччыштны.

Сетіс Вөрса Мөмөтлы ассьыс кык скөтина — кык ошкөс. Воис Мөмөт поп ордө, өти ошсө йөртіс вөвъяс конюшняө, а мөдсө — мөс картаө. Попыд эськө абу нин рад, мый Мө-мөт гортө ловйөн воис.

— Но,— шуө,— Мөмөт, вайөдін Вөрсалысь скөтсө?

— Вайөді, конюшняад да картаад йөрті.

Мөд лунас лэччисны карта вылад, а ошъясыд поплысь став мөсьяссө и вөвьяссө косявлөмаось.

Бара поп пуксис да шогсьө, думайтө, кытчө казакөс ыстыны, мед ловйөн бөр оз во.

— Ветлы,— шуө,— Мөмөт, Ыджыд Вад дорө чөртъялысь оброк перйыны. Куим во нин оброк ни руга мем эз мынтывны.

Мунис Мөмөт Ыджыд Вад дорө, пуксис берег дорас да мөдис нырагез гартны. Сэки Вад пытшкөсысь быйкнитис чөртпи да юалө:

— Мый тэ, Мөмөт, вөчан?

— Ме нырагез гарта, тиянлысь ваднытө көсья шыръявны да тиянөс, васа бесъясөс, пывсьөдыштны, мыйла поплы оброк ни руга он мынтөй.

Чегсис беспи да васа ледыс динө котөртис:

— Ой, дедө! Мөмөт локтөма да оброк корө, шуө: он кө пө шапка тыр деньга сетөй, ваднытө пө шыръяла да став васа бесъяссө пө пывсьөда.

Петис беспи Мөмөт дорө дай шуө:

— Дедө тшөктө тэныд мекөд бертчыны. Кодным коднымөс вермам, сылы и оброк лоө мынтыны.

Мөмөт сылы шуө:

— Тэкөд нө, чөрт кусынькөд, ачым ог жө мөд вермасьны. Со эстөн пу дорас менам шөркост вокөй куйлө. Мунө ськөд бертчөй. Сөмын сийө неуна пельтөм да оз кыв, сёрнитны заводиттөдз колө сылы кучкыны. Мөмөт индис пу улын куйлысь ош вылө.

Чөртпи мунис, кучкис куйлысь ошлы да горөдис:

— Вай,— шуө,— вермасям.

Ошкыд тай кызди сы вылө уськөдчас. Парсалас да курччалас, парсалас да курччалас, беспилөн өдва лолыс кольө да котөрөн лэччас дедыслы норасьны:

— Мөмөтыд ачыс эз бертчы, шөркост воксө меным паныд ыстылис.

Бара беспи петис берегө, а оброк деньга эз петкөд.

— Дедö, — шуö—тшöктис панъясьны. Кодным öдйöджык вад гөгөр кытшовтам, сылы и оброк мынтыны.

— Тэкöд, чöрт кусынькöд, ачым ог жö мöд панъясьны! Тэнö менам ичöt вокöй на панъяс, — шуö Мöмöt.

Сэсса пыралис вөрö, кыйис кык көчöс, öтисö мешöкö суйис, а мöдсö мездорас босьтис.

— Но, шуö, — чöрткусынъ, панъясь менам ичöt воккöд, — и лэдзис öтик көчсö да кинас швач-швачкерис. Көч котöртис. А чöртпи кывсö öшöдöмөн кашкö-котöртö, мед эськö сийöс оз панйыны. Вот кытшовтис чöртпи вад гөгөрыс, а сэк коста Мöмöt кыскис мешöксьыс мöд көчсö да мышкас тапкöдö:

— Молодеч, — шуö, — менам ичöt вокöй, чöртпиöс панйин.

Бара чöртпи котөрөн лэччис дедыс динö да висьталö:

— Менö панйис Мöмötлөн ичöt вокус.

Вот петис беспи дай бара на оброк деньга оз вай.

— Со, — шуö, — дед менам ытис асьсыс комын пудъя бедьсö, кодным вылöджык качöдлам, сылы и оброк.

Мöмöt сувтис комын пудъя көрт бедь дорö да кымөр вылö видзöдö, а шыбитны оз шыбит.

— Мый нö, Мöмöt, виччысян, он шыбит?

— Час, — шуö, — эсийö кымөр пластсö виччысьышта да сэтчö бедьсö шыбита, мед сэсса бöрсö оз усь.

Чегсис чöртпи, кватитис паличсö да вадйö лэччис дедлы норасьны:

— Тэнсьыд бедьтö, дедö, Мöмötыд кутлис кымөр вылö шыбитны. Муртса вевъяли пышйöдны.

Аддзö пöрысь васа, мый Мöмötкöд силаөн бертчыны он вермы, да тшöктис петкöдны оброк деньга.

Сэк кості Мöмöt розьöдис шапка пыдöссö, улысас гу кодйис да мешöк пуктис. Öги мешöк деньга петкöдис да кисьтис чöртпи Мöмöt шапкаö — эз тыр, мöд мешöк кисьтис — эз тыр, коймöд мешöк петкöдис да вöлисти тырис.

— Но, — шуö Мöмöt чöртпины, — ну поп ордöдз тайö деньга мöшöксö.

Вот мöдöдчисны Мöмöt да чöртпи поп ордö. Туй вывсьыс аддзисны ыджыд изки.

Беспи Мөмөтлысь юалө:

— Мый нө тайө татшөм гөгрөсыс?

— Тайө менам дедөлөн сикөтш моллыс.

Мунисны, мунисны, да беспи агас аддзис.

— Мый нө, Мөмөт, татшөмыс?

— Тайө менам дедөлөн сикөтшыс.

Мунисны, мунисны, да беспи рыныш аддзис.

— Висьтав, Мөмөт, тайө мый татшөмыс?

— Тайө менам дедөлөн вөралан шапкаыс.

Сэссия воны кутисны поп ордө да Мөмөт беспиөс гортас ыстис.

Гортас мунигөн беспи рыныштө шапкаалис, агастө сьылиас сикөтш пыдди суйис, а изкитө сьылиас жө көрталис да вадйө мөдис дедыс дорө лэччыны. Изкиыд ва пыдөсө кыскө, рынышыд да агасыд ва веркөсө кыпөдөны. Пессис, пессис беспи да сэтчө и джагалис.

Воис Мөмөт поп ордө да деньга мешөктө крапкылө джодж шөрө чөвтис.

— Вайи,— шуө,— чөртъясыдлысь оброктө.

Попыди деньга вылад нин абу рад, думайтө сөмын сы йылысь, кыдзи казак печикысь плешсө мездыны. Көть кытчө сийөс эз ыстыв, некытчө Мөмөт оз йөрмы.

Сэссия поп да попаддя думайтисны пышйыны. Поп вөчис аслыс зэв ыджыд пестер, став дона көлуйсө сөвтис сэтчө да шуө попаддялы:

— Тайө Мөмөтысь ловъя юрөн он мын. Аски жө сыысь тусьөн кытчөкө пышъям.

А Мөмөт кывлис налысь сёрнисө. Мыйөн поп да попаддя унмовсисны, ректис поп пестерысь став эмбурсө да няньсө, сэссия ачыс пырис сэтчө да вевттысис.

Асывнас зэв водз поп да попаддя мөдисны гортысь пышйыны. Пышйисны-пышйисны да көсйисны пуксьывны шойчыштыны. Оні пө казакыд оз нин суөд.

А Мөмөт сэк пестер пытшысь горөдис:

— Батюшко, менө тай колинныд!

— Со өд, Мөмөтүд, тыдалө, казялөма пышйөмнымөс да вөччө ми бөрся.

Пышйисны да пышйисны, пышйисны да пышйисны, поводнөя мудзисны.

— Но, матушка, вай жө пуксыштлам шойччыштны да сөйыштны. Оні өд казакыд оз нин суөд.

А Мөмөт бара горөдіс пестер пытшкөссиян:

— Батюшко, эн коль! Тайө ме, Мөмөт, локта!

Котөртисны да котөртисны, джуджыд кыркөтша ю дорө воисны, сэтчө найөс вой суис. Попыд пестерсө пөрччис да бужөд дорө шойччыны пуксис и шуө:

— Но, Мөмөтлы миянөс не суөдны.

А Мөмөт сэккоста петіс пестерысь да шуө:

— Но, батюшко, өдва ме тиянөс верми суөдны. Ме чайтлі, мый менө дзикөдз нин колинныд.

Поп да попаддя шогө воисны: бара Мөмөтысь эз мынны.

Вот поп, попаддя да казак лөсьөдчөны ю дорө узыны водны. Поп и шуө:

— Тэ, Мөмөт, ю дорланьыс водан, матушка — вөрладорланьыс, а ме — шөракостаныд.

Мудзөм бөрад поп да попаддя зэв чорыда унмовсисны да немтор эз кывлыны, кызди Мөмөт попөс ю дорланьыс вештыштис, а ачыс поп да попаддя костө водіс.

Коркө садьмис попаддя, думайтө, мый сы бокрын куйлө аслак попыс, да сылы бокас тувкөдө:

— Тойышт сійөс ваас да мынам сыысь!

Мөмөт тойыштис попөс кыркөтш йывсянъ ваө.

Асывнас садьмис попаддя да юалө Мөмөтлысь:

— Көн нө, казак, миян батюшконым?

— Ме сійөс ваө быгыльті. Ачыл тай войнас тшөктін сійөс ваө йөткыны.

Мөмөт чеччис да шуө сөссия попаддялы:

— Но, менам оні кежлө казакалан срок помасис. Поплы казначиті, а попаддялы казначитны ог көсйы.

Сөссия Мөмөт шапкасө лэптыліс да водзө мөдөдчис.

МУЖИК ДА КУИМ ПОП.

Важон олісны-вылісны гозъя. Налон и няныс быри. Ба-
баыс мөдіс шуны мужикыслы:

— Мун ветлы да капкан пукты, оз-ө шед кутшөмкө зверь.

Кайис дядьö вөрö, пуктіс капкан, да съод руч шедіс.
Мөдөдчис дядьö руч куөн базар вылө, шойччигмоз пырис
кабакö да шуö кабатчиклы:

— Он-ө ньöб руч ку менсьым?

Кабатчик шуö:

— Ньöба куим четверть винаысь.

Сетіс мужик кабатчиклы ассьыс руч кусö куим четверть
винаысь.

Юис öти четвертьсö, дуб ни дэб эз мунлы, юис мөдсö,
неуна гажмыштіс, а коймөдсö юис да поводнöя коддзис.

Мужиклы паныдөн пызан сайын вöлі пукалöны куим поп
и дивуйтчöны: кысь мужиклы та мында деньгаыс. Найö пыр
видзöдісны мужик юём вылө. Кор юис мужикылдөн коймөд
четвертьыс, чеччис сійö пызан сайысь, шапкасö лэптыштіс
да кабатчиклань юрнас довкнитіс:

— Кöзяин, рöщöтын?

— Рöщöтын, рöщöтын,— шуö сылы кабатчик.

Попъяслы зэв дивö, мый мужикыд куим четверть винаысь
шапкасö сöмын лэптыштіс и грöш эз мынты.

Вöтчисны попъяс мужик бөрся да юалöны сылысь:

— Кыдзи нö тэ сьом мынтытöгыс винасö юин? •

А мужик налы шуö:

— Ме кöть мыйтöм ог ю, некор ог мынтысьлы. Шап-
касö кö лэптыштіла, менсьым некод некутшөм дон оз босьт.

— Сідзкö, вай вузав миянлы ассьыд шапкатö.

— Вузала,— шуö мужик,— сетанныд кö сё шайтөн мортысь.

Босьтіс мужик попъяслысь сё шайтөн мортысь да лок-
тіс гортас, а попъясыд зэв радпырысь муісны гортаныс.

Попъясыс ас костаныс вöліны рöдняяс — сьöякъяс. Шап-
касö первой босьтіс ыджыд сьöяк да шуö:

— Часлы первой ме ветла каро да гулайтышта тайо шапканас.

Муніс сійо каро, пырис медся дона трактирас, чукортіс гоститодны став тодсяяссө да шуо:

— Мыйтом колө, сы мында и юо, ме ставныто юктала ас шот выло.

Юисны да сейисны гостьяс. Сэссия поп чеччис пызан сай-ысь, шапкасө лэптыштлис да юрнас гогнитіс кабатчиклы:

— Көзяин, тэкөд ми рөщөтын?..

— Кабатчик кватитіс попөс пөлаөдыс да шуо:

— Кыдз рөщөтын?! Сьөмто эн на мынты да.

Поп ас кежас мөвпыштіс: „Гашкө, шапкасө неладно шапкаавсис“. Шапкасө сэссия мөдарө бергөдіс, бара лэптыштлис да кабатчиклань юрнас гогнитіс:

— Оні өд рөщөтын нин?

— Кыдзи нө рөщөтын?— скөрмис сы выло трактирщик.

Вөчны нинөм: поплы лои мынтыны кыксө шайт. Сійо пиньсө йиригтыр муніс гортас да свөякыслы нинөм эз висьтав.

Сэссия шапкасө босьтіс мөд попыс, сідз жө муніс карө. Пырис бара жө медся дона трактирас да юис аслас тодсяя-сыскөд. Юсьөм бөрын шапкасө лэптыштлис да юрнас гогнитіс трактирщиклы:

— Көзяин, тэкөд ми рөщөтын?

— Кыдзи рөщөтын?!

И бара лое мынтысьны. Локтіс поп гортас зөв скөр и коймөд свөякыслы немтор эз висьтав.

Босьтіс шапкасө коймөд поп. Муніс сійо карө, пырис медыжыд магазинас да зөв уна төвар ньөбаліс. Ньөбасьөм бөрын поп шапкасө лэптыштлис, юрнас гогнитыштіс купечлы да петігмозыс шуис:

— Көзяин, ми тэкөд рөщөтын?

— Кыдзи рөщөтын?!— кватитіс купеч сійөс пөлаөдыс да приказчикьяссө чукөстіс.— Пырысь-пыр жө мынтысь.

Вөчны немтор, быть лои мынтысьны. Сійо пиньсө йиригтыр муніс гортас да шуо свөякьясыслы:

— Менö дядьöйд тайö шапканад кыксё шайт дон рёс-кодö воштис.

Мöд поп шуö:

— И менö кыксё шайт дон!

А коймöд поп шуö:

— И менö кыксё шайт дон!

Шогйывсьыс найö мунисны кабакö, юисны да мöдисны сёрнитны, кыдзи эськö пörъясьöмысь мужикöс вины.

Сэнi вöли пукалö служивöй морт. Кылис сийö попъяслысь сёрнисö да котöртис мужик ордö:

— Тэнö куим поп вины локтöны, — шуö сийö мужиклы, — вод öдйöджык пызан вылад, вевттысь скатертьöн да лэччысь кулём улö. Кор ме мөлötön тэд плешад котшнитышта, сэк чеччы. Сэссия ачыл адзан, мый лö.

Мужик сiдзи и вöчис: водiс покойникö, бабаыс сы дiнын пондiс лыддьöдлöмөн бöрдны. А салдатыд петiс да дзевсис посводзас.

Пырисны куим поп мужик ордö да уськöдчисны сы вылö.

Сэк посводзысь пырис салдат да шуö:

— Кулём мортöс мөдпöv оз вилывлыны, верма, колökö, сийöс ловзьöдлыны.

Салдат корис покойник гöтырлысь мөлöt да надзöникөн тотшнитыштiс мужиклы плешас. Мужик звирк чеччыштiс пызан вылысь да шуö:

— Уп, зев дыр узьсьöма! Пасибö, служивöй, тэныд ловзьöдöмьд вылö.

А попъяс сэн сулалöны да шензьöны:

— Вай жö вузав мянлы тайö мөлötтö.

— Кыдз нö вузала, — шуö мужик, — тайö мөлötыс менö вердö и юкталö.

— Кыксё чөлкövöй сетам, — шуöны попъяс, — вай регыджык вузав.

Босьтiс дядьö попъяслысь кыксё чөлкövöй и салдатöс зев бура аттьöалис: кöсйысис сийöс во чöж вердны-юктавны да табакөн куритöдны. А попъяс зев нимкодпырысь мунисны гортаныс.

Коркө кывсис, мый өти карын кувсьома зэв ыджыд генерал да коді пö вермас генералöс бөр ловзьөдны, сылы лыдтөм-щөттөм деньга лоö сетөма царскöй казнаысь.

Мунисны попъяс сійö карас, пырисны озыр генерал керкаö да шуöны:

— Көн нö покойникыс, ми сійöс пырысь-пыр ловзьөдам!

Пырисны найö покойник куйланінö да мөлөтөн генераллы плешас котшнитыштисны. Генерал эз чеччы. Кучкисны мөдысь — оз чеччы. Ёнджыка кучкисны, бара эз чеччы.

Гөгөрвоисны попъяс, мый мужикыд бара найöс пөръялис, и зэв өдйö пышйисны сійö карсыс.

Воисны гортаныс и бара мужикöс вины көсйöны. Мужик ордö мунтөдз кабакө пырисны вина юыштны да ас кежаныс сёрнитöны:

— Öнi мунам да пырысь-пыр жö виам.

А салдат, мужиклөн другыс, вöли кабакын жö пукалö. Сійö кылис попъяслысь сёрнисö да котөртис мужик ордö:

— Тэнö бара нин вины локтöны попъясыд. Томнась керка пытшкад, а ме өдзөстө понда караулитны.

Мужик томнасис, а салдат видзö сылысь өдзөссö, оз лэдз попъясöс мужик ордö пырны.

— Часлы,— шуö өти поп,— ме öшинь пырыс пырала да сійöс виа.

Жугөдiс поп мужиклысь öшиньсö да мөдiс кавшасьны керка пытшкөсö öшинь пырыс. А мужик черөн сапнитiс поплы юрас.

Кык поп сулалiсны, сулалiсны туй вылын да дözмисны виччысьöмсьыс.

— Öтнас тай свöякыд немтор вöчны эз вермы. Часлы ме пырала отсөг вылö,— шуö мөд попыс.

Вот и пондiс сійö кавшасьны öшинь пыр мужик ордö, а мужикыд бара черөн юрас сапнитiс.

Виччысис, виччысис туй вылын коймөд поп да шуö:

— Свöякъяс менам, дерт, юсисны, öнөдз мужикöс вины оз жö тырмы. Часлы ме тшөтш пырала.

Вот коймод поп пондiс кавшасьны ошинь пыр мужик жеркао, а мужик бара черон согыштiс сылы юрас.

Пуксьодiс мужик оти поплысь шойсо скамья выло, а мукодьяссо дзедис, сесся чукостiс салдатос.

— Вай, служивой, мезды мено тайо чортсыс. Быдсон кучкалiс мено.

Салдат кыз кучкас поплы пель бокас — поп гриммунiс джоджо.

Мужик сыло и шуо:

— Вывти ена служивой кучкин. Видзодлы, сылы квато-дзыс лон. Мед ог мыжмой, шыбит мун шойсо юкмосо.

Салдатыд воли код. Сийо кватитiс поплысь шойсо, босьтiс пельпом вылас, котортiс да брунгис юкмосо.

Сэк мужикыд скамья выло пуксьодiс мод попысысь шойсо да ваон киськалiс. Салдат адзис сийос да шуо мужиклы:

— Ме тай но тайо кузь юрсиа чортсо они на юкмосо шыбитли, а тайо бара нин тани.

Сесся кватитiс сийо мод поплысь шойсо да ю выло котортiс. Кайис салдат мужик ордо, а мужикыд сэк коста коймод поплысь шойсо пуксьодiс скамья выло. Салдат код юрнас эз гогорво да дивуйтчо:

— Тайо кузь юрсиаыс тай бара нин тани! Вай мем четверть вина. Ме тайос вильпов лэччода ю выло да асыводзодз сэн пукала, медым коймодысь оз кай.

Шыбитiс салдат коймод поплысь шойсо юкмосо да асыводзодз юкмос дорын пукалiс. Югдандорыс вичкодор туйти сийо модiс сикто кайны. Сиктын воли асыя звонитоны. Локто салдат да ас кежас мовпало:

— Они кузь юрсиаыд васыд оз пет...

А сэк буретш сийо сиктса попыс воли муно вичкоо асыя сывны. Салдат адзис попто да думайтiс, мый бара нин сийо юкмосысь петома.

Сесся кватитiс попос коскодыс, ю выло котортодiс да юкмосо увлань юрон и сийос тшотш суйис.



МУЖИК ДА ПОП КӨЗА

Өтчүд мужик да поп мөдөдчисны базаро ньобасыны. Ветлөдліс, ветлөдліс мужик базар кузя — немтор оз скор мужик деньга вылө, деньгаыс сылөн сөмын вөлі дас ур.

Сэсса сылы өти старука паныдасис дай шуо:

— Буретш тэнад деньга серти менам эм төвар.

И дас ур доныс сетіс сылы кунм чуньлыс капуста көйдыс.

— И тайө добра,— шуо мужик,— тайөс пункта да во гө-гөр кежлө сорва лоө.

А поп пыр ветліс мужик бөрся. Аддзө поп, мый мужик-ыд капуста көйдыс ньөбис, сійө и думайтө:

„Мужик ньөбис капуста көйдыс, көсйө капуста вөдитны. Часлы ме көза ньөба. Көзаыд меным йөв кутас лысьтыны, и көрым лөсьөдны сылы оз ков: мужик капуста град йөрө мөдас пыравлыны.“

Пуктіс мужикыд капуста. Капуста эськөн зэв мичаа быдмө, но поплөн көзаыс пакөститчыны град йөрө понліс волывлыны. Сувтөдіс мужикыд град гөгөрыс сыв судта потшөс, сувтөдіс кык сыв судтаөс, сувтөдіс куим сыв судтаөс, а поп көзаысь некыз оз мын, дзик попыс кодь жө наян. Петас кө мужик кильчө вылө, көза йөр сайө звиркнитас, а мыйөн мужик керкаас пырас, көза бара нин йөр пытшкө пырөма да капустасө жөритө.

Скөрмис мужик поп көза вылө, сьөрсьыс босьтіс палич да водіс град бөрөздаас. Пырис поп көза капуста гусявны, а мужик чепөсйис бөрөздаысь да көзалы юрас паличөн косьөбтіс. Поп көза сэтчө и кулі.

Вот попыд судья ордө мужикөс кыскис. Пырисны мужик да поп судья ордө.

Попыд поп и эм: көтшас улад сійө оз пуксы — водз пельөсас пуксис, а мужик көтшас улө курөг поз вылө лажгөдчис. Курөг позйыд вөлөма важ нин, варкаліс да став курөгыс судьялөн лязаліс.

Скөрмис судья да мужикөс сетіс губернскойой судө: сьөрсьыс нуөдіс сійөс губернскойой карө.

Вот поп, уездной судья да мужик модисны пырны губернской судья ордё. Мужик ас кежас и думайтё:

„Онй котшас улад ог нин пуксы: керкаас пыра да веськыда серог лабичодзыс муна, а то бара кутшомко пакость суас“. Мужикыд сидзи и вочис. Пырис судья керкао медводзын да веськыда серог лабичо мододчис. Но пакостыд мужикос и сэн волём виччысьо. Губернской судья пукало готырыскод да челядыскод, а понсо чептон воли домома пызан кокас. Судьялон понйис уськодчис киссьом паськома мужик выло да сеян тыра пызансо породис. Став дозмукыс пызан вылысь жуллыссис, а судьялон челядыс пось шыдон сотчисны.

Губернской судья мужикос кыскис столичной судья динё. Локтисны найо столичной судья керка динё, а сылон ошиньясы восьсаось. Мужик и думайтё: „Одзості ко воддзамоз пыра, бара кутшомко пакость вермас лоны, час жо восьса ошинь пырис заводитла пырны“.

Поп, уездной судья да губернской судья кильчо пос кузя мододчисны керкао, а мужикыд ошиньти пондис кавшасны. Кутисны сийос столичной судьялон слугаясыс да вайодисны козяиныс динё.

— Ак, тэ,— шуо судья,— ме ордё тэ гусясьны пыран! Но сидзко и судита они ме тэнё. Оти час сета срок корсьны аслыд адвокатос.

Петис мужик столичной судья ордысь, пуксис кильчо помас да пондис шогсьыны. Буретш сати оти адвокат воли муно да аддзис мужикос.

— Мый нё,— шуо,— тэ шогсян, дяльо?

— Кыдз нё мем не шогсьыны. Столичной судья мено косийо судитны. Час срок сетис адвокатос корсьны. А кысь ме сийос аддза?

— Эн шогсьы,— шуо адвокат,— ме ко тэнё велода, некутшом адвокат тэд оз ков, и судитны оз вермыны. Но велодом пыдди меным ковмас кызь вит шайт мынтыны.

Мужик косийис мынтыны, коть сылон зептас грощ ни копейка эз вёв.

Адвокат сійос велөдө:

— Пыран,— шуө,— судья дїнад да сійө тэнсыд быдтор-сө пондас юасыны. А тэ пондан сылы пыр өти ногөн воча-видзны: „Но и што же?“ „Вот ещө!“ А бөрыннас, кор мездысян, мынтысьны меным эн вунөд.

Пырис мужик судө. Судья заводитис сылысь юасыны:

— Тэ,— шуө,— мужик, поплысь көзасө виин?

— Но, и што же?

— Сїдзкө, мыжаөн лыддян асьтө?

— Вот ещө!

— А уездной судьялысь,— шуө,— курөгьяссө тэ виин?

— Но, и што же?

— Сїдзкө, асьтө мыжаөн лыддян?

— Вот ещө!

— А губернскойой судьялысь челядьсө сотін, дозму-ьяссө т жуглїн?

— Но, и што же?

— Сїдзкө, и таысь он пыксы?

— Вот ещө!

— А ме ордө, столичной судья керкаө, өшиньсө дон-дылїн пырны гусясьны?

— Но, и што же?

— Но, сїдзкө и судитны колө тэнө.

— Вот ещө!

Скөрмис судья мужик өответьяс вылө.

— Тэ,— шуө,— лючки сёрнит, мый йылысь юалөны, а ков-төмторсө эн висьтав. Көза виөмысь, челядь сотөмысь да курөгьяссөс лязөдөмысь он пыксы?

— Но, и што же?

— Дурак тэ, та бөрын!— терпеньеысь петис судья.

— Вот ещө!

Дзонь лунтыр допроситис судья мужикөс и нинөм төлк эз босьт, сөмын асьсө мөритис төлктөм мужиккөд сёрнитө-мөн. Медбөрын сэтшөма скөрмис да горөдис:

— Мун,— шуө,— уберитчы да мөдысь ме динө эн лысьт локны!



— Вот ещѳ!— пондїс пыксыны мужик.

Вѳтлїсны мужикѳс судья ордысь, а сылы сїѳ вѳлі и колѳ.
Гажапырысь сїѳ мунѳ кар кузя да чатрасьѳ, а сылы па-
нды ѳнтая адвокатыд.

— Но, кызд,— шуѳ,— тѳнад делѳыд? Ме ѳд шулі, мый
правдайтасны.

— Но, и што же?

— ѳні ѳд абу нин судын, лючки мекѳд сѳрнит.

— Вот ещѳ!

— Тѳ ѳд кѳсїысьлїн меным кызь вит шайт мынтыны,—
корѳ деньга адвокат.

— Но, и што же?

— Сїдзкѳ мынтысь да прѳст лоан.

— Вот ещѳ!



КУРѳГ ПѳЖЫСЬ МУЖИК

Мѳдѳдчис ѳтчыд мужик барин ордѳ могѳн. Восьтїс во-
рота ѳддзѳссѳ, кѳсїис эськѳн воськовтны, но джѳмдїс под-
воротинаас да уси. А сѳні вѳлѳм баринлѳн курѳгьясыс кока-
сьѳны да ѳти курѳг и лязалїс. Кутїсны мужикѳс да пыртѳдїсны
барин ордѳ.

Бариныс вѳлі кытчѳкѳ мунѳма, барыняс ѳтнас. Скѳрмис
барыняыд мужик вылѳ:

— Кызди,— шуѳ,— лысьтїн вины менсьым курѳгѳс? Ме-
нам сїѳ вѳлі быд лун кольк вайѳ. Меным мед вѳлі сѳтшѳм
жѳ курѳгѳс вайѳма!

— Эн шогсы, барыня,— шуѳ мужик,— виѳм курѳг пыд-
дыд ме тѳныд сѳ курѳг пѳжа, и ставныс найѳ мѳдасны зѳв
бура кольк вайны.

Барынялы лои зѳв нимкодь:

— Кызди,— шуѳ,— тѳ сїѳс вѳчан?

— Босьта,— шуѳ,— сѳ кольк. Пукта ас улѳ да пѳжа,
кызди курѳгьяс пѳжлѳны. Сѳмын тѳд, барыня, рѳскѳдтор лѳѳ

ас вылад лэптыны. Меным ковмас дзик торъя керка, медым тóлысьо́н-джыйо́н чо́ж сэтчо́ ни о́ти морт эз пыравлы.

Торъя керка пыдди барыня тшо́ктис сетны пывсян.

Сэсса мужик и шуо́ барынялы:

— Тшо́кты меным вурны шоныд пась, ньо́б шоныд шарф, шоныд валеги да паськыд кушак. Сёян ковмас медся бурыв да медся чо́скыдыс. Оз ко́ кут тырмыны да содто́д сёян кута корны, быть сетны. Медым сёянсо́ пыр ваялас о́ти морт. Ыджыд дон ог и босьт: куро́г вио́мысь тыр про́ша, став сетом ко́мпасько́мсо́ бо́р не босьтны.

Барыня рад. О́ти куро́г пыдди дядьо́ ко́сийо́ по́жны сёос, и ставныс мо́дасны кольк вайны.

Сетис барыня дядьо́лы се́ кольк да ыстис пывсяно́.

А дядьо́ыд абу йо́й: во́чис пывсян пельо́со́ турун выло́ поз, пунктис сэтчо́ кызь кымын кольк да пуксьо́дис кольк по́жны прамо́й куро́гос, а ачыс вина юо́, чайо́н балуйтчо́ да жарито́м яй сёйо́, е́ртъяссо́ тшо́тш винао́н го́ститодо́.

Тадзи дядьо́ даро́во́й вина да закуска дорын поводно́я по́жсис да ассыс суседъяссо́ вердис-юкталис.

Дядьо́ виччысис, кор прамо́й куро́гло́н пияныс по́жсясны. По́жис-по́жис куро́гыд да поэтырысь со́мын кык пи петис, а мукóдыс ставыс го́лышо́н мунисны.

— Мун,— шуо́ сийо́ барыня служанкалы,— нулы да петко́длы барынядылы тайо́ кык куро́гписо́ да регыджык бо́р вай. Дырджык ко́ он вай, менам мам сьоло́мо́й шогысла пото́.

Барыня босьтис, нимкодясьо́ да дивуйтчо́, кызди мужик ас улас куро́гьясо́с по́жо́. Кадыс уна нин про́йдитис. Служанка барынялы и шуо́:

— Мамыс пырысь-пыр жо́ бо́р корис кыкнан писо́. То́дан о́д, кутшо́ма мам сьоло́мыд гажто́мтчо́ ас челядь во́снайд.

Тадзи бара про́йдитис мыйко́ дыра кад. Барыня пыр юасьо́: дыр-о́ по́ став чипанпиыс оз пет?

А дядьо́ пыр барско́й вина юо́, даро́во́й нянь сёйо́ да суседьясо́с го́ститодо́. Но корко́ воис кад, мый тайо́ делосо́ ковмис помавны. По́ръясьомто́ ко́ казясны, не чо́скыд кушаниеяс дон нойтасны. Кызди эсько́ во́чны?

Дядьō корис ассьыс ёртъяссō.

— Но,— шуō,— другъяс, кузякодъ ме тiанōс барскōй нянь-солōн прōста вердi да чōскыд сiян-юанōн гōститōдi. Онi тiан черōд — менō барскōй плетьысь мездыны. Тавой би тшукōдōй тайō пывсянас да менō кыскōй ывлаō. Кōтъ ме мōда шыбласъны, сотчан пывсянō бōр пырны, тi менō кутōй пасъ пōлаōд. А кор пывсяныс ставнас ōзъяс да оз мōд позъны кусōдны, сiки юōртō барыняōс пывсян ōзiйōм йылысь.

Ёртъясыс сiдзи и вōчисны. Кор пывсяныс зiв ёна ōзiйс, юōртiсны барынялы, а курōг пōжысь дядьōс кыскисны ывлаō. Став йōзыс кутōны сiйōс, а сiйō усьласъō ōзiйōм пывсянō, биас веськыда и пырō да курōг моз клуткō: „Клут, клут, клут! Клут, клут, клут!“

А барыня сiнi сулалō да горзō:

— Ой, кутōй, а то биас веськыда пырас! Со ōд кутшōма мам сьōлōмыд тōждысьō аслас челядь вōсна!

Ёртъясыс сiйōс ещō чорыджыка кутōны: кодi пасъ пōлаōдыс, кодi кушакōдыс, а сiйō пыр усьласъō да курōг гōлōсiн клуткō.

Сотчис пывсяныс дзонънас, сōмын местаыс коли.

Ёна зiв шогсис да жалитiс барыня, мый курōгъяс сотчисны. Сiйō эськō мōдысь на вōлi тшōктō дядьōлы медасъны чипан пōжны, но дядьō сiсся эз нин кутчысь. Босьтiс сiйō шоньд пасъ да валеги, содтōд сi шайт деньга да гортас мōдōдчис.

МУЖИК ДА БАРИН

Олис-вылис ōти барин. Ōтчыд барин мунiс базар вылō да ветымын шайтысь ньōбис ōти мужиклысь жонъ. Мōд мужик аддзис, мый барин жонъ вылō ветымын шайт мынтiс да мōдiс дивуйтчыны. Локтiс тайō мужикыс гортас да гōтырыслы и шуō:

— А тōдан, баба, мый талун аддзылi?

— Мый? Базар вылын ōти барин ньōбис жонъ да ичōтик жонъыс вылō дзонъ ветымын шайт мынтiс. Вай жō ми нуам

да сійö бариныслы вузалам ыджыд петуктö. Жонь серти кö, уна и сьöм сетас.

— Ну, ну,— шуö бабаыс.

Локтис мужик барин ордö, сьöрсьыс петукöс вайис.

— Босьт,— шуö,— барин, петукöс вузала.

— А донысь-ö нö вузалан?— юалис барин.

— Сё шайтысь сета.

— Ак тэ бöлбан! Сё шайт та вылö?

— А мый нö, дона али мый? Тöрыт тай нö базарын ичö-тик жонь вылö ветымын шайт сетин? Жонь сертиыд кö, та вылö сё шайтыд этша на лоö.

Скөрмис барин, кучкалис мужиксö да вöтлис, а петуксö мырддис.

— Но ладнö, коркö казтыштлам тэд петук мырддьöм-тö,— шуис дядьö да гортас мөдöдчис.

Воис гортас, вежис асьыс паськөмсö, пасьтасис плöтникö, босьтис сьöрас чер, пила да мөдис барин öшинь увти ветлыны да горзыны:

— Кодлы колö шоньд керка вöчны! Вöча сэтшöмöс, мый тövшöр-тöлын ломтытöг лоö шоньд.

Кылис барин да чукöстис мужикöс:

— А сямман кö,— шуö,— сэтшöм шоньд керка вöчны, вöч меным.

— Кыдз нö ог сяммы... Эстөн быдмö шоньд вөр. Сэсь кö керкатö стрöитан, тövбыд керка пытшкöсыд ломтывтöг лоö шоньд.

Барин дивуйтчö:

— Көнi збыль сэтшöм шоньд вöрыс быдмö? Меным он петкöдлы?

— Мый нö огыс?

Пуксисны вöv доддьö да вөрö пырисны.

Вöрын мужик пөрöдiс зэв ыджыд пожöм. Первой увйис, öтар помсö пуыслысь поткöдыштiс да потассö пу тувйөн паськөдiс.

Барин видзöдiс-видзöдiс да суйис кисö пу потасö: кöс-йис видлыны, збылысь-ö пу пытшкöсыс шоньд. Мыйөн ба-

рин суйис сэтчө кисө, мужик чеччөдiс тувсө чер тышкөн, и баринлөн кийс топалiс кер потасас.

Мужик уськөдчис сы вылө да мөдiс лупитны кучик плетьөн.

— Водзө нөйтан он мужикөс, нөйтан он? Мыйла менсым петуксө босьтiн?

Лупитiс баринөс сьөлөм бурмытөдзыс да медбөрын эновтiс. Мунiгмозыс мужик шуө баринлы:

— Вот барин. Отчюд лупитi нин тэнө. Он кө сет меным ассым петукөс да содтөд сө шайт, мөд пөрийө на нөйтата да таысь на ёнджыка.

Коркө гортсаыс кватитчисны, корсисны баринөс да перйисны кисө пу шемилө костысь.

Водiс барин вольпасьө да висьны мөдiс.

Сэк костi мужик вежис паськөмсө да мөдiс барин керка дорын ветлөдлыны да горзыны:

— Кодi висьө? Кодөс колө лечитны, быд висьөмысь бурдөда!

Кылис барин мужиклысь гөлөссө да тшөктiс гортас чукөстны.

— Кутшөм морт тэ лоан?

— Ме доктор: быд висьөмысь верма бурдөдны.

— Сидзкө, вай менө бурдөд, ме зэв ёна вися.

— Мый нө ог бурдөд. Тшөкты пывсян ломтыны.

Ломтисны баринлы пывсян.

— Но, барин, пывсяныд гөтов. Лэччам пывсянө. Сөмын мукөдьяс медым некод оз лэччыны. Иөз син улө веськалан да бара тшыкөдасны.

Барин да мужик кыкөн лэччисны пывсянө. Барин пөрчысис. Мужик сылысь юалө:

— Мый нө, барин, татшөм жаринас кө мөда мавтны тэнө мазьөн, терпитан-ө? Медым он мөд ёна пессыны, ог-ө кикоктө көртыштлы?

— Позьө көртыштлыны.

Ки-коксө баринлысь мужик көрталiс гезйөн, а сэссия,

мазьөн мавтём пыдди, пыртис кучик плеть да мөдіс баринөс пасьтём яй вылас кучкавны.

Лупитис да лупитис, лупитис да лупитис. Ачыс нөйтө да шуалө:

— Водзө мөдан он мужикөс нөйтны? Мыйла мужиклысь петуксө мырддин?

Бара сьөлөм бурмытөдзыс да ки мудзтөдзыс нөйтис баринөс да мунигас сылы и шуө:

— Но, барин. Кыкпөрийө нин тэнө лупити. Он кө бөр сет менсьым петукөс да содтөд кыксө шайт кө он мынты, нөйта коймөдысь.

Баринлөн өдва лолыс коли. Казялис, мый мужиккөд ворсны оз позь, мужикыд и коймөдысь нөйта. Сетис барин мужиклысь мырддьөм петуксө да содтөд кыксө шайт.

БАРИН ДА КУЗНЕЧ

Мунө өти барин, а сәни кузнеч дорчө.

— Здорово, кузнеч, мый доран?

— Көрттув дора.

— Донөн-ө көрттув?

— Сә шайтөн көрттув.

Баринлы зэв дивө лои: сә шайтөн кө быд көрттув, кымын сә шайт нажөвитас луннас кузнечыд!

— Час,— шуө барин,— муна да кузнеча восьта. Тайө тай му дорсьыд ыджыдджык нажөтка вайө.

Лөсьөдіс барин кузнеча. Ачыс кузнеч пыдди, а слугасө пушкан дорө сувтөдіс.

Мунө вөлі сійө кузнеча дорти дядьө да кежис кузнечаө:

— Дор,— шуө,— меным телега чөрс.

— Дора.

— Уна-ө босьтан?

— Сә шайт.

Слуга пушкан дінын сулалө, а барин телега чөрс дорө.

Дорис, дорис, некутшөм төлк эз босьт: кал ни закал, став көртыс сотчис.

— Оз,— шуё,— тась телега чёрсыд пет, вай лучше телега шина дорам.

— Шина кё и шина,— шуё мужик.

Дорис да дорис барин телега шина да бара немтор эз артмы: став кёртыс сотчис.

— Оз,— шуё,— телега шинаыд тась пет, вай лучше телега трубича дорам.

— Трубича кё и трубича,— шуё мужик.

Дорис да дорис барин телега трубича, бара немтор эз артмы: кал ни закал, став кёртыс сотчис.

— Телега трубичаыд,— шуё,— татысь оз пет, вай лучше подков вёчам.

— Подков кё и подков,— шуё мужик.

Дорис, дорис барин подков да бара немтор эз артмы. Сэссия гусьон шопнитис слугаыслы:

— Мун,— шуё,— өдйөджык петав да гусяв мужикыслысь телега чёрссыс чокасё, пырт да ва воръяс татчө чөвт.

— Но,— шуё,— мужик, подковыд тась оз пет, вай лучше телега чока дорам.

Дорис да дорис, дорис да дорис, кёртыс чунь пом кодьнин сөмын коли.

— Час,— шуё,— ещö өтчыл донөдла, сэссия и гөтов лоö телега чокаыд.

Зэв ёна донөдис да чөвтис сотчөм кёрт торсö ва тыраворйö, сэссия клещинас ворйысь корсис мужиклысь гусялөм чокасö да сетис мужиклы.

— Вот,— шуё,— тэныд телега чока. Вай сэссия меным за труды сё чөлкөвöй.

— Ладнö,— шуё мужик,— час петала да вая: сьөмöй телегаö кольöма.

Петис мужик телега дорö, а сэк кості барин шуö аслас слугаыслы:

— Кор мужик ваяс сьөмсö, тэ пондан шуавны: „Ещö содтышт!“ И кытчөдз оз мун, пыр кор содтöд.

Мужик петалис телега дорö, босьтис сэтысь вөлөс кучкалан. орс да кыз тай кутис баринöс жаритвы мышку кузяыс.

А баринлөн слугаыс сулалё сәні да пыр ӧтитор шуалё:
„Ещё содтышт, ещё содтышт!“

Тадзи мужик ки мудзтӧдзыс лупитіс баринӧс да муніс гортас.

А барин скӧралё слугаыс вылӧ:

— Ак,— шуӧ,— тэ, ӧмӧтӧг, мездӧм пыдди горзан: „Ещё содтышт“.

Нӧйтіс барин ассыыс слугасӧ и кузнечасӧ энӧвтіс.

Та бӧрын барин сәсся некор нин эз вежав кузнеч удж вылӧ.

КОДИ МЕДЙӦЙ

Олісны-вылісны гозъя. Налӧн вӧлі мӧс, вӧв, ыж да меж. Ӧтчыд мужикыс муніс ылыс најӧтка вылӧ, а бабаыс горт овны кольччис. Коркӧ-некоркӧ казялісны куим жулик, мый бабалӧн мужикыс најӧтка вылӧ мунӧма да думайтісны баба-тӧ пӧръявны.

Первой локтіс ӧти жулик.

— Мужикыдкӧд,— шуӧ,— ӧтлаын уджалім. Зэв уна эм-бур вайӧ да локнысӧ оз вермы, менӧ вӧвла ыстіс.

Сетіс баба жуликлы ассыыс вӧвсӧ, а жулик нимкодясӧ, мый йӧй бабаӧс ылӧдны удайтчис. Недыр мысти баба дінӧ локтіс мӧд жулик, первой жуликлӧн ёртыс.

— Мужикыд,— шуӧ,— уна эмбур вайӧ. Ӧти вӧвнад кыс-кынысӧ оз вермы да отсӧг вылӧ мӧстӧ корис.

Сетіс бабаыд жуликлы ассыыс мӧссӧ, а жулик нимкодясӧ да син саяс сералӧ сы вылын.

Недыр мысти баба дінӧ локтіс коймӧд жулик.

— Некидыз,— шуӧ,— мужикыд локнысӧ оз вермы. Эмбур кыскыны корис ыжтӧ да межтӧ.

Сетіс бабаыд жуликлы ыжсӧ да межсӧ, а жуликлы сійӧ и вӧлі колӧ.

Коркӧ-некоркӧ воис бабалӧн мужикыс најӧтка вылысь.

— Кӧні нӧ,— шуӧ,— гӧтыр, вӧлыд, мӧскыд, ыжыд да межыд?

Гөтырыс ставсө висьталіс, кызди мый вөлі. Гөгөрвоис мужик, мый гөтырсө сылысь сы ветлігкоста йөйтөдлөмаөсь. Скөраліс, скөраліс, но вөчны немтор.

— Но,— шуө,— тэысь йөйыс некод жө көнкө абу свет вылас. Кодкө кө тэ дорысь йөй сюрө — прөстита, а оз кө — гортысь вөтла.

Нопъясис мужикыд да мөдөдчис свет вылысь йөйясөс корсьны.

Мунө мужик да аддзө озыр баринлысь керка.

— Час,— шуө,— татчө кежала, гашкө, тани эмөсь йөй-ясыд.

Пырис мужик барин өградаө, а сәни баринлөн порсьыс пияныскөд йирсьө.

Мужик уськөдчис пидзөс вылас да пондис порсь водзын копрасьны да сийөс быдног ыдждөдлыны. Барыня аддзис өшинь пырыс да ыстис служанкасө.

— Мун,— шуө,— петав да юав, мый сәни йөй мужикыс порсь водзас копрасьө?

Петис служанка да юалө мужиклысь, мыйла сийө порсь водзын копрасьө.

— Вистав мун барыняыдлы,— шуө мужик,— тайө порсьыс менам бабалөн чой. Аски менам пийө гөтрасьө да пир вылө корө. Оз-ө барыняыд сийөс лэдзлы порсьпияныскөд?

Барыня пондис шензыны:

— Но и бөлбан жө тайө дядьөыс! Порсьөс пир вылө корө. Сета, медым йөзыс ёнджыка сераласны.

Тшөктис барыня пара вөв доддявны да ас платтьөнас порсьөс пасьтөдны. Пуксьөдисны порсьөс вөв доддьө да сөтисны мужиклы. Мужикыд сәни эз понды дыр виччысьны: кучкис вөвъяслы да гөнитис гортланьыс.

Вот воис барин гортас, а барыняыс сылөн зэв ёна сералө.

— Мый нө тэ сералан?— юалө сылысь верөсыс.

— Кызди нө он серав. Воліс кутшөмкө йөй мужик да миян порсьылы кок вылас юрбитө да сы водзын копрасьө. Шуө, тайө пө менам гөтырлөн чой, пир вылө корны сийөс локті.

— А тэ сетін сылы порсьтö?

— Медбур параа вöвтö доддялі да мөдөді порсьöс пир вылө. Мед, мися, коть йöзыс йöй мужик вылын ёнджыка сераласны.

— А кытысь мужикыс вөлі?

— Ме сійöс ог төд, эг юав.

— Ок тэ, йöй! Мужикöс йöйö пуктан, а йöйыс öд тэ ачид.

Скөрмис бариныд, мый кутшөмкө мужик сылысь барынясö пөръялөма, сөліс вөв вылө да пондіс вөтчыны.

Кыліс мужик, мый барин сы бөрся вөтчө. Сійö кежөдіс вөвьяссö туй бокө. Ачыс пуксис туй бокас, кымыньтіс шапкасö муö да пондіс шапка дінын зунясьны.

Воис бариныд мужик дінö да юалö:

— Эн-ö адзыв вөла мужикöс? Доддяс сылөн седок пыдди порсь да порсьпяян.

— Кызд,— шуö,— эг адзыв! Адзылі. Важөнкодь нин таті гөнитіс.

— А кызди меным сійöс суөдны?— юалö барин.

— Суөдны сійöс абу сьökыд,— шуö мужик.— Сөмын тані туйыс уна вожа да верман ылавны.

Барин повзис ылалөмысь да шуö мужиклы:

— Вай вөтчы сы бөрся да кут сійö дядьöсö.

— Ме мунны ог вермы,— шуö мужикыд.— Öти-кө, ме пода, а мөд-кө, со шапка улын менам пипиристи-сөкөл пукалө. Лэбзяс кө, сё загреки, көзяин менö виас.

— Ме тэныд ассьым вөлөс сета, а пипиристи-сөкөлөс видзны ачым кольчча,— шуö барин.

— Ог, ог вермы йөз киö кольны пипиристи-сөкөлөс,— шуö мужик.— Öд сы вылө витсё шайт мынтөма. Лэдзан кө, мый тэнсьыд босьтан?

— Он кө веритчы, вот тэныд витсё шайт пипиристи-сөкөл вылад. Кор бөр локтан, ме сэки бөр сета тэныд сөкөлтö.

Босьтіс мужикыд витсё шайт, сөліс барин вөв вылө да гөнитіс гортланьыс. А барин пуксис мужик шапка дінö да

сөкөл-птицаос видзө. Виччысис-виччысис, шондыс увтасмыны нин пондіс, а мужик век на абу.

— Эз-ө нин пөръяв менө мужикыд? — думыштіс барин, — час видзөдла сөкөл-птицаос, пөръяліс кө, сөкөл-птицаыс көть меным кольө.

Доровтыштіс шапкасө да шапка улө видзөдө, ачыс полө, мед эськө сөкөл-птицаыд оз лэбзы. Восьтіс шапкасө, а сәні сөкөл-птица пыдди вөв куйөд.

Скөрмис жө эськө барин, да вөчны нинөм. Сэсса сьөлыштіс да муніс гортас, аслас барыня дінас.

А мужик гортас воис тройка вөлөн, снитки выль доддөһ, содтөд сы діно эһ порсь, дас кык порсьпи да витсө шайт деньга.

— Но, — шуө, — баба, өні ов да нимкодясь: свет вылас тэысь кындзи йөйяс вөлөмаөсь на.



БАРИНЛӨН ПОН

Олісны-вылісны мужик да барин. Коркө воис көдзан кад, и мужик мөдөдчис барин ордө көйдыс водзөсавны. Мыйөн матыстчис мужик барин керка діно, уськөдчисны сы вылө баринлөн понъясыс да пондісны сійөс пурны. Мый керны? Бергөдчыны оз позь и водзө мунны туй абу. А понъяс сідзи и чашйөны сійөс. Кватитіс сэк мужик туй вылысь зорпом да кучкис өти понлы. А грек вылад, понйыд и өкөлейтіс.

Аддзис барин, мый мужик сылысь медбур понсө виис, тшөктіс кутны мужикөс да судө сійөс кыккис. Судьяс юалөны баринлысь, кызди и мый судитны мужикөс пон виөмысь.

— А вот, — шуө, — кызди судитө. Медым мужик кутас меным пон пыдди служитны, войясын амбарьяс дінын увтны да вөрьясөс повзөдлыны, и морт гөлөс медым сысяһ некор сэсса оз кывлы.

Сідзи и судитісны мужикөс: индісны сійөс пон пыдди служитны баринлы.

Первой войсö мужик войбыд зэв ёна увтіс барин öшинь улын, баринлы зэв кажитчис тайö бура увтöмыс. Асывнас чеччис барин да тшöктö слугаясыслы:

— Колö бурджыка вердны выль понйöс. Ок, кутшöм бура увтіс сійö тавой.

Мöд войнас мужик ещö ёна увтіс, войбыд баринлы узьны эз сетлы. Но баринлы вöлі нимкодъ, мый сылы сэтшöм кöзьяйскöй бур пон сюри.

Коймöд войнас мужикыд ачыс сёрнитчис вөръяскöд, мед найö непременно локтасны баринлысь амбаръяс гусявны. Ме кöть пö и мöда ёна увтны, менсьым увтöмöс ті пыдди эн пуктö, а нуö став эмбурсö амбарсьыс. Войнас волісны вөръяс да збыльсь амбаръяссьыс став эмбурсö нуисны. А тайö войнас мужикыд ещö на ёна увтіс, войбыд лявксис барин öшинь улын.

— Колö бурджыка вердны выль понйöс. Тайö войнас сійö сэтшöм бура увтіс,— бара тшöктö слугаяслы барин.

Асывнас петісны слугаяс баринлысь эмбур видзöдлыны, а амбаръясыд сылөн тыртöмось. Скөрмис барин мужик вылö да бара судö кыскис. Суд вылын баринлысь юалöны: „Увтис эз сійö войнас тэнад выль понйыд?“

— Увтис,— шуö,— вывті ёна увтіс.

— Сідзкö, тэ ачyd мыжа,— шуöны судьяяс,— сылы индöма увтны, а не висьтавны.

— Ті кö сійöс он судитöй,— шуö барин,— ме сійöс ачым ас судөн судита.

Доддяліс барин вöвсö, пуксьöдіс сэтчö мужикöс да мöдіс сійöс нуöдны карö тюрмаö пуксьöдны. Карöдз вöлі вöлök колö вуджны, и найö воймисны туйын. Мужик видзöдіс туй бокö да шуö баринлы:

— Видзöд жö, барин, татчö, мяян дінö, со ош локтö. Мый кутам керны?

— Увт,— шуö барин,— увт!

— Мем,— шуö мужик,— увтны оз позь, а то бара менö судö кыскан. Öні тэ ачyd увт!

И пондіс барин увтны. Увтис да увтіс, войбыд пыр ув-

тіс — ошкӧс пӧвзӧдліс. А асывнас, югдӧм бӧрын нин, мужик сылы и шуӧ:

— Некутшӧм ош эз вӧв. Ме тӧнӧ прӧстӧ пӧръялі ошнад. Менӧ кӧ тӧ збыльысь кутан тюрмаӧ пуксьӧдны, ме ӧні став йӧзыслы висьтала, мый миян барин тавой войбыд пон моз увтіс.

— Тюрмаӧ ог пуксьӧд,— шуӧ барин,— сӧмын чӧв ов и некодлы эн висьтав, мый ме тавой пон моз увті.

МУЖИК ДА ЦАРЬ

Оліс-выліс царь. Ӧтчид сійӧ слугаясыскӧд мӧдӧдчис вӧрӧ гуляйтны. Слугаяссӧ колис туй вылӧ, а ачыс кежис туй бокӧ дай ылаліс. Шӧйтіс, шӧйтіс царь да аддзис: мужик пес кералӧ. Уджалӧ мужик черӧн, быттьӧкӧ чачаӧн ворсӧ: чагйыс кивомлӧс кызтаӧн ӧтар-мӧдарӧ резсьӧ.

— Здорово,— шуӧ,— Иван!

Мужиклы зӧв дивӧ лоис:

— Мыйӧн нӧ,— шуӧ,— тӧдан, мый ме Иван?

Царь сылы шуӧ:

— Дерт жӧ Иван: став мужикыс ӧд Иван.

Но Иван кӧ и мед Иван, мужик эз лӧгась. Керасьӧ мужик, царь видзӧдӧ да дивуйтчӧ:

— Лӧсьыд жӧ тӧныд, Иван, уджавны: уджалан, быттьӧкӧ ворсан. А уна-ӧ,— шуӧ,— тӧ нажӧвитан луннас? Дерт, тадзтӧ уна нажӧвитан?

— Сюрс шайтӧн быд лун,— шуӧ мужик.

— А кытчӧ нӧ воштан сы мында сьӧмсӧ? Али семьяыд зӧв ыджыд?

— Семья,— шуӧ,— менам абу ичӧт: кык пи, кык ныв, сюрс комын куим нянь каюк да кык сюрс боковой шлоп. Нажӧткаӧс ме юка нельпельӧ. Ӧти юкӧн — долг мынтӧм вылӧ пукта, мӧд юкӧн — ачим долгӧн сета, коймӧд юкӧнсӧ — ваӧ шыблала, а нельӧд юкӧнсӧ — ад горш тырта.

Царь эз гӧгӧрво да выльпӧв юаліс мужиклысь.

— Долгыас мынта,— шуо мужик,— пöрысь аймамöс кув-тöдзныс верда; долгөн ачым сета — сійö пиянöс быдта; вао деньга кояла — нывъясöс быдта, ад горшöс тырта — царöс да царлысь слугаяссö верда.

Царь скöрмис, аскежас думыштіс: „Час ме тэныд пет-кöдла царöс пинялём, сöмын мед туйыс сюрö“.

Сэсся царь и шуö:

— Вай регыдджык инды меным туйсö, меным некор вöрын довъявны.

А мужик и шуö:

— А меным некор быд мортлы туй индавны. Менам быд час дона. Сюсь морт кö, ачyd письтан. Мун первой веськыдвылö, сэсся шуйгавылö, сэсся бара веськыдвылö кеж, сэсся бара шуйгавылö да и аддзан туйсö.

— Ме,— шуö царь,— сэтшöмторйö эг велöдчывлы, не-кутшöм туй меным оз шед. Петкöд менö туй вылöдз, ме тэ-ныд кызь вит чöлкөвöй сета.

Кöсйис царь мужиклы кызь вит чöлкөвöй, да мужик сыкöд мöдöдчис туй индыны.

Туй вылын царь мöдiс мужиклысь юасьны:

— Коркö тэ, Иван, царöс аддзылiн эн? Окота абу тэныд царöс видзöдлыны?

— Аддзывны эг аддзыв. А видзöдлыны позяс.

Царь сылы и шуö:

— Эн кö аддзывлы, öнi жö аддзылан. Мыйөн петам туй вылö, пырысь-пыр жö царöс аддзам.

— Кыдз нö,— шуö Иван,— ме сійöс аддзыла?

— Кор петам туй вылö, зэв уна йöзкöд паныдасям. Став йöзыс мöдасны шапка пöрччöмөн сулавны, сöмын öтнас царь мöдас сулавны шапкаөн. Вот сэки и приметит.

Мыйөн петiсны туй вылö, аддзисны зэв уна йöзöс. Ставыс пöрччисны шапкаяснысö да мöдiсны вöрысь петысьяслань макайтчыны.

Мужик сэки юалис:

— Кöнi нö царыс?

— Видзöдлы гөгöрбок. Став йöзыс шапкатöмöсь, а ми

тэкӧд кыкӧн шапкаӧн сулалам. Миян пиысь коднымкӧ ӧти-ным и эм царыс.

Мужик ӧнӧ ставсӧ гӧгӧрвоис да зэв збойпырысь шуис: — Сидзкӧ ме лоа царыд.

А царь и шуӧ:

— Тэысь кындзи и ме тшӧтш шапкаа. Ме и эм настояшӧй царыс.

Мужик спорӧ кутчысис:

— Кыдзи тэ царь? Тэ вӧр туйяс он тӧд, пес керавны он куж, а ме быд дела кужа. Вот ме и эм царь. Тэнад плешкад абу гижӧма, мый царь.

И збыльысь найӧ тушаӧн и чужӧмӧн кыкнанныс вӧліны дзик ӧткодьӧсь. Споруйтисны-споруйтисны да царскӧй слугаяслысь юалисны:

— Висьталӧй, кодным ми царь?

Слугаяс видлалісны, видлалісны, гӧгӧрбок бергӧдлӧмӧн видлалісны, паськӧмнысӧ пӧрчӧдлӧмӧн видлалісны — дзик кыкнанныс ӧткодьӧсь. Нуӧдісны медбӧрын царица дорӧ, и царица эз вермы тӧдмавны, кодыс на пиысь царыс. Локтіс сэк споруйтӧганыс ӧти старик.

— Вот,— шуӧ,— мыйысь пӧгибӧ воӧмаӧсь. Царӧс тӧдны колӧ оз чужӧм серти, а вежӧр сертиыс. Ме,— шуӧ,— пырысьпыр тӧда, кодыс царь, кодыс прӧстӧй мужик, сӧмын куимтор юала.

Пондіс старик юасыны:

— Кымын,— шуӧ,— пу быдмӧ свет вылас?

Царь бӧбмис — оз тӧд, кымын пу свет вылас, а Иван дыр эз думайт:

— Куимсӧ комын миллион пожӧм, сы мында жӧ коз пу, а кыз пу да ньыв пу миллионӧн этшаджык. Он кӧ веритӧ, ветлӧ да асьныд лыддӧ.

— Вернӧ,— шуӧ старик.— А ылын-ӧ лоӧ мӧдарьюгыдыс?

— Мӧдарьюгӧддзыс абу матын,— шуӧ Иван,— менам дед зэв нин важӧн мунліс мӧдарьюгӧдӧ, а бӧрсӧ эз на волы.

— Вернӧ,— шуӧ старик.— А му пыдӧсӧдзыс ылын-ӧ?

— Му пыдсөдз сы ылна жö, — шуö Иван, — дедлөн во-
кыс дедкөд öттшөтш жö кувсьыліс. Сүйлім муö да öнөдз на
жö бöрсö эз лок.

— Вернö, — шуö старик. — Вот тайö и эм тiян царныд.
Пуктiсны Иванöс царö, а важ царлы сетiсны чер да
вөрö пес керавны мөдөдiсны.

ИВАН

Олісны-вылісны гозъя. Коркө налөн и няньныс быри.
Гөтырыс шуö:

— Мун, Иван, ветлы да капкан пукты, оз-ö мыйкө сюр.
Муніс Иван вөрö, сналис капкан, дай сэтчö гөрд руч
пырис.

Руч кусö нуис Иван базарö, вузаліс квайт шайтысь да
мөдөдчис гортас.

Кывліс поп, мый Иван сьөмөн локтö карысь да паны-
даліс сійөс:

— Кытчö тэ, Иван, ветлін?

— Ме базарö руч ку вузавны ветлі.

— А грексьыд мынтысьны он көсйы? — шуö сылы поп. —
Ноко паськөдлы вомтö, уна-ö тэнад грекыд?

Иван паськөдіс вомсö. Поп сэтчö нянь крөшкисяс да зеп
өгсö койыштiс, некымынысь пернапас вөчис да шуö:

— Но, Иван, öні став грексьыд мынін. Вай меным руч
ку донтö.

Иван сетіс поплы öти шайт, а вит шайтсö и суськис.
Ачыс сэссия ас кежас поп вылö сералö: „Буриндзика жö поп-
тö кокорниті: квайт шайт пыдди öти шайт сеті, а витсö
суськи!“

Муніс-муніс Иван, паныдасисны сылы купеч да судья.
Найö юалöны:

— Кытчö, Иван, ветлін?

— Ме, — шуö, — руч ку вузавны ветлі да попöс ылөдлі.

— Кыдзи тэ лысьтін ме вывтi вузасьны? — шуö купеч.

— Кыдзи тэ лысьтін купеч вывтi вузасьны да попöс

ылӧдны!— шуӧ судья.— Руч вузалӧм донтӧ кӧ миянлы купечкӧд шӧрийӧн сетан, прӧститам, а он кӧ, судӧ сетам.

Вӧчны нинӧм. Иван кыскис зепсыс кык шайт да сетис налы морт шайтӧн. А ачыс син саяс найӧс кутис серавны: „Буриндзика ме бара купечтӧ да судьятӧ кокорнитӧ; дзонь куим шайт пӧръяли: вит шайт пыдди кык шайт сӧмын и сетӧ“.

Мунис, мунис, дай сылы лесничӧй паныдасис. Кывлӧма, мый Иван сьӧм нажӧвитӧма.

— Кытчӧ,— шуӧ,— Иван, ветлин?

— Ме руч ку вузавны ветли.

— Кыдзи лысьтин вузавны менам вӧрысь кыйӧм руч-ӧс? Пырысь-пыр жӧ вай меным руч донтӧ ставнас.

Вӧчны нинӧм. Кыскис Иван ӧти шайт да сетис лесничӧй-лы, а ачыс ас кежас бара сы вылын пондис серавны:

„Буриндзика лесничӧйтӧ и кокорнитыштӧ; дзонь кык шайтӧн пӧръяли: куим шайт пыдди ӧти шайт сӧмын и сетӧ“.

Мунис, мунис Иван, муртса гортӧдзыс эз на во, а сылы паныд урядник локтӧ: и сийӧ кывлӧма, мый деньга нажӧвитӧма Иван.

— Кытчӧ,— шуӧ,— Иван, ветлин?

— Ме руч ку вузавны ветли.

— Кыдз тэ лысьтин урядниклы доложиттӧг вузасьны-ньӧбасьны? Руч донтӧ кӧ ставнас сетан, прӧстита, а он кӧ— бур оз ло.

Вӧчны нинӧм. Кыскис Иван зепсыс ӧти шайт да сетис урядниклы. А ачыс ас кежас бара сералӧ урядник вылӧ:

„Буриндзика ме урядниктӧ кокорнитӧ, дзонь шайтӧн сийӧс пӧръяли: кык шайт пыдди сӧмын ӧти шайт сетӧ“.

Воис Иван гортас да гӧтырыслы висьталӧ:

— Ме,— шуӧ,— талун попӧс пӧръяли, купечӧс да судьяӧс пӧръяли, лесничӧйӧс пӧръяли, урядникӧс пӧръяли. Поплысь вит шайт суськи, купечлысь да судьялысь — куим шайт, лесничӧйлысь — кык шайт, а урядниклысь — ӧти шайт.

Гӧтырыслы первой нимкодъ лолӧ, а кор гӧгӧрвоис, пондис сийӧс видны:

— Ок, тэ, йӧй, тэ, йӧй: асьтӧ тай пӧръялӧмаӧсь, ас зеп-

ссыд гусялёмабсь.—Сэсся гётырыс босьтис коколюкасё да ойкөдөмөн Иванёс гортсьыс вөтліс:

— Водзёснысё кө,— шуё,— налысь немтор он гусяв, гортё локны эн и лысьт!

Иван воис барин керка дорё да думайтис барин ордё гусясьны пыравны. Но пырны некытчө: өдзёс дорас сувтөдөма чепйыв понйёс.

— Час,— шуё Иван,— ме чепйыв понсё первой гусяла, а сэсся бёрас и мукөд добрасё баринлысь гусяла.

Кёсийс эськё Иван пон дорё матыстчыны, а баринлөн, гашкё, лас пон вөлөм, кыз тай сы вылө ставныс өттшөтш уськөдчасны!

Барин кутис Иванёс.

— Сямман кө,— шуё,— менсьым конюшняысь медбур вёлёс гусявны, прөстита да витсё шайт деньгаён содта, а он кө, бурёс эн виччысь.

Думайтис, думайтис Иван, мый вөчны? Сэсся гусялис ас бабаыслысь сарапансё, босьтис сы вылө четверть вина да нөк туис и мөдөдчис вой улө барин ордё. А барин сійё вояс конюшнясё гөгөрбок томналис да куим караульщикёс конюшня өдзёс дорас сувтөдис.

Кутис пырны Иван барин дворё, а сы вылө баринлөн понъясыс уськөдчисны. Иван кисьтис налы нөк туис, да понъяс ланьтисны. Сэсся кодйысис өблөжка увтыс барин конюшняё, пуктис вөв динө четверть вина, а ачыс бөр петис конюшняысь да кутис виччысьны, мый водзё лоё.

Вот баринлөн конюшня караулитысьяс и шуёны:

— Вай пыраламой конюшняс да видзөдлам, эз-ө Иваныд вөвтё гусяв.

Пыралисны, видлисны: вөлыд пыр ас местаас. Оти слуга сесь аддзис четвертнөй вина сулея да зэв рад лои:

— Вай,— шуё,— тайё винасё юштамё, ог жё тайёс сідз кольёй.

Сэсся куимнанныс пуксисны четвертнөй сулея дорё, дорыв юисны да сэтчө и унмовсисны. Кор караульщикьясыд унмовсисны, Иван пыраліс, сермөдаліс вөвсё да гөнитис гортас.

Мод луннас барин петіс конюшняё вөв видлыны, а вө-
лыс збыльсы абу! Сэссия нөйтіс слугаяссө, поньяссө да
ыстіс Иванлы көсйысьом витсё шайт.

Кывліс поп, мый Иван зэв бура кужо гусясьны да ко-
рис сійс.

— Тэ,— шуө,— менсьым деньга мошняёс гусявны он вермы.
Верман кө гусявны, мошня джынсө сета, а он кө вермы, вит-
сё шайт тэсянь. А поплысь збыльсы зэв сьёкыд вөлі день-
га мошня гусявны: сійө пыр киас чабыртөмөн деньга мошня-
сө вөдитіс.

Вот коркө Иван пасьтасис архирейөн да став вичко
пытшкас өзталіс сисьяс да лампаяс. Поп аддзис вичкоюсь
бияс да котөрөн модөдчис вичкоө, думыштіс: „Эз-ө нин
өзйы вичкоюсь?“ А вичкоас архирей сулалө.

— Лок,— шуө,— поп-батюшко, архирейскөй служба вө-
чам. Мый тэ деньга мошнятө сьөрсьыд вөдитан, пукты кыт-
чөкө вөлтар пытшкас, сесь некод тэнсьыд оз босьт.

Пуктіс поп деньга мошнясө престол улө. Служитісны,
служитісны да поп чуймис:

— Архирей-батюшко, менам,— шуө,— тэ воигкежлө лө-
сьөдчытөм и пөжасьтөм. Час, котөртла да матушкалы пө-
жасьны тшөкта.

Котөрөн ветліс поп попаддя дорө да бөр локтіс вичкоө,
а сәні архирей ни деньга мошняыс сьлөн абу.

Муніс поп Иван вылө генераллы жалуйтчыны.

Корис генерал Иванөс.

— Верман кө,— шуө,— менсьым ас керкаысь гөтырөс
гусявны, ыджыд награда босьтан, он кө вермы, юнад он мын.

Думайтіс, думайтіс Иван, кызди генераллысь гөтырсө гу-
сявны. Генераллөн, гашкө, сё слуга да телохранитель, не-
кытчө матө он сибав керка дорас.

Вот Иван озыр купечөн пасьтасис, ньөбис бөчка вина
да войнас модөдчис генерал керка дорті.

Мыйөн воис сійө генерал кильчө весьтө, кыскис телега
чока пөвсө, көлесасө мынтөдіс чөрс вывсьыс, телегаыд сэт-
чө и путкыльтчис. Пондіс Иван чуксавны генераллысь слуга-

яссö да телохранительяссö: „Отсаланнуд кö, — шуö, — став бöчкасö тiянны юктала“. Слугаяс да телохранительяс öти здукöн лöсьöдiсны сылысь телегасö да бöр лэптiсны вина бöчка. Иван налы и шуö:

— Юö, мыйтöм ловнуд лэптö!

Генераллön слугаяс сэтшöма юисны, мый сэтчö туй вылас и унмовсисны. Иван сэк костi пыралiс генеральша спальняö, кватитiс сiйöс, пуксьöдiс телегаö да öдiйön зэв гөнитiс. Заводитiс жö эськөн генерал слугаяссö да телохранительяссö чукавны отсöг вылö, но найö ставныс вöли сутшкысьöмаöсь ныр выланыс да асылöдз эз и садьмывны.

Скöрмис генерал да Иван вылö жалуйтчис министрлы.

Корис министр Иванöс ас ордас.

— Верман кö, — шуö, — пыравны менам нывъяс спальняö да узиганыс на улысь простынясö гусявны, наградита сюрс шайтöн, а он кö вермы, юртö воштан.

Думайтiс, думайтiс Иван, кызди пыравны министр ордö: сылön öд слугайд да телохранительыд генерал дорысь на унджык. Вот пасьтасис Иван генерал паськöмön, рытнас пырис министр дворецö да дзэбсис öти пельöсö. Видзöдö, а сэни министрлön понйыс кычанасьöма. Иван босьтiс öти кычанпиöс да гусьön мунiс министр нывъяс крöвать улö. Кор найö унмовсисны, Иван пуктiс кычанписö кык ныв костас, шебрас улас. Ачыс пырис крöвать улас да мöдiс кывзысьны.

Коркö садьмис министрлön ичöтджык нылыс да мöд чойсö чукалö:

— Чеччыв, — шуö, — да видзöдлы! Тэ со тавой кычанпи вайöмыд!

Садьмис генераллön ыджыдджык нылыс да спорö кутчысис:

— Ме, — шуö, — бара эг, тэ ачуд кöнкö вайин.

Споруйтiсны, споруйтiсны да батыслысь юавны мунiсны, кодныс найö кычанпи вайисны.

Иван сэк костi кватитiс крöвать вылысь простынясö да петiс министр ордысь; генерал паськöма морттö телохранительяс эз и думыштлыны кутны.

Министрлөн нывъяс локтісны батыныс дорё, медым сійё отсалас налы спор помавны.

Министр гөгөрвоис, мый тайё шуткасё Иван вөчис.

— Тайё,— шуё,— понлөн кычаныс, а абу тиян. Тайё, кён-кё, Иваныд пуктіс тиян кровать вылё, медым прёстынятё гусявны.

Видзёдлісны, эм-ё простыняяс; збыльысь, Иван простынясё гусялёма.

Коркё кывсис и царь пельөдз, мый Иван зэв мастера кужё гусясьны. Корис сійё Иванёс ас дінас.

— Верман кё,— шуё,— тэ менам казнаысь гусявны зёлёта мешөк, мешөкджынсё аслыд, а он кё вермы, юртё керышта.

Царлөн тюрьмаё вөлі пуксьөдёма медся сюсь вөрсё. Локтіс царь тюрьмаын пукалысь вөр дінё да шуё:

— Кыз нё Иванёс кыйны, пондас кё менсьым казнаысь деньга гусявны?

Вөр тшөктіс царлы царскёй казна гөгөрыс сы пасьта бөрөзда кодйыны, медым вомёныс чеччыштны он вермы, да тыртны сійёс сирён. Сир тыра бөрөздати вуджигас пё Иван сэтчө усьё да сибдас.

Вот Иван мөдөдчис царлысь казна гусявны. Сьёрсьыс босьтіс өти вөрөс да сымы шуё:

— Царыд зэв мудера вөчёма; коднымлы кё тавой быть сюрны. Вай тэ вудж водзынджык.

Иванлөн төварышыс чеччыштіс да уси, сэтчө и сибдіс, сөмын юрыс мөдіс тыдавны. Иван, сы юр вылё тальччөмөн, вуджаліс бөрөзда мөдарас, босьтіс пельпом вылас өти мешөк зёлёта да муніс аслас патераас. Сійё патеруйтны сувтёма вөлі өти пөрысь дөва ордё.

— На,— шуё,— тэд, бабушка, талун гөснеч вайи. Кувтөдзыд тырмас да пияныдлы кольё. А менё верд өтчыд та пыдди.

Мөд лунад царь аддзис, мый Иваныд збыльысь гусялёма царскёй казнатё, зэв ёна скөрмис, тшөктіс Иванёс пырысьпыр жё кутны да юрсё керыштны.

Корсисны да корсисны, но аддзыны эз вермыны.

Сэсся царь бара муніс тюрьмаын пукалысь сюсь вөр дінө.

— Вай,— шуө,— висьтав, кызди меным Иванос кыйны да сылысь юрсө керыштны?

Тюрьмаын пукалысь вөр царос велөдө:

— Тэ,— шуө,— доддав зарниа каретатө, сэтчө пуксьод царицатө медся бур паськөмнас пасьтөдөмөн, сэсся лэдз сійос кар кузя гуляйтны, а бөрвывсяньыс ысты унджык йөзос. Иваныдлөн вежыс петас зарниа карета вылад да локтас сійос гусявны, сэки сійос позьө кокниа кутны.

Сідзи и вөчисны. Царицаос пасьтөдісны шөвк да зарниа паськөмөн, пуксьөдісны зарни каретаө да мөдөдісны кар кузя гуляйтны.

Иван пасьтасис генерал паськөмөн, сэсся кайис пу вылө, өшөдчис пу вож вылө да мөдіс горзыны:

— Менө Иван-вөр грабитіс да пуө өшөдіс! Мездөй менө!

Царицаыд буретш вөлі сійө пу увтыс гөнитө да шуис кучерыслы:

— Мезды,— шуө,— генералсө!

Мыйөн кучер чеччис көзла вылысь да пондіс пуө кавшасьны, сэк кості Иван чеччыштіс карета лабичө да кучкис вөвьяслы.

Каретасө да царицасө өттшөтш гусяліс да вайөдіс ас патераас. Каретасьыс перйис зарниа көрөбкасө, а царицасө пөрччөдіс, сэсся пуксьөдіс тыртөм каретаө да вөвьяслы кучкис:

— Мунө,— шуө,— гөнитөдө царь гөтырөс царь ордө.

Ещө ёна скөрмис царь, мый Иван гусяліс сылысь зарниа каретасө да царицалысь дона паськөмсө.

Муніс бара тюрьмаын пукалысь вөр дінө да юасьө, кызди кыйны Иванос. А вөр сійос велөдө:

— Босьт,— шуө,— да гөгөрбок зөлөтит порсьос. Сэсся рота салдат костын лэдз сійос кар кузя гуляйтөдны. Иван-лөн зарниа порсь вылад вежыс петас, локтас сійос гусявны, а салдатгьясыд сэки сійос и кутасны.

Вот ыстісны дзонь рота салдатос кар кузя гуляйтөдны царлысь зөлөтитөм порсьсө. Иван сэк кежлө кар шөрысь

медалис медбур патерасö, сэсса полковникöн пасьтасис да петис порсьöс гуляйтöдыс салдатъяслы паныд:

— Здорово,— шуас,— молодцы! Менам талун нимлун. Он-ö желайтö менсьым нимлун празднуйтыштны.

— Желайтам,— шуöны салдатъяс,— кыз нö ог желайтö полковниклыс нимлун празднуйтыштны. Сöмын кытчöкö тайö порсьсö колö мянлы меститлыны.

— Йöртö,— шуö,— ме гидö да томналö, немтор сылы озло, ме сэк коста денщикöс видзны сувтöдла.

Пыртöдис Иван салдатъясöс, лясусьтöдзыс юкталис вина-öн, а ачыс босьтис налыс зёлөтитöм порсьсö да важ пате-фраас нудис. Вуштіс сы вылыс став зарнисö да сетис пöрыс дөвалы.

— На тэд, бабушка, тайö шылльö-мыльöсö. А порсьсö начкы да жарит меным аски кежлö.

Вот палялисны порсь гуляйтöдыс салдатъяс. Кватитчисны, а порсьныс абу. Гөгөрвоисны, мый Иван найöс тадзи тешитöма. Мунисны царь дорö да сідзи висьталисны, мый Иван синма-ныра костыс налыс порсьсö пышйöдис.

Бара мунис царь тюрьмаын пукалыс вөр динö юасьны, кызди эськөн Иванöс кутны. А тюрьмаын пукалыс вөр сійöс велөдö:

— Талун Иван мөдас тэнсьыд гусялөм порсьтö жаритны. Ысты медся ныриса пöвартö асьыд да яй дук сергиыс сійö тöдмалас Иваныдлыс оланінсö.

Вот мунис царскöй пöвар, кар кузьта быд уличаті ветлö да исалö, тöдмалö, кöні порсь яй жаритöны. Воис öти керка динö да збыльыс жаритöм порсь яй дук кылö.

Пырис керкаас, а сэні старука да Иван порсь яй сёйöны.

— Лок,— шуö,— пуксьы да царскöй картаын быдтöм порсь яйöн гөститöда.

Пöварыд кор петис Иван патераыс, кильчö юр вылас мелөн гижис: „Ме тані гусялөм порсь яй сёйи“. А ачыс котөрөн мунис царлы доложитны.

Иван петалис кильчö вылас, адзис кильчö юр вывсьыд мелөн гижöмсö да став кильчö юр вылас гижалис: „Ме тані

гусялём порсь яй сёйи“. Воисны царскöй слугаяс да салдаты-
яҕ Иванöс кутны. Видзöдöны, а быд кильчö юр вылын ги-
жöма: „Ме тани гусялём порсь яй сёйи“. Сидзи бара царыд
эз вермы кутны Иванöс.

Бара царь мунис тюрьмаын пукалысь вөр динö сөветуйт-
чыны, кызди кыйны Иванöс. Тюрьмаын пукалысь вөр сийöс
велөдö:

— Ас дворечад пир вылө корав став купечьясöс, офи-
церьясöс, генеральясöс, губернаторьясöс, министрьясöс. Тö-
дöмысь, сэтчö тшöтш локтас и Иваныд. Сэссия гөгөрбок дво-
речтö ортсысянныс тшöкты томнавы да стража сувтöдны.
Кор ставныс кодзасны, ныв спальня дорад сувтöд бур стра-
жа да тшöкты, кодi гöстьяс пиысь вермас пыравны царевна
спальняö да сийöс окыштны. Дерт, Иван кызди некод оз
вермы. А сылы кö удайтчас пыравны царевна спальняö, ме-
дым царевнаыд плешас сылы пас пуктас. Сэк сийö пас сер-
тиыс и сюрö.

Царь чукöртис пир вылө ассыс став йöзсö: министр-
ясöс, генеральясöс, купечьясöс, попьясöс. Иван пасьтасис
купеч паськөмөн да пир вылө тшöтш локтис.

Кор став гöстьясыс ёнакодь кодзисны, царь шуö
гöстьяслы:

— Кодi вермас царевна спальняö куим стража пыр пы-
равны, сийöс öтчюд окыштны да сылысь чунькытшсö босьт-
ны, сы сайö царевнаöс верöссайö сета.

Заводитлисны купечьяс, генеральяс, заводитлисны унаөн,
но первой стража динас воигөн на найöс кутлисны да бөр
бергöдалисны. Некодлы эз удайтчы пыравны спальняö.

А Иван эз зевайт. Пир вылө локтигас сийö босьтöма
сьöрсьыс царицалысь пöрччөдөм, зарниөн вышивайтөм платье.
Сийö пасьталис сийöс да царица пыдди пырис царь ныв
узыланинö, сийöс зэв кокниа лэдзисны. Иван пыралис царь
ныв дорö, öтчюд сийöс окыштитс да чуньсьыс зарни чунь-
кытшсö перйис. А сэк коста царевна сылы плешас крест
пуктис.

Петис Иван царевна спальняысь, пöрччис нывбаба пась-

кѡмсѡ да, юрсисѡ лѡсьѡдѡгмоз, видзѡдлѡс рѡмпѡштанѡ. Аддзис сѡйѡ ас плешсѡыс пасѡйѡм крестсѡ, гѡгѡрвоис да чышкис.

Войнас, кор став гѡстѡясыс юсисны да унмовсялѡсны, Иван ставныслы налы плешканыс крестѡяс тѡчалѡс.

Коркѡ садѡмис царь да мѡдѡс ветлыны узѡысѡяс пѡвсттѡ, видлавны, кодѡ креста плеша. Оти узѡысѡлы чужѡмас видзѡдлѡс — креста плеша, мѡдѡс видзѡдлѡс — креста плеша жѡ.

— Ак,— шуѡ,— тайѡ тай гусясѡ ещѡ оз ѡтнас: сѡлѡн и ѡртѡяс тшѡтш эмѡсь.

Сѡсся царь чукѡктѡс дворец видзѡыс салдатѡясѡс да сетѡс приказ:

— Став узѡысѡясѡ видлалѡй. Кодлѡн плешкас эм пасѡйѡм крест, ставныслыс юрсѡ керавны!

Вот пырисны салдатѡяс гѡстѡяс узѡянінѡ. Кодлыс плешсѡ оз видлыны, ставыслѡн плешаныс пасѡйѡм крест.

ИВАН ДА ЦАРЬ

Олѡсны-вылѡсны гозѡя. Найѡ вѡліны зѡв гѡльѡсь. Налѡн чужис пи, нимсѡ сылы пуктѡсны Иван. Кутѡсны гозѡя ас костаныс тѡлкуйтны, мѡй керны выль чужѡм кагакѡд, кор няньыс аслыныс сѡйны абу.

Сѡсся локтѡс на ордѡ кутшѡмкѡ странник да шуѡ:

— Некытѡ жѡ пинѡтѡ эн вузалѡ. Быдмас да царѡн лѡѡ. Сѡмын та йылыс некодлы эн висѡталѡй.

Коркѡ-некоркѡ баба петѡс да суседын и ошѡысис странник висѡталѡм йылысѡ. Тайѡ кывсис царь пельѡдз. Царь тѡдмалѡс, кодлѡн сѡтшѡм детинкаыс чужѡма, сѡсся локтѡс мужик ордѡ да шуѡ:

— Вай вузав мем питѡ.

Аймам бѡсьтѡсны да вузалѡсны сѡйѡс. Царь бѡсьтѡс кагатѡ, пуктѡс сумкаѡ да шыбитѡс сѡйѡс ваѡ.

— Вот,— шуѡ,— тѡныд и царпу,— сѡсся ачыс мунѡс гортас.

Кага тыра сумка кывтѡс, кывтѡс да мельнича пруд дорѡ воис.

Аддзис мельник кагатѡ да бѡсьтѡс аслыс пи пыдди. Челябиндыс аслас ѡз жѡ вѡв.

Тадзи детинка быдмис мельник ордын дас вит арөсөдз. Вот мельник ордө өтчюд царь сувтис. Пөслук детинкаыд сылы ёна сьёлөм вылас воис. Думайтө нин вөлі сійөс аслыс свитаас босьтны. Сэсся мельниклысь и юалө:

— Гөтырыд абу, а кысь нө тэд тайө детинкаыс?

Мельник висьталіс царлы, мый сідзи и сідз: кагаөс кутис ваысь да пи пыдди быдтис.

Царь ставсө гөгөрвоис. Сійө сэсся гижис письмө да шуө мельниклы:

— Меным колө гөтырлы ыстыны письмө. Ыстыв питө.

Царлөн эштис письмө да сетис Иванлы. Иван котөрөн мөдөдчис царица ордө... Муніс-муніс, сьөд вөр шөрө ылаліс да воймис. Ветлөдліс, ветлөдліс да би югөр аддзис.

Би югөр вылө муніс, да вөр керка сулалө, а сәні разбойникъяс олоны. Разбойникъяс сійөс вердісны, юкталісны да юалөны:

— Кытчө нө тэ, Иван, мунан?

Иван налы висьталіс, мый царь сійөс ыстис письмөөн царица дінө.

— Вайлы жө петкөдлы письмөсө.

Лыддисны царлысь письмөсө, а сэтчө зев лёктор гижөма. Царлөн гижөма: „Мыйөн зон письмө ваяс, пырысь-пыр жө юрсө керыштөй“.

Разбойник косявліс сійө письмөсө да гижис царь нимсянь мөд письмө: „Мыйөн воас письмө вайысь зонмыс, пырысь-пыр жө гөтралө менам ныв вылө“.

Сэсся конвертө бөр сюйисны да сетисны Иванлы.

Мөдлун асывнас разбойникъяс чуксалісны Иванөс, зев бура вердісны да индісны туй.

Воис сійө царскөй дворец дорө, а салдатъяс оз лэдзны дворецө пырны.

Иван сетис письмөсө да шуис:

— Сетө тайөс царицалы.

Лыддис царица письмөсө да пырысь-пыр жө тшөктис чукөстны Иванөс. Сэсся вөчисны свадьба: гөтралісны Иванөс

царь ныв вылө. Коркө воис царь гортас, скөрмис сійө, мурт-са царицаос оз нөйт.

— Кыдзи нө лысьтин ассьым нылөс та сайө сетны? Ме тэныд вины тшөкті, а тэ сійөс асланым ныв вылө гөтралөмыд.

Вөчны нинөм, делө вөчөма. Но царь ассьыс думсө эз веж. Сійө пыр на көсийс кызкө изведитны Иванос. Вот сійө и шуө Иванлы:

— Эстөни вөр шөрын олө морт сөйысь багатыр, сьлөн тошкас зарни сияс быдмөны. Ветлы да нетшышт куим зарни си, вай меным.

Иван мөдөдчис туйө. Мунис, мунис да аддзис, мужик юкмөс кодйө.

— Висьтав,— шуө,— бур мортөй, дасөд во кодъя, а мыйла век ваыс абу. Оз кө ваыс во, царь юрөс керыштас.

— Бөр локтигөн висьтала,— шуис Иван.

Мунис да мунис, льөм пу куст дорө воис. Льөм пу сылысь и юалө:

— Висьтав, бур мортөй, мый вөсна ме кок йылын косьма: тусь ни дзоридз ог аддзывлы?

— Бөр локтигөн висьтала,— шуис Иван льөм пулы.

Мунис-мунис да перевоз дорө воис, а сэни пөрысь дядьө вуджөдчө.

— Висьтав, бур мортөй, мый вөсна ме тани страдайта: нэм чөж лоө перевозщичайтны?

— Бөр локтигөн ставсө висьтала,— шуис Иван перевозщиклы да водзлань мөдөдчис.

Сэссия воис медбөрын багатыр керка динө. Пырис керкаас, а багатырыс абу гортас, сөмын сьлөн бабаыс гортас пукалө.

Багатырлөн гөтырыс сылы и шуө:

— Ок, ок, ок, мыйла нө, зонмө, тэ локтин? Воас өд багатырыд да тэнө сөяс.

Детинкаос и шог босьтис. Сэссия багатырлөн гөтырыс и шуө:

— Эн, Иван, шогсы. Ме тэнө дзеба и став мөгтө тэнсьыд мөгмөда.

Сэсса дзебис сійо Иванос — ас ящикас томналіс. Корко-
грима-йиркакыло локтіс багатыр. Пырис керкао да шуо:

— Уп! Кысько роч дук кыло. Коді мянын эм? Вай ме
сійос сёя.

— Ылі муясті ветлін-мунін да сьорсьыд, буракo, роч-
дуксo вайин,— шуo сылы гoтырыс.

Сэсса багатыр водіс узыны. Мыйон унмовсис, гoтырыс
сылысь тошсьыс зарни си нетшыштіс. Сійо чепoсйис унйив-
тіыс да мoдіс пинясьны.

А бабаыс сылы и шуo:

— Ме зэв омoль вoт вoталі. Дерт, ун йывті тошкoдыд
нетшыштсис. Вoтася, быттьo мужик юкмoс кодйo, зэв джу-
джда кодйис, а ваыс век вoчасoн кoсьмo. Ваыс кo оз во,
царь сылысь юрсo керыштас.

— Тайo збыльтор, а абу вoт.

— А мыйла эськo ваыс оз во?

— Струбаас эм лягушка, сійос кo виас, ваыс пондас воны.

Унмовсис багатыр, а бабаыс сылысь мoдысь тош си не-
тшыштіс. Бара багатыр садьмис да мoдіс гoтырыс выло пи-
нясьны.

А гoтырыс сылы и шуo:

— Oні ме вoт вoталі. Эстoн ю дорын льoмпу быдмo и
вoчасoн кoсьмo. Мый вoсна сійo кoсьмo?

— Вуж улас поп амбарысь шыръяс овмoдчoмаoсь. Найoс
кo виан, и льoм пуыс оз мoд кoсьмыны.

Унмовсис багатыр, а гoтырыс сылысь коймoд тош си не-
тшыштіс. Бара садьмис багатыр да мoдіс шумитны.

А гoтырыс сылы и шуo:

— Ме oні вoтаси да быттьoкo эстoні ю дорын oти дя-
дьo нэмсo перевозщичайтo и нэм чoжыс кoсйo берегo петны
да оз вермы. Мыйла нo оз вермы?

А багатыр сылы и шуo:

— Медым мoд мортлы кодлыкo сетас руб деньга да пе-
лыссo, а сэсса ачыс берегo и чеччыштас. Сэки сійo и дзи-
кoдз мынас.

Мoд луннас багатыр муніс кытчoкo, а багатыр гoтыр се-

тіс детинкалы куйм зарни си да ставсö сылы висьталіс, мый сылы вöлі колö.

Бөр локтігас сійö воис перевоз дорö. Перевозщик буретш вöлі купечöс вуджödö. Иван перевозщиклы и шöпнитіс:

— Мөдар берегас воан, сет тайö купечыслы руб деньга да ас кисьыд пелыстö, а ачыд сэсся öдйöджык пет берегö, сэки перевозщичайтöмсьыд дзикöдз мынан.

Перевозщик тадзи и вöчис. Купеч коли сы местаö перевозщичайтны.

Сэсся муніс да льöм пу куст дінö воис. Льöм пу сылысь и юалö:

— Тöдмалін эн, мый вöсна ме косьма?

Иван корсис льöм пу куст улысь шыр поз да виис шыръяссö. А льöм пулы и шуö:

— Öнi он нин мöд косьмыны, а пондан дзоридзавны.

Тадз жö сійö мездіс юкмöс кодйысь мужикöс. Сэсся муніс да öти керка воис, а сэні старука олö.

— Кытчö тэ, Иван, ветлін?

— Менö царь ыстыліс куйм зарни юрсила вөрса багатыр ордö.

А старука сылы и шуö:

— Ок, ок, ок, Иван! Царыд öд тэнад юр вылö бара вьль пакöсьт лöсьödö. Сійö лöсьödчö тэнсьыд юртö керавны. Но тэ эн маитчы, ме тэныд отсала сы вöсна, мый тэ мездін менсьым вокъясöс. Перевозщикысь мездін менсьым ыджыд вокöс, юкмöс кодйысь дядьöсö мездін—менсьым ичöt вокöс мездін.— Сэсся старука сылы сетіс чунькытш да водзö висьталіс:— Кор пöгибö воан, суй тайö чунькытштö шуйга нимтöм чуняд да кор, мый тэныд колö.

Иван прöститчис старукакöд да мөдöдчис водзö.

Коркө сійö воис царь ордö. Сетіс сылы куйм зарни юрси. А царь ещö ёнджыка скöрмис, мый Иванöс некыз оз вермы изведитны. Пырысь-пыр жö тшöктіс кутны да сылысь юрсö керыштны.

Чукöртіс царь ассьыс вельможаяссö, став слугаяссö, вездöдны, кызди кутасны Иванлысь юрсö керавны. Иван шуö:

— Сетлõй меным медбõръя кыв шуны.


— Висьтав нõ,— шуõ царь.— Юртõ керыштны õд вевъя-лам на.

Иван кыскис зепсыыс старукалысь сетõм чунькытшсõ, суйис шуйга нимтõм чуныс да шуõ:

— Черõй, черанõй! Керышт юрсõ сийõ мортыслысь, кодї танї мыжаыс. Ме кõ мыжа, менсыым керышт, а мõд кõ мыжа, сийõ мортсõ корсь да сылысь юрсõ керышт.

Друг палач кийсь черыс чеччыштїс да лэбовтїс йõз юр вывтї, куимысь кытшовтїс йõз весьттї да кызд тай сапнитїс царлы. Царлõн юрыс джодж кузя быгыльтчис.

Сэссия Иван ачыс пуксис царõ да зэв бура кутїс цар-ствуйтны.



ПОВТÕМ САЛДАТ

Важõн олис-вылис õти салдат. Кызь вит во служитїс, кызь квайтõд во вылас гортас лэдзисны. Вот мõдõдчис салдат гортас ассыыс пõрысь батьмамсõ видлыны. Мунїс, мунїс да õти керкаõ узьны юасис.

— Лэдз,— шуõ,— кõзяин, служивõй мортõс узьны.

— Узьнытõ милости просим, а вердны-юктавны миян крõшки нянь абу.

Салдат кыскис ассыыс сумкасыыс нянь коляссõ да шуис:

— Сейõ, кодлы мыйтõм тырмас.

Мõд луннас служивõй мõдõдчис водзõ да корысь тьõt-какõд паныдасис:

— Отсав,— шуõ,— служивõй, корысь старукалы. Сет, жаляддза, õти нянь кусõк.

Салдат мешõк пельõссыыс гурїис да лукїис, гурїис да лукїис да õти нянь крõшки эз сюр. Сэссия зеп пыдõссыыс сюри пять копеек деньга да сетїс корысь старукалы.

Корысь старука сы пыдди сетїс ассыыс коран сумкасõ да шуõ:

— Босьт, служивöй, милöстина сетöм пыддиыд тайö сумкасö. Тайö сумкаон тшыглы он кув ни пöгибö он во.

Босьтис салдат корысь старукалысь сумкасö дай водзö мөдöдчис. Мунис, мунис да кынöмыс мөдис сюмавны. Медбөръя няньсö узянинын вердис, медбөръя деньгасö корысь старукалы сетис, весиг куритчынытö табакед абу. Пуксис салдат туй бокö, юрсö гыж-гыжкерыштис да корысь старукалөн сетöм сумкаыс сылы дум вылас уси.

— А лөсьыд жö эськө тайö сумкаас кö няньтор, вина бутылка да табак тыра кöшель вöли.— Сэссия тапнитис кинас сумка бокö, а сумкасыс том молодец звирк чеччыштис.

— Мыйөн,— шуö,— верма служитны тэд, выль кöзяин? Салдатлы зэв нимкодъ лои да шуö:

— Мед пырысь-пыр тани вöли пызан да улöс. Пызан тырыс чöскыд сёян-юан да куритчан добра.

Друг салдат водзын лоис пызан, а пызан тырыс быдсикас сёян-юан да табак кöшель.

Салдат пөттөдзыс сёйис-юис, лөзөдтөдзыс куритчис да бара кучкис сумка бокö:

— Но öни кежлö пөт и код. Верман бөр ставсö уберитны. Сёян ни юан эз ло, а том молодец бөр звиркнитис салдат сумкаö, быттьökö эз и вöвлы.

Мунис, мунис салдат да карö воис. Кылис, сэн пö царлөн зэв мича ныв эм — Елена Прекрасная. Салдат шуö:

— Час ветла царь ордö Елена Прекраснаяö видзөдлыны. Оз-ö ме сайö мун?

Кутис пырны царь ордö, а часөвöйяс сийöс оз лэдзны, сылы тшуптас тойлалөмөн вөтлисны.

Кучкис салдат сумка бокö, сумкасыс том молодец чеччыштис.

— Кутшөм служба,— шуö,— тшөктан служитны, выль кöзяин?

А салдат сылы индö:

— Вот тайö бөлбанъясыс менö царь ордö пыравны оз лэдзны. Кучкы налы морт öтпырйысьөн банбоканыс.

Том молодец кучкис часөвöйяслы морт öтпырйысьөн да

найō турун мешōкъяс моз ѳтарō-мōдарō лѳбовтисны. Пырис салдат царь ордō. Царь сылысь и юалō:

— Кутшōм могōн, служивōй, локтін ме ордō?

А салдат сылы и шуō:

— Ме локтї тѳнсьыд нывтō коравны, тѳ ордын гōсти-тыштны.

Царь сылы и шуō:

— Куим лун гōстит ме ордын. Кажитчас кō менам гōш-тшенье, сѳки зятъпу вылō туян.

Сѳссия салдатōс тюрьмаō йōртис, а сѳян-юан пыдди тшōктис пельсатыр ва вайны да сійōс гōститōдны. Őти лун пукалō тюрьмаын, мōд лун пукалō салдат, ньōти оз тōждысь. Кучкас сумка бокас да пызанывыт тыр сѳян-юан мōдас руавны, и куритчыны табак тырмымōн ѳм. Салдат мортлы уна оз и ков.

Ыстис царь слугаяссō салдат дорō юавны, здōвōлен абу сійō царскōй гōштшеньеōн? А салдатыд слугаяслы тшōктис висьтавны:

— Зѳв дōвōлен, медым царь-батюшко тшōтш волас ѳт-лаын завтракайтыштны да вина румка юыштны.

Локтис царь тюрьмаō салдат динō. Салдат кучкис сумка бокас:

— Но,— шуō,— том молодец, мед танї вōлї пызантыр медся чōскыд сѳян-юаныс да быдсяма чōскыд закусаяс.

Сумка пытшкысь звирк чеччыштис том молодец да сѳян-юан лōсьōдис.

Гōститō царь салдат ордын да дивуйтчō: татшōм чōскыд сѳянъястō ньōтчыд на ѳз сѳйлывлы.

Сѳйōм бōрын царь гусялис пызан вылысь ѳти зарни пань да аслас зептас и суйис. Лыддисны сѳйōм бōрын став пань-сō да ѳти пань ѳз мōд тырмыны. Салдат и шуō царлы:

— ѳн-ō тѳ гусяв менсьым паньсō?

— ѳг жō гусяв.

Салдат сѳссия кучкис сумка бокас да шуō:

— Кодї гусялис менсьым ѳти зарни пань, сылы банбокас кучкыны.

Звиркнитис том молодец салдат сумкаысь да кыскис во-

шөм паньсö царь зептысь. Отчюд кучкис царлы банбокас — тумбыльтчис, мөдысь кучкис — мөдарö тумбыльтчис. Царлөн öдва лолыс коли.

Сэсся царыд салдатлы шуö:

— Сета ассым нылöс тэ сайö, öти вой кö узян менам выль керкаын да вöтлан сэтысь чöртъясöс.

Салдат и шуö:

— Кыдз нö ог узь выль керкаын.

Мунис салдат узыны выль керкаö. Сийöс вой кежлö гö-гöрбок томналисны. Муртса пемдыштіс, салдат мөдіс водны узыны. Друг кыськö геб мында чöртъяс локталісны да салдатлы и шуöны:

— Мыйла тэ, служивöй морт, татчö, миян керкаö, локтін? Ми тэнö пырысь-пыр жö виам.

Салдат налы и шуö:

— Табакныд дубалö менö вины.— Сэсся салдат кучкис сумка бокö дай шуис:

— Вай, том молодец, ужнайтыштам да закуситыштам.

Сумкаысь звиркнитіс том молодец да пызанывыв тыр лои сёян-юанъяс. Салдат вина юö, а чöртъяс завидьпырысь видзö-дöны сы сёйöм вылö. Сэсся чöртъяс и шуöны:

— Он вузав, служивöй, тайö сумкатö миянлы?

— Тайö сумкаыс,— шуö салдат,— абу продажнöй, а заветнöй. Тайö сумка пытшкас кö став чöрт котырнад öтпырйö тöранныд, сэки сумкасö тайöс дон босьттöг сета.

Чöрт чукöр дзольдöдчисны да дзольдöдчисны — дзик геб кодьöсь лоины, ставныс тöрисны сумка пытшкö. Сэсся салдат босьтіс пудджынъя гира да мөдіс тай кучкавны чöрт тыра сумкаö. Кучкаліс да кучкаліс, кучкаліс да кучкаліс. Чöртъяс, кылö, горзöны сумка пытшкөссянь:

— Лэдз миянöс, служивöй, некор сэсся тэныд паныд ог лөсьöдчöй.

А салдат öтарö гираөн кучкалö сумкаö да ачыс шуалö:

— Коркö мөдысь меным паныд лөсьöдчанныд-ö?

Сэсся босьтіс сумкасö да чöртъясöс öшинюлö койыштіс.

Чегсисны чортъяс да юртӧг-садътӧг чепӧсйисны, кодӓ кытчӧ велькалі. Эз нин сӧсся некор тайӧ вель керкаӧ волены.

Царь нин вӧлі думайтӧ, мый ковтӧм зятьпуысь сійӧ мунис, мый чортъяс джагӧдісны сійӧс вель керкаын. Мӧд луннас салдат локтіс царь дінӧ дай шуӧ:

— Но, менам служба эштис. Ӑні быть лоӧ сетны Елена Прекраснаяӧс ме сайӧ.

Царлы эз вӧв эськӧн окота салдат сайӧ асьыс нывсӧ сетны, но ӧткажитны эз лысьт. Но салдатыд ачыс эз ӧна окотит царь ныв вылад гӧтрассны.

— Ме, — шуӧ, — ветла первой пӧрысь батьмамӧс видлыны, а сӧсся вӧлисти локта Елена царевнаӧс коравны.

Босьтіс салдат асьыс сумкасӧ да гортлань мӧдӧдчис.

Мунис, мунис да сылы зӧв мисьтӧм старука паньдасис. Ӑти киас сылӧн клещи, мӧд киас ыджыд коса. Мисьтӧм старука салдатлысь туйсӧ и потшис:

— Ӑні, служивӧй, меным тӧ сюрин. Дыр нин ме тӧнӧ корся да некытысь ог аддзы. Ме тӧнад смертыд.

Салдат скӧрмис да саблясӧ эськӧ кӧсйис кыскыны, но смертыд водзджык вевъяліс косаӧн ӧвтыштны.

Вот воис салдат мӧдарьюгыдӧ. Но райӧ сійӧс оз лӧдзны. Райын пӧ салдатлы места абу.

— Абу кӧ и мед абу, — шуӧ салдат, — ме и адӧ муна. Сӧянтор кӧ да табак лоӧ, меным и адын лоӧ зӧв лӧсьыд.

Лӧччис салдат адӧ. Чортъяс сійӧс кватитісны да медся жар биас мӧдісны кыскыны. Салдат тай кыз сувтіс по-салдатски да равӧстіс чортъяс вылӧ ыджыд гӧлӧсӧн:

— Ак, ті, кӧмтӧм кокъяс, вӧсни бӧжъяс! Вунӧдінныд нин, кыз ме тіянӧс царь керкаын пудджынъя гираӧн шонтылі!

Чортъяс мыйӧн кылісны тайӧ кывъяссӧ, ставныс сюв-сяв чепӧсйисны да медыджыд чорт дорӧ жалӧбаӧн котӧртісны:

— Ок, дедушко, ыджыд чорт! Сійӧ скӧр салдатыд миян адӧ воӧма. Став адсӧ кӧсйӧ кисьтны, жуғлыны.

Повзис ыджыд чорт, йӧршитчис ад пельӧсӧ да ылысянь кутіс горзыны салдатлы:

— Мун,— шуо,— служивой, мян оланыньс. Мый колö босът, а мянöс эн вöрзьöд.

— Мый нö ме тiянöн вöча? Тi кучикысь сапöг он вур. Дöзмытöдзыс гуляйтiс салдат адын, чöртгясöс чиршöд-лис, полошуйтiс да райö мöдiс.

Ен сылы и шуö:

— Кор мун Михаил Архангеллысь пищаль да сувт, служивой, рай öдзöс видзны: Петыр Павел менам пöрысьмис да стöрöжавны оз нин вермы.

Сетiсны сылы пищаль да сувтöдiсны рай öдзöс видзны.

Вот сулалö салдат винтовкаөн да рай öдзöс караулитö. Видзöдö, райö смерть кайö. Салдат сийöс соскöдыс тракни-тiс да шуö:

— Кыдзи тэ, лы чукöр, райö лысьтан пырны? Код тэнö корис?

Смерть сылы и шуö:

— Ме ен дорö докладөн локта. Колö сылысь юавны, кутшöм арлыда йöзöс таво виавны тшöктас меным?

Салдат сылы и шуö:

— Енмыд ме докладтöг некодöс ас дiнас оз принимайт. На,— шуö,— босътлы менсьым пищальöс да видзлы рай öдзöс-сö, медым ветлiгкостi некод татчö оз кавшась. Ме ачым вет-ла да тэ пыдди юала.

Ен тшöктiс салдат пыр смертлы висътавны, мый таво колö медся пöрысь дедгясöс да бабгясöс виавны.

Салдат аскежас думыштiс: „А менам батьмам пöрысьöсь нин. Тадз кö висътала, смертыд менсьым пöрысь батьмамöс начкас, найöс сэсья меным оз и удайтчыв адзöдлыны.“ Сал-дат вежис енлысь тшöктöмсö — смертлы тадзи висъталiс:

— Таво енмыд тшöктö виавны не арлыд серти, а чин серти. Мун лэччы му вылö да мöрит став ыджыд чиновникг-яссö.

Сулалiс, сулалiс салдат рай öдзöс дорын, тадзи öти во колiс. Видзöдö: кыссьöны, райö кайöны югыд кизя чинов-никгяс, а на бöрвылын кос лы чукöрнас гира-гаракылö смерть кыкысьö.

Смерть салдатлы ылысянь на горзё да өвтчө:

— Восьты,— шуө,— рай өдзөстө, служивой!

А салдат смерть ныр улө кулаксө мыччөдліс:

— Коді,— шуө,— тэд тшөктіс тайбясөс райө катөдны?
Пырысь-пыр жө адө ставнысө вөтлы.

Нуөдіс смерть адө чиновникъясөс да бара локтіс рай өдзөс дорө салдатлысь юавны: кодъясөс таво ен тшөктас виавны?

Ветліс салдат ен дінө юавны. Енмыд и шуө: мед пө таво виалас шөр арлыда мужичөй йөзөс.

Салдатлы енлөн приказыс эз во сьөлөм вылас: тайө приказ сертиыс смерть виас сылысь вокъяссө, сөсся сылы оз и удайтчы найөс аддзөдлыны. Салдат бара вежис енлысь приказсө да смертлы тадзи висьталіс:

— Таво кежлө енмыд тшөктіс виавны не арлыд серти, а чин серти. Лэччы мун му вылө да виав сөсь став попъяссө. Сулаліс, сулаліс салдат рай өдзөс дорын, тадзи мөд во коли.

Видзөдө: поп чукөр араваөн райө кыссьөны, а на бөрся кос лы чукөрнас гира-гаракылө смерть кыскысьө.

Ылысянь на смерть кияснас өвтчө да салдатлы горзө:

— Восьты, служивой, рай өдзөстө, попъяс райө локтөны!

Салдат бара кулаксө смерть ныр улө мыччөдліс да шуө:

— Коді тшөктіс тайө кузь юрсиа бесьяссө райө катөдны? Сідз нин уна тані кузь юрсиаыс. Пырысь-пыр жө ставнысө адө вөтлы. Енсянь сэтшөм приказ сетөма!

Вөтліс смерть попъясөс адө да бара локтіс рай өдзөс дорө.

— Юав,— шуө,— служивой, енлысь, кутшөм арлыда йөзөс таво кежлө тшөктас виавны?

А салдат сылы и шуө:

— Таво кежлө ен тшөктіс вины купечьясөс да урядникъясөс.

Сулаліс, сулаліс салдат рай өдзөс дорын да коймөд во коли. Бара локтө смерть, вайөдө сьөрсьыс купечьясөс да урядникъясөс. Ылысянь на сійө кинас өвтчө да горзө салдатлы:

— Восът, служивой, рай ѓдзѓстѓ, праведникъяс локтѓны!
Салдат бара кулакѓ смертлы ныр улѓдзыс мычѓдлѓс да шуѓ:

— Вот сета ме тѓныд, лы чукѓрлы, праведникъясѓс вайѓдѓм! Кодѓ тшѓктѓс тѓныд тайѓясѓс райѓ катѓдны? Пырысыпыр жѓ адѓ лѓчѓд. Енсянь сѓтшѓм приказ сетѓма.

Вѓтлѓс смерть ставнысѓ адѓ, бара локтѓс рай ѓдзѓс дѓнѓ да ыстѓ салдатѓс ен дѓнѓ юавны, кодъясѓс таво кѓжлѓ виавны.

А салдат скѓрмис да шуѓ:

— Дѓзми ме тѓысь. Абу ме тѓныд слуга ни казак. Ветлы колѓкѓ да ачыл юав.

Тѓдмалѓс ен салдатлысь шуткаяссѓ, тшѓктѓс кутны да вайѓдны ас дѓнас:

— Но, мый тѓ вѓчин, служивой? Гырысь чиновникъясѓс тѓ тшѓктѓн смертлы виавны?

— Так точно!

— Попъясѓс тѓ тшѓктѓн виавны?

— Так точно!

— Купечъясѓс да урядникъясѓс тѓ тшѓктѓн виавны?

— Так точно!

Скѓрмис ен да шуѓ салдатлы:

— Вѓтла ме тѓнѓ, служивой, райысь татшѓм уджсыд. ѐнѓ смертлысь нянь кусѓксѓ мырддин, нинѓм сылы лои вѓчнысѓ. Тшѓкта тѓныд куим во чѓж вердны смертѓс ас кошта вылад.

Вот мѓдѓдчис салдат райысь му вылѓ бѓр, а смертыд сы бѓрся вуджѓр моз вѓтлысьѓ: кытчѓ салдат, сѓтчѓ и смерть. Пуксяс салдат сѓйны — смерть сыкѓд тшѓтш сѓйны пуксяс да ѓтнас вит морт мында сѓяс; пуксяс салдат вина юны — смерть сыкѓд жѓ юѓ да вит морт мында юѓ. Пуксяс салдат куритчыны, а смертыд сы чигарка куритѓкостѓ вит чигарка куритас.

Скѓрмис салдат смерть вылѓ да шуѓ:

— Дыр на ме тѓнѓ кута вердны?

Мунѓсны-мунѓсны да кабак воис. Смерть сылы и шуѓ:

— Вай, служивой, пыралам кабакас да юыштам неуна.

А салдат аскежас думыштѓс: „Час ме тѓнѓ ѓнѓ велѓдыш-

та неуна“. Сэсса сумкаджыныйс кымын сѡвтис дорыша из торьяс да шуѡ смертлы:

— Кытчѡ тэкѡд кабакѡ пырам? Тэнѡ, лы чукѡрѡс, аддзасны да став йѡзыс повзясны. Бурджык лѡб, тѣ кѡ пуксян ме сумкаѡ, а ме тэныд кута винасѡ мыччавны.

Сидзи и вѡчисны. Смерть пырис из тыра сумкаѡ да шуѡ:

— Ой, служивѡй, тані из чукѡрад меным зѣв чорыд куйлынытѡ. Вай ректы сумкасыд изъяссѡ.

А салдат сылы и шуѡ:

— Пукав сэн да мѡритчышт!

Сэсса салдат зѣв топыда кѡрталіс сумкасѡ да мѡдіс смертѡс пыркѡдны.

— Ать! Два! Ать! Два!— по-салдатски маршируйтѡ да смертѡс из тыра мешѡкын пыркѡдѡ. А смертлѡн лыясыс гила-голякылѡны из чукѡрын.

Сэсса салдат пырис кабатчик ордѡ, неуна юыштис да шуѡ:

— Кабатчик, менам мешѡкын смерть куйлѡ, лѣдза кѡ сійѡс вѡля вылѡ, пырысь-пыр жѡ тэнѡ виас. Мый сетан, медым ме сійѡс вѡля вылѡ ог лѣдз?

Кабатчик повзис да шуѡ:

— Мый колѡ, сійѡ и босьт, но смертѡс вѡля вылѡ эн лѣдз.

Прѡститис салдат кабатчикѡс. Кѡрталіс кабак ѡдзѡсѡ смерть тыра мешѡксѡ да шуѡ кабатчиклы:

— Ме ветла пѡрысь батьмамѡс аддзѡдлыны. Кытчѡдз бѡр ог во, смерть тыра мешѡксѡ эн лысьт босьтны, медым тані ѡдзѡсас мовкъялѡ.

Коли смерть кабак ѡдзѡсын из тыра мешѡк пытшкын мовкъявны. Быд ѡдзѡс восьтїгѡн да пѡдлалїгѡн сылѡн лыясыс гила-голякылѡны.

Воис салдат гортас, а пѡрысь батьмамыс ловъяѡсь на. Налы зѣв лѡи любѡ, мый писѡ ловъя синмѡн удайтчис аддзѡдлыны. Дзонь во салдат гѡститис гортас да кабатчик ордѡ смертѡс видлыны муніс. Лѣдзис сійѡс из тыра сумкаысь да шуѡ:

— Но, смерть, кутшѡмджыка гѡститін кабатчик ордын?

А смертлөн муртса лолыс кольома. Сэссия смерть бара мөдiс вуджөр моз сы бөрся вөтлысьны. Салдат и думайтö: „Кыз нөшта тэнö тешитны?“

Ньөбис сэссия салдат табак доз, тырыс сэтчө нюшкан табак сөвтiс, пуксис да мөдiс табак нюшкыны. Отчыл нюшкыштiс — чик-несйөдiс, мөдысь нюшкыштiс — чик-несйөдiс.

А смерть сылы и шуö:

— Вай, служивöй, ме тшөтш табактö нюшкышта. — Сылөн вөли сэтшөм мода, мый салдат вөчö, сы бөрся и сийö вөчö.

— Öти чепель табакыл, смерть, тэныд, гашкö, этша лоö? Бурджык лоö, пуксян кө табак дозьяс, сэк сэссия көть дугдывтөг нюшкы.

Пуксис смерть табак дозийö, а салдатыд босьтiс табак дозтö, зэв топыда пөдлалiс да зептас и суйис. Несьялö, кылö, смерть табак дозийын, а салдат сы вылö сералö. Дзонь во чөж вөдитiс смертöс табак дозийын да лэдзис медбöрын:

— Но кутшөмджык, смерть, табак дозийын овны?

А смертлөн муртса лолыс кольома. Бара смерть мөдiс салдат бөрся вуджөр моз вөтлысьны да салдат кошта вылын вердчыны.

Вот салдат вөчис ыджыд ящик дай смертлы шуö:

— Пырав, смерть, ящик пыткас да пытшкөссияныс стеньяссö стружитышт.

Пырис смерть ящик пытшкөсö, а салдат крап пөдлалiс ящик өдзөссö да смертöс ящикö томналiс. Сэссия нуис кладбище вылö, кодийс гу да сэтчө сийöс и тыртiс:

Виччысьö, виччысьö смертöс ен, но öти во колис, мөд во колис, — смерть век абу. Повзис ен, кытчö мый нө сийö лоис? Сэссия ыстiс слугаяссö смертöс корсьны.

Корсисны да корсисны, корсисны да корсисны — некысь эз аддзыны. Сэссия локтiсны салдат дiнö да юалöны:

— Кытчö смертöс, служивöй, дзебин?

— Ме сийöс кладбищеö нуи да гуалi.

Корсисны да корсисны, став кладбищесö лукöшитiсны, коркö сэссия смерть тыра ящыкыд и сюри.

Локтiс ен дiнö смерть дай шуö:

— Одва менам лолдй коли. Салдат кошта вылад вердчынытö абу тай зэв лöсьыд.

— Салдатыдлөн кö нянь-солыс абу пöтöса, бөр мун мир кошта вылö вердчыны,— шуö сылы ен.

Бара важмозыс смерть мöдiс йöзöс мöритны, но салдат дорö весиг и матыстчынысö эз лысьт, непöштö сийöс мöритны.

Та бöрын салдат олис на сё во, гашкö и кыксёс. Сэтчöдз олис, кытчöдз ачыс эз дöзмы.



КУИМ ВОК

Олисны-вылисны гозъя. Налөн вöли куим пи: кык пиыс тölкаöсь, а коймöдыс сэтшöм-татшöм. Кулигас батыс юкис овмöссö куим пи костын и куимнанныслы воис öти öшкөн пайö. Медичöt вокыслы эз ло окота ноксьыны öшнас да мөдöдчис сийöс вузавны карö. Мунис-мунис да туй вылад вöлöкас вой суис сийöс. Водис дурак öти мыр бердö узыны, а öшсö домöдтöг лэдзис йирсьыны. Асывнас сальмис, а öшкыд сылөн абу: кытчöкö вöрас пышйöма. Чуксалис-чуксалис, эз вермы чуксавны öшкöс и косис бөр гортас да висьталö вокъясыслы:

— Ме талун öшкöс ассым кöкъямысдас шайтысь вузали карын.

— Сэтшöм кö дон сюрö, тэ аски мянлысь öшъясöс нуöд да вузав жö,— шуöны сылы вокъяс.

— Нуöда, вузала.

Мөдлун асывнас нуöдiс дурак ыджыд вокъяслысь кыкнан öшсö вузавны. Вöлöкас бара воймис да узьмöдчис сийö жö мыр дорас, а öшъясöс домöдтöг йирсьыны лэдзис. Асывнас чеччис, а кыкнан öшкыд сылөн пышйöмаöсь и оз төд кытчö.

— Пышйисны кö и мед пышйисны,— тölкуйтö дурак,— мед колöкö пышъялöны, а ме на бöрся котравны ог мөд.

Воис сийö гортас, вокъясыс сылысь юалöны:

— Донысь-ö öшъясыд инисны?

— Көкъямысдас шайтөн ош ыылө. Төдса купечьяс вөліны да долгөн сеті. Петырлуно рөщөтла корисны.

Вот коркө матысми Петырлун, вокьяс ыстөны дуракөс ошъяс вузалөмысь рөщөт босьтны. Вөчны нинөм: колө ветлыны, но кытчө мунны? Муніс Иван буретш сійө мыр дінас, көні кык вой узис да көні ошъяссө воштіс, и пондіс мырсө кучкавны ньөрийөн.

— Корин менө Петырлун кежлө рөщөтла, сідзкө мынты меным деньга куим ошкысь!

Кучкаліс да кучкаліс, весиг мыр бокысь кырсьыс торъяліс.

— А, пөсялін,— шуө дурак,— часлы, ме пөрччысьла да петкөдла тэныд гаж. Пөрччис дурак ылыс паськөмсө, босьтіс зор да мөдіс нөшавны мыр кузя. Мырйыд вөлөмкө сісь и пөри бок ылас єна кучкалөмсьыд, а мыр улысь адзис сы ыжда деньга чукөр, мый дураклы сійөс и вөла-доддьөн не лэччөдны гортас. Сөвтис сійө деньгасө кыкнан зеп тырыс да лэччис гортас. Вокьяс сылысь юалөны:

— Деньгатө вайин?

— Вайи.

Вокьяс лыддьөны деньга да шензьөны:

— Да, тані тай унджык!

— А сэтчө уна на ещө коли да вайнысө эг вермы,— висьталө дурак.

— Сідзкө, вөлөн кайлам да ставсө гортө лэччөдам,— шуөны вокьяс.

Кайлісны вокьяс вөрө, сөвтисны мыр улысь став деньга да лэччөдісны гортө. Гортө воөм бөрын вокьяс ытісны Иванөс дьякөн ордө пудөвөй гирала, деньга веситны.

— Дьякөныслы тэ эн висьтав, мый ми көсьям деньга веситны, а то сійө пайө пырас.

Локтіс дурак дьякөн ордө да шуө:

— Вайлы, отеч дьякөн, пудөвөй гиратө, ми көсьям деньга веситны.

— А меным пай лоө?

— Волан кө, лоө,— шуө дурак,— а он кө волы, оз ло.

Вайис дурак гираяс дьякөн ордысь, а вокьяс юалөны сылысь:

— Деньга веситом йылысь немтор эн висьтав?
— Висьталі, кори, медым деньга пайла локтас.
— Дурак, тэ, дурак,— скөралёны вокъяс,— öнi ачуд сувт кильчö дорö да эн лэдз дьякөнöс керкаö! Нинöмысь эн лэдз!
— Ладнö,— шуö дурак,— оз кö ков лэдзны, ог лэдз.

Босьтiс сiйö зор да сувтiс кильчö öдзöс видзны. Кор дьякөн пондiс кайны кильчö вылö, сiйö сöтыштiс дьякөнлы юрбöрас. Дьякөн сэтчö и уси.

Пырис керкаö дурак да висьталö вокъяслы:

— Ме дьякөнтö кувтöдзыс кучкалі.

— Дурак, тэ, дурак, öнi öд ставнымöс тюрьмаö пуксьö-дасны! Мый тэ вöчин?

Тэрмасьöмөн вокъяс кыскисны дьякөнöс тыртöммöм сёркни гуö, а дуракöс гираяс нуны ыстiсны. Сы ветлiгкостi вокъяс катöдiсны вөрö дьякөнлысь шойсö, а сы местаö сёркни гуö сюра межöс суйисны.

Вайис дурак дьякөн ордö гираяс, а дьякөнича и юалö:

— Кöнi нö, дурак, миян отеч дьяконыс?

— Ме сiйöс,— шуö,— зорйөн кучкалі да сёркни гуö дзеби.

Босьтiс дьякөнича старшинаöс да урадникöс да мунiсны дурак вокъяс ордö. Восьтiсны сёркни гу, тшöктiсны дураклы лэччыны гуö да дьякөнлысь шой лэптыны.

Лэччис дурак сёркни гуö да пондiс шой видлавны.

— Сьöd али еджыд гöныс вöлi отеч дьяконыдлөн?— юалö сiйö дьякөничалысь.

А дьякөнича видчö дурак вылö, тшöктö регыдджык шой лэптыны.

— Сюра али сюртöм вöлi тэнад отеч дьяконыд?— юалö дьякөничалысь дурак.

— Бöжа али бöжтöм вöлi тэнад отеч дьяконыд?— бара юалö дьякөничалысь дурак.

Окнитiс да акнитiс дьякөнича, кор гуысь лэптiсны дьякөн пыдди меж шой.



ИВАН-ДУРАК

Олісны-вылісны гозья. Налён вёлі куим пи. Кыкыс тёл-каоьс, а коймодыс дзык йой — Иван-дурак. Ыджыд вокьяс гөрөны-көдзёны да ыжъяс видзёны, а Иван-дурак паччөрын куйлө да төрөканъяскөд воуйтө.

Вот коркө вокьяс ыжъясөс видзны мөдөдчисны асыв-сяньыс да Иванлы шуоны:

— Тэ, дурак, кор пөжасяс, вай миянлы пажун.

Босьтис Иван пажун кузов, тырыс сэтчө пось нянь сөв-тис да мөдөдчис вокьясөс корсьны. Мунө да өтарө-мөдарө дзөръялө.

Луныс вёлі шондіа. Мыйён сійө петис сикт помө, аддзис асьыс вуджөрсө. Кымынысь Иван воськовтас, сымынысь и вуджөрыс воськовтө. Вот Иван-дурак аскежас мөвпалө: „Кутшөм морт нө тайө ме бөрся вөтчө, ни өти воськов мейсь оз кольчы? Дерт, көнкө, коньөрлөн кынөмыс сямалө, ме кузов вылө вежгө“.

Мөдис Иван-дурак кузолысь нянь кыскавны да ас вуджөр-ыслы шыблавны. Тадзи став няньсө кузовсьыс шыблалис. А вуджөр пыр вөтчө.

— Аттө, кутшөм пөтлытөм рушку! Кузов тыр нянь верді, а сійө век эз пөт и пыр на нянь корө!— сэсся скөрмис да тыртөм кузовнас вуджөрлы шыбитис.

Воис вокьяс динө. Вокьясыс сылысь и юалөны:

— Көні нө кузолыд да няньыд?

— Ме вёлі локта да ме динө кутшөмкө морт көвьясис. Сійө ставсө сөйс.

— Кутшөм морт нө сэтшөмыс?— юалөны вокьяс.

— Со тай мекөд орччөн сулалө,— индис Иван ас вуджөр вылас.

Скөрмисны вокьяс йой вок вылө, кучкалісны сійөс да асьныс гортө пажнайтны лэччисны, а Иванөс ыжъясөс видзны колисны.

Пукалө Иван да ыжъясөс видзө. А ыжъяс чөв оз овны:

отаро да модаро разодчалоны, Иванлысь оз кывзыны. Иван скормис ыжъяс выло:

— Мыйла но тиян синъясыд пыр бокко видзодоны.

Мовпыштіс Иван, кызди эськө вочны, медым ыжъяс оз разодчавны. Сэсся став ыжсө оти-отион куталис, кыскаліс налысь синъяссө да отчукоро чукортіс. Ыжъясыс пондісны оти местаын сулавны.

Вот локтісны пажнайтанінысь вокъяс да уськөдчисны Иван выло.

— Мый но, тэ, дурак, вочомыд? Мыйла ыжъясыд син-төмөсь?

— Нинөм налы синсьыс, этшаджык модасны пышьявны! Нөйтисны да нөйтисны дуракос, чорыдакодь нөйтисны.

Отчюд вокъяс Иван-дуракос көбрөгө ырошла ыстисны. Петіс Иван, а көбрөг өдзөс дорын ыж баксө.

— Ыжой, ыжой, эн колкө баксы, эн дөзмөд менө!

Ыж оз дугды, пыр баксө. Скормис Иван да ырош лагун тувнас ыжлы лыйис. Эз инмы да мод лагунысь тувсө кыскис да лыйис, сэсся коймөд лагунысь да нельодысь. Ыж котортіс. Иван муніс лагун тувъяс бөр корсявны да сэк кості став ырошыл ортсө петіс.

— Көні но, Иван, ырошыл? Мыйла эн вай?— юалоны вокъяс.

— Ме лагун тувнас ыжлы лыйи да сэк кості ырошыс ортсө петөма.

Бара ёнакодь нөйтисны Иванос.

Коркө кык вок Иван-дуракос ыстисны каро мыйсюрө празник кезло ньобавны. Быдторсө ньобалис Иван: пызанъяс, паньяс, чашкаяс, мешок тыр сов. Ньобөм төварыл дзик додь тырыс лои. Мөдөдчис гортас, а вөлыс өдва восьлалө.

— Вөв нель кока и пызан тшөтш нель кока. Пызаныд и ас кокнас вермас мунны, а тани, доддын, сөмын вөвлы сьөктөд.— И лэдзис доддысь пызансө туй шөрө, а ачыс водзлань мөдөдчис. Мунө водзө, а сы юр весьтын чукөрөн ракаяс лэбалоны да кравзоны. Иван и шуө:

— Коньөръяслөн, тыдалө, кынёмныс сьумалөма, сійөн и горзёны.

Сэсса Иван карысь ньёбём став сёянсё кыскаліс, тэчис блюдъяс вылө, туй шөрө пукталіс да мөдіс ракаясёс гөсти-төдны.

Мөдөдчис водзё, воис сотчём эрд вылө. Син улас сылы мыр чукөр уси.

— Ок, тайё молодеच्याсыс тай шапкатөмөсы! Коньөръяслөн өд юрныс кынмас. Час жө ме тиянөс шапкаөда.— Сэсса доддьсыс кыскаліс став ньёбём кашникъяссө, гырничьяссө да өшлис мыръяс вылө.

Воис Иван ю дорө да вөвсө мөдіс юктавны, а вөв юны оз көйы.

— Мый нө он ю, дуб али мый ваыс?— Сэсса доддьсыс кыскис сов мешөксө да дзоньнас кисьтіс юө, а вөлыс век оз ю. Иван скөрмис:

— Мый нө сэсса чатрасян, он ю? Дзонь куль мешөк солалі, а тэныд век на дуб.— Сэсса скөрвывсыс кучкис вөлыслы да вөлыс сэтчө и кулі.

Ньёбём төварысь Иван ордө коли сөмын нин пань чукөр. Көрталіс сійө пань чукөрсө мешөкас да гортлань мөдөдчис. А паньясыд вөсылалөмысь гия-голякылөны: драк-драк-драк. Кывзө Иван, да сылы кажитчө, быттёкө паньясыд сійөс „дурак-дуракөн“ нимтөны. Скөрмис Иван паньяс вылө, шыблаліс туй вылө да мөдіс талаявны:

— Ме тиянөс ас мыш вылын кыска, а ті нөшта нимтысьны лысьтанныд!

Тадзи став паньсө туй вылын таляліс. Воис гортас да шуө:

— Ставсө ньёби, мый тшөктылінныд.

— Аттё тэд, дурак, а көні нө төварыд?

— Пызанъясыд асьныс нель кокаөсь, асьныс локтөны. Сёянтөръястө да блюдъястө рака-чойөяслы коли. Совтө, вөлыд эз мөд юны да, юө солалі; паньясыд нимтысьөны да, туй вылө шыблалі; гырнич-кашникъястө туй бокса молодеच्याс вөлі кынмөны да налы шапкаөді.

Скөрмисны вокъяс Иван вылө да шуоны:

— Пырысь-пыр жö бергöдчыв да гырничьяссö кöть вай!
Муніс Иван сотчöм мыръяс дінö, öктіс гырничьяссö, каш-
никъяссö, пыдöсьяссö налысь жугліс, сэсся пысаліс ставсö ма-
йöг йылö да гортас мöдöдчис.

Гортö воöм мысти вокъяс поводнöя сійöс пöвсалісны,
сэсся праздник кежлö асьныс мунісны карö ньöбасьны, а
Иванöс горт овны колісны.

Пукалö Иван паччöрын да кывзö, кызди лагунъясын сур
овмöдчö да дзизгö.

— Сурö, сурö, дугды, эн дзизгы, менö эн дöзмöд!

Сур оз кывзы Иванлысь: пыр дзизгö. Скөрмис Иван да
став сур дозъяссö путкыляліс, быдсөн джоджыс сурөн ойдіс,
а ачыс сөліс сур вийöдан ворйö да вокъяс челядькöд мöдіс
пыжын моз гуляйтны. Воисны вокъяс, бара поводнöякодь
сійöс видісны да нöйтісны.

Вот коркö вокъяс гöститны мöдöдчисны, а Иванöс гор-
тын овны кольöны. Вокъяс муниганыс шуоны:

— Тэ, Иван, ми ветлігкості ыж кучикъястö посйив све-
зьö косьтыны öшлы, челядьöс ывлаö пальöдчыны петкöдлы,
ми воигкежлö öти ыж начкы да пу.

Иван шуö:

— Кутшöм ыж нö начка? Ме öд ог куж бöрйынысö.

— Мыйкö он куж! Карта вылö лэччан да кутшöм ыж тэ
вылö видзöдлас, сійöс и начкы.

Иван-дурак вокъясыслысь тшöктöмсö ставсö сорлаліс да
гудраліс: первой ывлаö ыж куясöс пальöдчыны петкöдліс, сэс-
ся вокъясыслысь челядьсö посйив свезьяс вылö öшлис, а мед-
бöрын карта вылö лэччис. Öдзöсöд юрсö суйис да шуис.
„Öсьт, öсьт!“ Видзöдö: кутшöм ыж сы вылö медпервой ви-
дзöдлас. А ыжъяс стадаөн сы дінö котöртісны да видзöдöны.
Став ыжсö и начкис Иван.

Воисны вокъяс гöститанінысь да юалöны:

— Кöні нö, дурак, ыж кучикъясыд?

— Ме найöс пальöдчыны ывлаö петкöді.

— Кöні нö, дурак, челядьыд?

— Асьныд тшөктінныд, да ме найос посьыв свезьо кось-
тыны ошли.

— А көні нө, дурак, ыжъясыд?

— Асьныд шуинныд, кутшөм ыж пө мелань бергөдчас да
видзөдлас, сійос и начкы. Ме карта вылө лэччи, да ставныс
ме вылө видзөдоны, ме ставнысө и начкалі.

Вокъяс вывті нин ёна скөрмисны. Кватитісны Иван-ду-
ракөс, вурисны куль мешөкө да нуисны сійос юкмөсө вөйт-
ны. Сэсса куль мешөксө берег дорө колисны, а асьныс юк-
мөс видлыны ю вылө лэччисны. Бурэтш сійө кадас берег пө-
лөн вөлі гөнитө тройкаа купеч.

Иван-дурак мөдіс горзыны:

— Ой, менө мырдысьөн царө пуктөны, а ме царавны ог
куж! Ой, ог пуксы!

Кыліс купеч да сылы нимкодь лои:

— Царө кө пуктөны, кыдзи нө он пуксы. Пет куль
мешөксөс, тэ пыдди ме сэтчө пыра. Мед менө царө пук-
тасны.

Пырис Иван пыдди купечыд куль мешөкө. Иван сійос
зэв топыда көрталіс, ачыс пуксис купеч тройкаа вөлө да гор-
тас гөнитіс. Кык вокыд локтісны да кыскисны морт тыра
мешөктө ю вылө да юкмөсө брунгисны. Мөдөдчисны вокъяс
гортө, а налы паныд тройкаа вөлөн локтө Иван-дурак, вокъ-
яс водзын ошйысьө:

— Со өд кутшөм мича вөвъясөс најөвиті. Сэтчө татшөм
вөвъясыд уна на коли.

Вокъяслөн збыльысь вежныс петіс. Найө кевмысьөны
Иванлы:

— Вай регыдджык вур мянөс куль мешөкө да юкмөсө
лэдз!

Вурис Иван вокъяссө куль мешөкө да юкмөсө быгльөд-
ліс. Сэсса муніс гортас вокъяслысь сур юны да найос казь-
тывны.



НЁРЫМӨ-ДЯДЬӨ

Оліс-выліс Нёрымө-дядьө. Коркө сійө нинкөм кыис да мөдөдчис базарө вузавны. Туй вылас пемдіс да өти тьөтка ордө узыны вөзйысис.

— Кытчө нө,— шуө Нёрымө,— ме ассым нинкөмөс пукта?

— Пукты,— шуө,— нинкөмтө чипан поз дінас. Нинөм сылы оз ло.

Войнас, кор тьөтка чорыда унмовсяс, Нёрымө-дядьө чеч-чыліс, торпыригөдз косявліс ассыс нинкөмсө, пуктіс бөр чипан поз дінө, а ачыс бөр водіс узыны. Асывнас, кор ад-дзисны, мый чипанъяс нинкөмсө косявлөмаөсь, Нёрымө пон-діс грөзитчыны көзйяка вылө:

Өксы пины норася,
Баяр пины песөда,
Сө шайт вылө бедуйта,
Медбур чипантө ог босьт.

— Босьт,— шуө көзйяка,— медбур чипанөс, но норась-ны эн мун.

Босьтіс Нёрымө тьөткалысь чипан да мөдөдчис водзө, а вой улө бара өти тьөтка ордө узыны вөзйысис.

— Кытчө нө,— юалө Нёрымө,— вой кежас ме ассым чипанөс местита?

— Местит,— шуө,— сійөс менам ыжъяс дінө.

Войнас, кор тьөтка чорыда унмовсис, Нёрымө ачыс виис ассыс чипансө, а асывнас бара грөзитчө көзйяка вылө:

Өксы пины норася,
Баяр пины песөда,
Сө шайт вылө бедуйта,
Медбур ыжтө ог босьт!

— Босьт,— шуө көзйяка,— медбур ыжжөс, но норасьны эн мун.

Босьтис Нёрымё тьёткалысь ыжсё да мёдодчис водзё, а вой улё бара оти тьётка ордё узьны вёзйысис.

— Кытчё нё,—юалё Нёрымё,—вой кежас ме ассыым ыжжос местита?

— Местит,— шуё,— менам мосьяс динё.

Войнас, кор кёзьяка чорыда унмовсис, Нёрымё лэччыліс карта вылё, виис ассыыс ыжсё, а асывнас бара грёзитчё кёзьяка вылё:

Оксы пины норася,
Баяр пины песёда,
Сё шайт вылё бедуйта,
Медбур мөстё ог босьт!

— Босьт,— шуё тьётка,— медбур мөскөс, но норасыны эн мун.

Босьтис Нёрымё тьёткалысь мөс да мёдодчис водзё, а воюлас бара вёзйысис оти керкаё узьны.

— Кытчё нё,— шуё,— вой кежлас ме ассыым мөскөс местита?

— Местит,— шуё кёзьяин,— менам конюшняё.

Сэсса войнас Нёрымё чеччыліс, ачыс начкис ассыыс мөс-сё, а асывнас грёзитчё кёзьяин вылё:

Оксы пины норася,
Баяр пины песёда,
Сё шайт вылё бедуйта,
Медбур вөвтё ог босьт!

— Босьт,— шуё кёзьяин,— медбур вөлөс, но норасыны эн мун.

Босьтис Нёрымё кёзьяинлысь вөвсё, доддяліс и мёдодчис гортас. Мунё и туй вылас нимкодпырысь сьылё:

Нинкөм вежи чипан вылё,
Чипан вежи баля вылё,
Баля вежи тпрутьё вылё,
Тпрутьё вежи чибё вылё!

Сэки сылы паныдасис ош да и шуо:

— Лосьыда сьылан, Нёрымё-дядьё. Он-ё босьт менё седок пыдди?

— Пуксьы.

Мунісны-мунісны, и налы паныдасисны кёин да руч. Найё сідз жё седок пыдди вёзйысьёны. Босьтіс и найёс Нёрымё. Седокъяс пукалёны доддын, а Нёрымё ямщичайтё да долыда сьылё:

Нинкём вежи чипан вылё,

Чипан вежи баля вылё,

Баля вежи тпрутьё вылё,

Тпрутьё вежи чибё вылё!

Друг Нёрымёлён додъсьыс и заветкиыс ори. Мый керны? Чер ни пурт абу — колё матыс сиктё черла котёртлыны.

— Ме ог мун черла,— шуё ош,— ме вылё сиктын став мужикъясыс и мосьясыс лёгалёны.

— Ме ог мун черла,— шуё кёин,— ме вылё сиктын став мужикъясыс и ыжъясыс лёгалёны.

— И ме ог мун черла,— шуё руч,— ме вылё сиктын став нывбабаясыс и чипанъясыс лёгалёны.

Колис Нёрымё ошкёс, кёинёс да ручёс додь дінё, а ачыс котёртіс сиктё черла. Нёрымё ветлігкості ош, кёин да руч начкисны сылысь вёвсё, став яйсё сёйисны, а сёсся кучик пытшкас идзас сөвтисны, гөгөрбок вурисны да додь вож костё бөр сійёс сувтёдісны, а асьныс вөрё пышйисны. Локтіс Нёрымё, лосьёдіс заветки, сёсся кутіс вёлёс вётлыны, а вёлыс оз мун. Отчюд кучкис, мёдыс кучкис, коймёдыс кучкис и вёлыс бок вылас пёри. Вёлисти Нёрымё гөгөрвоис, мый седокъяс сійёс бёбмёдёмась. Шогсис-шогсис и сідз нинём абуён гортас муніс.



ВОЛШЕБНОЙ МОЙДЪЯС

ЁМА ДА КЫК ЧОЙ

Олісны-вылісны гозъя. Налён вёлі отка ныв. Коркё готырыс кувсис да мужик выльысь готрасис. Виль готырлөн вёлі сэтшом жё верстыё ныв. Тьоткаыд пондіс ассьыс нывсё радейтны, а тьотпом нывсё быдног кедзвотны да дзескёдны.

Отчыд ыстіс тьотыс тьотпом нывсё ю вылө шорт төб пожъявны. Пондіс нылыд шорт төб пожъявны, а төбйыд уси да вёйи ва пыдөсас. Шогсис, шогсис тьотпом ныв — оз төд мый вёчны. Локтіс медбёрын да висьталіс тьотыслы ставсё, кызди вёлі.

— Кызд гажыд, — шуё тьотыс, — а шорт төб мед вёлі судзөдөма.

Локтіс ныв бара ю дінө, чеччыштіс ваас и друг воис мича луг вылө. Муніс, муніс да вөв чукөркөд паныдасис. Локтіс сійө вөвъяс дінө, тапкөдіс да сыналіс найөс. А вөвъяс и шуоны сылы:

— Мунан да воан Ёма ордө. Сійө тшөктас тэныд мед-

водз пывсян ломтыны да челядьяссö пывсьöдны, а сэсса ваяс тэныд гöрд да лöз ящик, тэ босьт гöрд ящиксö.

Муніс, муніс да мöс чукöркöд паныдасис. Тапкöдіс да лапкöдіс мöсьясöс, а мöсьяс сылы шуöны:

— Кор Ёма тэныд ваяс гöрд да лöз ящик, тэ гöрд ящиксö босьт.

Вот воис коркö Ёмалөн керкаыс. Пырис сэтчö нывка, а Ёма сылы шуö:

— Менам, тыдалö, виль строшнича локтöма. Мун пырысьпыр пывсян ломты. Пес поткöдлыны пондан, медым ни öти шы оз кывлы, пач ломтыны пондан, медым би ни тшын эз тыдовтчыв.

Ломтіс нылыд пывсянсö дзик сідзи, кызди сылы тшöктісны, а Ёма сылы вайис... пож тыр лягушаясöс, быдсикас гагъясöс да шуö:

— Пывсьöд да мысьсьöд менсьым пиянöс.

Пывсьöдіс да мысьсьöдіс нылыд Ёмалысь став челядьсö да кайис пывсянысь. Ёма и юалö пияныслысь:

— Но, кутшöма тіянöс пывсьöдіс да мысьсьöдіс менам виль строшничай?

— Зэв бура пывсьöдіс да мысьсьöдіс.

Ёма сэк вайис гöрд да лöз ящикъяс да и шуö нывлы:

— Бөрйы кодсöкö да мун гортад, а сэні веж луг вылас восьт и сэсса асьыд шöрт тöбтö аддзан.

Босьтіс нылыд Ёма ордысь гöрд ящик да мөдöдчис гортас. Коркö воис горт весьтас, кыпöдчис да веж луг вылын восьтіс ящиксö. Ящикысь петіс зэв мича керка. Пырис керкаас, а сэні сылөн вошлөм шöрт тöбйыс и зэв уна мукöд эмбур.

Кор нылыс ставсö тайöс висьталіс батыслы да тьöтыслы, тьöтыс пузис завидьысла. Мөд луннас тьöt ыстіс асьыс рöднöй нывсö шöрт тöб пожъявны ю дінö. Сійö локтіс ю дінö, нарoшнö чөвтіс тöбсö ю пыдöсö и котöртіс мамыс дінö жалуйтчыны.

— Тэ,— шуö,— дона нылöй, сун шöрт тöб бөрсяд.

Суніс нылыд шöрт тöб бөрся и воис мича луг вылö.

Муніс, муніс да вөв чукөр паньдасис. Сійö дубитіс да лупитіс вөвъясөс и быд лёк кывнас пиняліс. Вөвъяс сылы и шуöны:

— Тэ воан Ёма ордö. Ваяс сійö тэныд гөрд да лөз ящик, а тэ лөз ящиксö босът.

Муніс, муніс да мөс чукөркөд паньдасис. Сійö дубитіс да лупитіс мөсъясөс, быд лёк кывнас видіс. Мөсъяс сылы шуöны:

— Тэ воан Ёма ордö, ваяс сійö тэныд гөрд да лөз ящик, а тэ лөз ящиксö босът.

Воис медбöрын Ёмалөн керка. Пырис сэтчö нылыд, а Ёма сылы и шуö:

— Ме ордö, тыдалö, выль строшница воöма.

И тшöктіс сылы Ёма пывсян пес поткөдлыны, мед зык ни шум эз вөв, пывсян ломтыны, медым би ни тшын эз вөв. И пондіс сійö пес поткөдлыны — гөгөр грима-йиркакылö, пывсян ломтіс—гөгөр тшын да би. Вайис сэк Ёма пожтыр лягушаясөс да быдсикас гагъясөс и шуö нывлы:

— Пывсьöд да мыссьöд менсьым пиянөс, но сöмын бурджыка!

А нылыд швачöдіс да клопöдіс, видіс да пиняліс Ёмалысь пиянсö.

— Но кызди тіянөс выль строшница менам пывсьöдіс да мыссьöдіс? — юалö челядьыслысь Ёма.

— Ой, и нөйтіс сійö! Ой, и видчис сійö! — жалуйтчöны Ёмалөн челядьыс.

Сэки Ёма вайис кык ящик да шуö нывлы:

— Бөрйы кык ящикысь öтиксö и мун сэсса гортад.

Нылыд босътіс лөз ящиксö и мөдөдчис гортас. Кор воис асланыс керка весьтö, кыпөдчис ваысь да муніс мамыс дінö. Вот эня-ныла востісны ящик вевтсö, а сэтысь кызди тай ыпнитіс би: мамөс и нылөс пöймөдз сотіс.



ВЕСЬТ КУЗЯ СТАРИК ✓

Олісны-вылісны старик гозъя. Налён вёлі кык ныв: օти-чыс рօднօй, а мօдыс тьօтпом ныв. Старука эз радейт тьօт-пом нылօс и быдног зіліс сыысь мынтօдчыны.

— Катօд ассьыд нывтօ вօрօ,— шуօ стариклы,—и энօвт сэтчօ!

Стариклы эськօ жаль, но вօчны нинօм. Босьтис сійօ ассьыс нывсօ, ськօд тшօтш каньօс, петукօс да шырօс, катօдіс вօр керкаօ да и энօвтис.

Ныв коли вօр керкаօ, чышкысис, мыськасис. Сэссия пач ломтис, пусис, пօжасис, вердіс каньօс, петукօс да шырօс и пондіс виччысьны батьсօ:

— Батьօ, батьօ, лок, лок! Пօсь нянь пօжассис, сёян-юан пусис.

— Локта, нылօ, локта!—шыасис сэк օдзօс сайсянь гօ-лօс.— Ачым весьт кузя, тошкօй корօсь кодь, нопійօй пывсян кодь!

Пырис керкаօ весьт кузя старик да и шуօ:

— Кытчօ нօ ме ассьым нопійօс ректа?

— Гօбօчօ ректы.

Вот пуксисны сёйны пызан сайօ. Нылыд вердіс весьт кузя старикօс, ещօ вердыштис каньօс, петукօс да шырօс да и узыны водны мօдісны лօсьօдчыны. Ныв водіс паччօрօ, а весьт кузя дядьօ—пօлатьօ. Войнас котօртис шыр да шуօ:

— Сьօлышт аслад местаօ да օдійօджык вешійы мօд мес-таօ. А он кօ вешійы, весьт кузя старикыд тэнօ сёяс.

Ныв сьօлыштис аслас местаօ да ачыс дзевсис пач костօ. А весьт кузя старик чеччис войнас да пондіс корсьны нылօс. Корсис, корсис да кань вылօ веськалі. Каньыд тай кыз тшап-нитис сылысь кисօ. Весьт кузя старик чепօсьяс каньысь да друг петук вылօ зурасяс. Петукыд тай кыз горօдас:

— Ки-ки-рек-ку!

Старикыд повзис да и пышійс. Мօд лун асывнас нылыд видзօдлас гօбօчас, а сәні—тырыс деньга. Сэссия локтис ныв-лօн батьыс, сօвтис доддьօ деньгасօ да нывсօ лэччօдіс гортас.

Старука завидысла муртса оз пот. Сійö тэрмөдлө старикöс:

— Мун, пырысь-пыр жö катöд вөр керкаö менсьым нылöс. Менам ныв сэсь кык додь деньга ваяс.

Катöдiс старик мöд нывсö вөр керкаö. Сыкöд тшöтш бара жö катöдiс петукöс, каньöс да шырöс. Нылыд некодöс эз понды виччысьны, пусис, пöжасис, ачыс сейис, а петуклы, каньлы да шырлы крöшкитор эз сетлы.

Войнас бара локтiс весът кузя старик. Ныв сийöс эз верд, эз юктав — пызан сайö эз пуксьöдлы. Водiсны узыны: нылыд — паччөрö, а весът кузя старик — пöлатьö. Войнас весът кузя дядьö локтiс ныв дiнö, сейис сийöс ставнас, а лы торьяссö тэчис чукөрөн öшинь вылас да мунiс.

Мöд лун асывнас локтiс батыс нылысла, сöвтiс сылысьлы чукöрсö да мöдöдчис гортö. Стариклысь локтöмсö ылысьянь на адзис понйис налөн да пондiс тявксыны:

— Тяв, тяв! Старик старукалы додь тыр лы вайö!

Старука скöрмис пон вылö да пондiс сийöс ойкöдны беддьөн:

— Йöй пон, тэ, йöй пон! Тэд öд колö шуавны: старукалөн дона нылыс локтö, додь тыр приданной вайö!

Видзöдлiс старука доддьö и збыльысь адзис сэсь аслас дона нылыслысь сöмын лы чукöрсö.

НЕБЫЛИЧА

Олiсны-вылiсны гозъя. Налөн вöли куим пи: Педөр, Василей да Иван. Отчыл батыныс ыстiс вокъясöс вөрö кыйсьыны. Кайисны вокъяс вөрö, а истöгсö босьтны вунöдöмаöсь. Мый вöчны? Педөр сэк шуö Иванлы:

— Кайлы мун пу йылö да видзöдлы, көнкö тшын ли биз оз-ö тыдав?

Кайис Иван пу йылö да адзö: көнкö ылын-ылын биз югъялö да тшын тшынасьö. Биз корсьны первой мунiс Педөр. Ма-

тысмис сійӧ бипур дінӧ да аддзӧ: би дорын ыджыд тошка скӧр старик пукалӧ.

— Дедӧ, дедӧ, вай мем битӧ!

— Небылича кӧ висьталан, сета.

— Ог куж и ог висьтав.

Старик уськӧдчис Педӧр вылӧ, дубитіс да дубитіс. Педӧр сэсса ӧдва и ловйӧн мыніс.

Сэк муніс би корсьны шӧркост вок, Василей. Матысмис сійӧ бипур дінӧ да аддзӧ: би дорын ыджыд тошка скӧр старик пукалӧ.

— Дедӧ, дедӧ, вай мем битӧ!

— Небылича кӧ висьталан, сета.

— Ог куж и ог висьтав.

Старик уськӧдчис Василей вылӧ, дубитіс да дубитіс. Василей ӧдва-ӧдва и ловйӧн мыніс.

Вот мӧдӧдчис би корсьны медічӧт вок — Иван. Локтіс сійӧ бипур дінӧ да аддзӧ: ыджыд тошка скӧр старик сэн пукалӧ.

— Дедӧ, дедӧ, вай мем битӧ!

— Небылича кӧ висьталан, сета, а он кӧ висьтав — мышку кучиктӧ куля.

— Висьтала, — шуӧ Иван, — но сӧмын помӧдз кывзыны да не торкавны.

И пондіс Иван небылича висьтавны:

— Пуи ме ӧтчыл чужва. Чужва тшаныд пӧри да пондіс ӧйдӧдны мянлысь керканымӧс. Сэк локтіс вӧв да юис став чужвасӧ и потіс. Вӧчи ме кызд пуысь асык, асыкалі кынӧм весьттійс и ставыс лои лючки. Асык вӧчигас пу йывсӧ вунӧдсьӧма менам керыштнысӧ да кызд пуыл быдмыны пондіс. Быдмис да быдмис — енӧжӧдз быдмис. Кавшаси ме кызд пу кузя енӧжӧ, а сәні гутъяс вылӧ ӧшъясӧс вежлалӧны. Лӧччылі муӧ, куталі зӧв уна гутъяс да вежлалі сәні ӧшъяс вылӧ. Кӧсья нин вӧлі бӧр гортӧ лӧччыны, а вӧлӧй менам пунас и быдсӧн кытчӧкӧ мунӧма. Мый жӧ мем керны? Начкалі ме став ӧшъясӧс, кучиксьыс ременьяс шӧралі да вурлі и зӧв кузь ремень артмис. Понді ме тайӧ ремень кузяыс муӧ

лэччыны. Лэччи да лэччи, и ременьёй менам помасис, а муёдз век на ылын. Гыжйышти ме мышкуёс и сэсь пытш сюри. Кули ме сылысь кучиксё, ременьясё шёралі и понді лэччыны и бара на муёдз эг во.

Аддза сэк: мужик аслас гумла вылын ид төлөдө. Куталі да куталі ме төлөдөм йикисё, кьи сэсь гез и водзё мөді лэччыны. Но йики гезйид, вөлөмкө, омоль — ори, да ме лэбовті муё и нюр шөрө шнёпкыси. Мый меным керны? Пукала нюр шёрын — сөмын юрөй тыдалө. Сэки локтіс кыськө тури да ме юр вылө аслыс поз лёсьөдчө вөчны. Ме кватиті туриёс кокөдыс, чайті мый тури кыпөдас менө нюрысь. Турийд нетшыштчис да орөдчис, сөмын кок пөлыс коли менам киё. Мый сэсся вөчны? Буретш сэк вөлі нюр вывті ыджыд тошка старик мунө. Старикыс сійө вөлі тэ. Ме кватиті тэнө тошкөдыд, и тэ кыскин менө нюрысь.

— Пөрьясян, — горөдіс старик, — ме тэнө нюрысь эг кыс-кыв, тайө абу збыль!

— Вот именнө, — шуё Иван, — тайө абу збыль, а небы-лица! А өні вай меным битө!

Сетіс скөр старик Иванлы би и лэдзис сійөс гортас.



ИЗКИ √

Важөн олісны-вылісны гозъя, налөн вөлі кык челядь: ныв да пи. Коркө пөрысь гозъя куліны да чоя-вока өтнаныс колины. Вот чоя-вокалөн и няньныс быри. Корсисны да шобсисны и нинөм керка пытшкысь сёйны эз аддзыны, сөмын өти анькытш тусь гөбөчысь аддзисны. Тайө анькытш тусьсө найө шөри юкисны и көсйисны сёйны, но вокыслөн анькытш джынйыс уси гөбөч муас да и воши. Вөчны нинөм: лои сідз тшыгйөн водны.

Асывнас чеччисны да аддзёны: гөбөчө усьөм анькытш джынйыд пөтөлөкөдзыс быдмөма. Сідз коли ещө өти сутки, и анькытшыд тайө каднас сэтшөма быдмөма, мый сылөн

весиг йылыс оз тыдав. Чойыс виччысис, кор вокыс унмов-сяс, да и мөдіс кавшасыны аныкытш идзөд вывлань.

Каттыысис да каттыысис, каттыысис да каттыысис, кор-кө и ичөтик керка воис. Пырис керкаас, а сәні лёк көлдун шобді изө. Шобдыс абу, а изкиыс ачыс тусьтөг шобді пызь вөчө.

„Вот эськө татшөм изкиыс кө миян вөлі, ми эськө чоя-вока некор эг тшыгъялөй“, — думыштіс нывка да пондіс сёйны изөм шобді пызь. А синтөм старикид пыр изө и изө — немтор оз казав. Нывка пөттөдзыс сёйис шобді пызьтө да во-кыслы тшөтш неуна лэччөдыштіс.

Кор вокыслы ставсө тайёс висьталіс, вокыс пондіс вёз-йысыны изысь старик ордө тшөтш кайлыны пызь сёйны.

— Тэ, — шуө, — серөктан сәні и старикид кылас да став-делёыс миян торксяс.

— Ог серөкты, — шуө вокыс.

Вот чоя-вока кайисны кыкөн изысь старик ордө да пон-дісны шобді пызь сёйны. Детинкаыд пыксис-пыксис, сәсся эз вермы терпитнысө да гораа серөктіс. Синтөм старик кыліс, мый керкаын эмось кодъяскө бокөвөйяс да пондіс на бөрся вөтлысыны. Кор старик чеччис изки дінысь, детинкаыд ква-титіс изкисө да пышйөдіс, а чойыс сы бөрся, и лэччисны гортаныс. Изкитө вайөм бөрын чоя-вока зэв лөсыда кутіс-ны овны.

Но вот коркө кывсис царлы, мый сылөн царствоын өти чоя-вокалөн сэтшөм изки эм, коді ачыс шобді пызь изө. Царь ыстіс изкила, но чоя-вока эз сетны. Царь скөрмис да тшөктіс мырдөн босьтны налысь изкисө.

Чоя-вока пондісны шогсыны да бөрдны, кыззи жө өні пондасны найө изкитөгыс овны. Вот локтіс на дінө петук да и шуө:

— Мыйысь нө ті, чоя-вока, бөрданныд, ог-ө ме тиянлы вермы отсавны?

— Кыззи нө тэ, петукөй, отсалан? Вөлі миян изки-вер-дысь да сійёс царь пышйөдіс.

— Локтö мунамöй мекöд,— шуö петук,— ме судзöда бөр тiянлы изкитö.

Мöдöдчисны туйö куимöн: петук муно водзын, а чоя-вока — сы бöрысь. Налы паныдасис кöин.

— Кытчö, петук-вокö, мунан?

— Изки корсьны муна,— шуö петук.

— Босьт тшöтш менö.

— Пыр ме пытшкö,— шуис петук и ньылыштiс кöинöс.

Мунöны водзö, а налы паныд локтö ош.

— Кытчö, петук-вокö, мунан?

— Изки корсьны муна,— шуö петук.

— Босьт тшöтш менö.

— Пыр ме пытшкö,— шуö петук и ньылыштiс ошкöс.

Мунiсны, мунiсны да ю дiнö воисны. Кытi вулжны: пыж ни пос некöн абу? Петук сэн дыр эз понды думайтны: бось-тис да став васö юсьыс и юис.

Вот коркö воисны царь оланiнöдз. Петук лэбзис стын вылас да горöдiс гөлöс тырнас:

— Ки-и-ки-рик-ку-у! Вай, колöкö, царь, изкитö, а то бур оз ло!

Царь кылис да пондiс шензьыны: „Кодi нин татшöм смелыс локтöма“— и тшöктiс петукöс кутны да картаö мöсьяс дiнö йöртны, мед сiйöс мöсьяс люкаласны да таяласны. Картаö йöртöм бöрын петукöс горзьöдiс да лэдзис кынöм пытшкöссьыс кöинöс и тшöктiс сылы став мöсьяссö начкавны.

Царскöй слугаяс асывнас доложитiсны царлы, мый картаын став мöскыс начкöма, а петук öтнас дзоньвидза.

Царь тшöктiс петукöс йöртны вöвъяс дiнö, мед вöвъяс кувтöдзыс чужъяласны да косявласны.

Конюшняö йöртöм бöрын петукöс бара горзьöдiс да лэдзис кынöм пытшкöссьыс ошкöс и тшöктiс сылы конюшняысь став вöвсö косявлыны.

Асывнас слугаяс бара доложитiсны царлы, мый став вöлыс конюшняын косявлöма, а сöмын öтнас сэн петук дзонь-видза.

Царь зэв ёна скöрмис, тшöктiс ыджыд би вöчны да шы-

битны петукӧс биас. Вот ӧзтисны дзонь керка, лои зэв ыджыд би, шыбитисны сэтчӧ петукӧс би пытшкас. А петук кынӧм пытшкӧссъыс лэдзис став васӧ, кодӧс босьтліс локтігас и — биыд сразу кусі. Петук жбыр лэбзис стын йылӧ да гӧлӧс тырнас горӧдіс:

— Ки-и-ки-и-рик-ку-у! Вай, колӧкӧ, царь, изкитӧ, а то бур оз ло!

Царь повзис, медбӧрын, да шуӧ:

— Мый жӧ нин такӧд кутан вӧчны, некутшӧм сила талы оз мӧрччы, шыбитӧй сылы изкисӧ да гашкӧ миритчас.

Слугаяс шыбитисны ӧшинь улӧ изки. А петуклы тайӧ вӧлі и колӧ. Сійӧ тшӧктіс кӧинлы да ошлы босьтны изкисӧ и вайисны сійӧс чоя-вока дінӧ да сетисны налы воштылӧм изкисӧ.



ОШ ДА КУИМ ЧОЙ

Важӧн олісны-вылісны старик гозъя. Налӧн вӧлі куим ныв — куим невеста. Вот коркӧ мамыс кутіс пӧжасьны да град йӧрӧ ыстис ыджыд нывсӧ капуста кор нетшкыны.

Петіс ныв град йӧрӧ да аддзис: град бӧрӧздаті шӧвк тупыль тупыльтчӧ. Ныв кӧсйис кватитны тупыльсӧ, а тупыль-ыд водзӧ и водзӧ, потшӧс костӧд чеччыштис да туй вывті мӧдіс быгыльтчыны. Ныв котӧртис да котӧртис тупыль бӧрся и друг сылы ош паныдасис.

— Пуксьы,— шуӧ,— ме мышку вылӧ, он кӧ пуксьы, ме тӧнӧ сӧя.

Пуксис ныв ошлы мышку вылас, а ош нуис сійӧс вӧр керкаӧ аслыс гӧтыр вылӧ.

Ыстис мамыс шӧркост нывсӧ капуста кор нетшкыны да ыджыд чойсӧ корсьны. Петіс шӧркост ныв град йӧрӧ и аддзӧ: град бӧрӧздаті шӧвк тупыль быгыльтчӧ. Сійӧ кӧсйис кватитны тупыльсӧ, а тупыль водзӧ и водзӧ, потшӧс костӧд чеччыштис да туй вывті мӧдіс быгыльтчыны. Ныв котӧртис да котӧртис тупыль бӧрся и друг сылы ош паныдасис.

— Пуксы, — шуо, — менам мышку выло, он ко пуксы, менам тэно сёя.

Пуксис шоркост ныв ошлы мышку вылас, а ош нуис сийос вөр керкао аслыс гөтыр выло.

Ыстис мамыс медичот нывсо град йорё капуста корнетшкыны да чойяссо корсыны. Петис ичот нылыс град йорё и аддзо: град бороздаті шовк тупыль тупыльтчо. Ныв косьис эсько кватитны сийос, но тупыль водзо и водзо, потшос костті чечыштіс да туй вывті модіс быгыльтчыны. Ныв котортіс да котортіс тупыль борся и друг сылы ош паныдасис.

— Пуксы, — шуо, — менам мышку выло, он ко пуксы, менам тэно сёя.

Пуксис ичот ныв ошлы мышку вылас, а ош нуис сийос вөр керкао аслыс гөтыр выло.

Олісны, олісны да корко чойяс и кутісны тшөктыны ошлы приданой сундукъяс вочны, приданой да гөснечьяс батьмамлы мододны. Вочис ош зэв ыджыд куим приданой сундук, куимнан чойыслы морт отикон. Чойяс совтісны сундукобдсикас колуй да сэтчо ыджыд чойнысо пуксьодісны да шуоны ошлы:

— Ну батьмамлы приданой да гөснеч тыра сундук, носомын туй вылын сундук не восьтыны. Ми керка вывсянь пондам видзодны тэ борся.

Ош нобйыштіс сундуксо мышку вылас да модіс котортодны старик гозья орло. А сундукыд вывті сьокыд.

— Мыйко тай зэв сьокыд, — шуо ош, — час видзодла, мый сэтчо сэтшом сьокыдсо совтёмаось.

Муртса на косьис сундуксо пуктыны муо, кыдзи друг кыліс голос:

Эн лысьт пуктыны,
Эн лысьт восьтыны,
Аддза ме, аддза,
Ылысь зэв аддза!

— Вот, — шуо, — кутшом ёсь синма менам гөтырөй. Эта ылнаысь и пыр на аддзо.

Вайис ош сундуксё старик гозъя оланінөдз, крапчөвтис кильчө выланис да горөдіс:

— Ыджыд нывсяньыд приданөй да гөснечьяс вайи!

Старик гозъя пыртисны сундуксё керкаө, восьтисны вевтсө, а сэні налөн медыджыд нылыс пукалө. Зэв рад лои старикъяслы, мый ыджыд нылыс налөн бөр воис.

Воис ош гортас, а шөркост чой сылы лолыштнысө оз сет:

— Пырысь-пыр жө ну менсьым приданөй сундуксө!

Вөчны нинөм, пондіс ош лөсьөдчыны туйө, медым мөд сундуксё старик гозъя ордө котөртөдны, а сэк кості шөркост чойыс пуксис сундук пыткас да пөдласис.

Ош нөбйыштис мышку вылас сундуксө да пондіс котөртөдны сійөс старик гозъя ордө. А сундукыс вывті сьөкыд.

— Мыйкө тай зэв сьөкыд,— шуө ош,— час жө видзөдла, мый сэтчө сэтшөм сьөкыдсө сөвтөмаөсь.

Муртса на көсийс сундуксө пуктыны муө, друг кыліс сундук пытшсянь гөлөс:

Эн лысьт пуктыны,

Эн лысьт восьтыны,

Аддза ме, аддза,

Ылысь зэв аддза!

— Вот,— шуө,— кутшөм ёсь синма менам гөтырөй. Эта ылнаысь и — пыр на аддзө!

Вайис ош сундуксё старик гозъя оланінөдз, крапчөвтис кильчө выланис да горөдіс:

— Шөркост нывсяньыд приданөй да гөснечьяс вайи!

Старик гозъя пыртисны сундуксё керкаө, восьтисны вевтсө, а сэні налөн шөркост нылыс пукалө. Зэв рад лои старикъяслы, мый мөд нылыс налөн бөр воис.

Воис ош гортас, а ичөт чой сылы лолыштнысө оз сет:

— Пырысь-пыр жө ну тшөтш и менсьым приданөй сундуксө!

Вөчны нинөм, пондіс ош лөсьөдчыны туйө, медым коймөд сундуксё старик гозъя ордө котөртөдны. Ош лөсьөдчигкості нылыс катөдіс керка вевт вылас куим гыр, пасьтөдіс найөс нывъяс паськөмөн да ошлы шуө:

— Ну менсьым приданой сундукос да туй вылад эн восьты сийос, пыткас эн видзодлы. Ми куимнан чойным керка вевт вывсянь пондам тэ борся видзодны.

Сэсса ичот чой ачыс пырис сундук пытшкө да топыда вевттыис.

Ош нобйыштіс мышку вылас сундуксө да пондіс котөртөдны сийос старик гозья ордө. А сундукыс вевті сьокыд.

— Мыйкө тай збыльсы зэв сьокыд,— шуө ош,— час жө видзодла, мый сэтчө сэтшөм сьокыдсө сөвтөмаось.

Муртса на көсийс пуктыны сундуксө муө, кызди друг кыліс сундук пытшсянь гөлөс:

Эн лысьт пуктыны,
Эн лысьт восьтыны,
Аддза ме, аддза,
Ылысь зэв аддза!

— Вот,— шуө,— кутшөм ёсь синма менам гөтырөй. Эта ылнаысь и — пыр на аддзө!

Вайис ош сундуксө старик гозья оланінөдз, крапчөвтіс кильчө выланыс да горөдіс:

— Ичот нывсяньыд приданой да гөснечьяс вайи!

Старик гозья пыртисны сундуксө керкаө, восьтісны вевтсө, а сэні налөн ичот нылыс пукалө. Зэв рад лоис старикьяслы, мый коймөд нылыс налөн воис гортө.

Воис ош гортас да аддзө, мый куимнан чойыс вөччөмаось да пыр на сулалөны керка вевт вылын. Ош горзө налы:

— Лэччөй өдйөджык керка вывсыс да лөсьөдөй меным сөйны!

А найө сэні вочакыв оз сетны и лэччыны оз думайтны. Чуксасис, чуксасис ош да скөрмис бөрьявылыс: босьтіс кузь коколюка да пондіс гурйыны найөс. А пасьтөдөм гырьясыд тай кыз быгыльтчасны да швачкыясны ошлы юр вылас, сэсса сэтчө сийос и лямөдасны.

А куим чой гортаныс воисны да и өні, гашкө, олөны-вылөны батьмам орданыс.

СИНМӨН АДДЗЫТӨМ

Оліс-выліс өти салдат. Служитіс кызь вит во и лэдзисны сійөс гортас. Локтіс сійө гортас и аддзө: рөд ни вуж некод абу кольөма, ставныс кувсьөмаөсь сы ветлігкості. Пуксис салдат туй бокө да пондіс шогсьыны: кытчө жө мунны, кытчө воштысьны. Локтіс сэк сы дінө кутшөмкө пөрысь пөчө да шуө:

— Мый, служивөй, шогсян?

Висьталіс сылы салдат, мый сідз и сідз: некытчө мунны и некытчө воштысьны.

— Эн шогсьы,— шуө,— служивөй. Мун тэ Сьөд ю дінө да аддзан сэтысь ассьыд шудтө. Вот тэныд шөвк тупыль, тайө тупыльыс и нуөдас тэно Сьөд ю дінө.

Босьтіс служивөй старукалысь шөвк тупыль, аттөалис сійөс и мөдөдчис туйө. Тупыль быгыльтчө сы водзвылын, а служивөй вөтчө тупыль бөрся.

Мунісны да мунісны, мунісны да мунісны, коркө и Сьөд ю дінө воисны. Сэк шөвк тупыльыд дугдіс быгыльтчыны да сувтіс берегдорса ляк бадь пөвстө, и служивөй ляк бадь пөвстө жө пырис да пондіс виччысьны, мый водзө лоө. Пуксисны сэк берег дорө куим юсь, тумельгасисны да лоины куим мича ныв. Сэсся пөрчысисны куимнанныс да пырисны Сьөд юө купайтчыны. Салдат сэк гусяліс өти нывлысь паськөмсө да дзебис.

Вот купайтчыссис нывъяслөн, петісны берегө. Кык нылыс пасьтасисны, бара тумельгасисны да лоины юсьясөн и лэбисны, а коймөд нылыс коли берегө да пондіс шуавны:

— Коді гусяліс менсьым паськөмөс? Том морт кө — жөникөн лоас, шөр арлыда морт кө — дядьөн лоас, пөрысь морт кө — бать пыдди лоас!

— Ме том морт,— шыасис салдат.

— Шыбит, сідзкө, менсьым паськөмөс, сэк ме тэ дінө локта,— шуө нылыд.

Шыбитіс салдат нывлы паськөмсө. Пасьтасис сійө, локтіс салдат дінө да шуө:

— Мун ньоб, служивой, карысь керка, восьтав сийо керкасыс став ошиньяссө, ме пыра тэ динө ошиньодыд и сэк вөлисти лоа тэнад гөтырөн.

Салдат вөчис стөч сідз, кызд тшөктіс юсьыд: ньобис карысь керка, восьталіс став ошиньяссө. Сэк ошинь пыр лэбзис керкао юсь, тумельгасис и лои мича нылөн. Гөтрасисны найо и овмөдчисны зэв бура том гозъя.

Дыр-о, регыд колис кадыс, коркө кувсис царлөн гөтырыс. Царь коли дөвечөн да пондіс шогсьыны. Пукало өтчыл царь аслас ошинь дорын да шогсьө. Сэки вөлі буретш мунө сы ошинь увті коктөм манак да юалис сылысь:

— Мыйысь нө шогсян, царь-батюшко?

— Кызди нө он шогсьы! Менам салдатлы сюрөма мичаысь-мича гөтыр, а ме царь, да менам абу гөтыр!

— А тэ мырдды салдатыдлысь гөтырсө.

— Кызд нө ме сылысь мырддя?

— Босьт,— шуө,— служивойс да ысты Сьод ю выло, кытысь сийо аслыс гөтырсө судзөдіс. Сэні оло Гундыр. Медым ваяс служивойыд Гундырлысь сьөлөмсө. Төдөмысь, сэтысь служивойыд ловийөн бөр оз во.

Кывзис царь коктөм манаклысь совет да корис салдатос ас дінас.

— Вот,— шуө,— служивой, тэныд мясянь служба. Ветлы Сьод ю дорө, ви сэтысь Гундырөс, а сьөлөмсө вай меным лекарство пыдди. Вөчан—наградита, а он вөч—юртө керышта.

Шөгө воис салдат. Локтіс гортас да висьталө гөтырыслы, кутшөм служба сылы сетісны.

— Тайө,— шуө сылөн гөтырыс,— абу служба, а ворсөм, прамой службаыс лоө тэд водзын на.

Сэсса служивойлы гөтырыс сетіс шөвк тупыль, зарни чунькытш, стальной пурт да шуө:

— Шөвк тупыль тэно Гундыр оланінөдз нуодас. Тайө чунькытшсө чунькытшалан веськыд водз чуняд, кор Гундыркөд паныдасян. А тайө пуртнас Гундырлысь сьөлөмсө перьян.

Петіс салдат туйб. Шөвк тупыль быгылтчө сы водзвы-
лын — туй индалб, а служивой сы бөрся вөтчө.

Мыйон салдат муніс гортсыс, царь ыстис ассыс слу-
гаяссө, медым пышйодны гөтырсө служивойлысь. Но муртса
на воисны царской слугаяс служивой керка дінб, служивой-
лөн гөтырыс шыбитіс өшинь пырыс юсь кольк, и став кер-
каыс ортсысяныс лои дорөма весьт кызта көрт стенаон.
Царской слугаяс мырсисны, мырсисны служивой керка дорын,
но керка пытшкөсө веськавны эз вермыны. Сідзи и лои налы
мунны царь дінб куш кион.

А салдат муніс, муніс тупыль бөрся да воис коркө Гун-
дыр оланінөдз. Петіс сылы воча Гундыр да шуө:

— Ас кокнад ваан, служивой, ассыд юртб. Тэ локтін
меным закуска вылө.

Уськөдчис Гундыр салдат вылө, а служивой кыскис сэки
зепсыс чунькытшсө гөтырыслысь, чунькытшаліс веськыд водз
чуняс — Гундыр пласнитчис муб да кулі. Служивой перйис
Гундырлысь сьөлөмсө стальной пургнас и мөдөдчис бөр гор-
тас. Воис гортас да сетіс царлы виом Гундырлысь сьөлөмсө.

Царь абу рад служивой воом вылө и Гундыр сьөлөм вылө.
Сійб бара пондіс шогсыны да думайтны, кызди эськө слу-
живойлысь мича гөтырсө мырддыны. Бара локтис царь дінб
коктөм манак да шуө сылы:

— Эм свет вылын куим страшной вок. Найб пыр вор-
сөны чугунной картіон. Ысты служивойбс тайб чугунной кар-
тисла. Сэтысь сійб ловйон бөр оз во.

Чукөстис царь бара служивойбс ас дінас.

— Вот, — шуө, — служивой, тэныд мясянь служба. Көнкө
свет вылын олбны куим вок-багатыр, пыр чугунной картіон
ворсөны. Вай меным налысь чугунной картисө. Вөчан — на-
града сета, а он вөч — юртб керышта.

Шөгб воис салдат. Локтис гортас да висьталб гөтырыслы,
кутшөм служба сылы сетисны. А гөтырыс сылы шуө:

— Тайб абу служба, а ворсөм, прамой службаыс тэд
лоб водзын на.

Сэсса служивойлы гөтырыс сетіс шөвк тупыль, шөвк кузьчышъян да шуо:

— Шөвк тупыль вайодас тэнө коланінөдз, а шөвк кузьчышъян пыр аслад сумкаын видз, кыскыв сійос сөмын сэк, кор дзикөдз пөгибө воан.

Отнасөн коли служивойлөн гөтырыс, и царь бара ыстис ассыс слугаяссө пышйөдны служивойлысь гөтырсө. Но сійө дорис ассыс керкасө кык весът кызта көртөн, и царской слугаяслы бара лои мунны куш киөн.

А салдат муніс да муніс шөвк тупыль бөрся, коркө и воис ичөтик керка дінө, а керкаыс петук чаль йылын бергалө. Пырис салдат керка пытшкөсө и аддзө: пукалө сәні сәтшөм мисьтөм нывбаба, пиньясыс весът кузя чурвидзөны сылөн. Сійө шуо салдатлы:

— Паньтыр вир, вомтыр яй меным воис! Вот өні ме тэнө и сөя!

А служивой сылы шуо:

— Первой верд да юктав туй мортөс, а сэсса вөлисти, колөкө, сөй.

Салдат пондіс мыссыны, а мисьтөм нывбаба сылы сөйны лөсьөдны пондіс. Мыссис салдат, а мисьтөм нывбаба сылы чышкысьны кузьчышъян вайө.

— Менам,— шуо салдат,— аслам гөтырлөн пуктөм шөвк кузьчышъян эм.

Кыскис салдат аслас сумкаысь шөвк кузьчышъянсө да пондіс чышкысьны. А нывбабаыд төдіс тайө кузьчышъянсө да шуо:

— Ок, тә, служивой! Мыйла нө тә водзджык эн висьтав? Тә тай вөлөмыд менам зять, ичөт чойлөн верөсыс.

Толькө удитис шуны тайө кывъяссө, и лои сійө мича нылөн, кутшөмөн сійос аддзыліс служивой Сьөд ю динын юсьяс купайтчигөн. Сэсса вердіс да юкталіс служивойос көзьяйка, быдногыс сійос гөститөдіс.

Мөдөдчис салдат сэсса водзө. Муніс да муніс, муніс да муніс да ичөтик керка дінө воис, керкаыс курөг чаль йылын бергалө. Пырис салдатыд керкаө, а сәні кык весът кузя пиньяса нывбаба пукалө да шуо:

— Паньтыр вир, вомтыр яй меным воис! Вот өні ме тэнө и сёя!

А салдат сылы шуө:

— Первой верд да юктав туй мортос, а сэсса вөлисти, колөкө, сёй.

Пондiс мисьтөм нывбаба сёян лөсьөдны, а салдат мыссян доз дiнө сувтiс. Мыссис салдат, а мисьтөм нывбаба сылы чышкысьны ассыс кузьчышъян вайө.

— Менам,— шуө салдат,— аслам гөтырлөн пуктөм шөвк кузьчышъян эм.

Кыкис салдат аслас сумкасьыс шөвк кузьчышъянсö да пондiс чышкысьны. А нывбабаыд тöдiс тайö кузьчышъянсö да шуө:

— Ок, тэ, служивöй! Мыйла нö тэ водзджык эн висьтав? Тэ тай вөлөмыд менам зятъ, ичöt чойлөн верөсыс.

И друг сiйö лои мича нылөн, кутшөмөн сiйöс адзылис салдат Сьод ю дорын юсьяс купайтчигөн. Сэсса вердiс да юкталис служивöйöс кöзяйка, быдногыс сiйöс гөститөдiс.

Сэсса мөдөдчис салдат водзö. Мунiс да мунiс, мунiс да мунiс, коркө и вөр керка дiнө воис. Пырис сэтчö, а сэнi куим багатыр-вокъяс пукалөны да чугуной картиөн ворсöны. Мыйөн адзисны салдатöс, куимнаныс уськөдчисны сы дiнө: öти — блюдиөн, мөд — пуртөн, коймөдыс — вилкаөн да шуöны:

— Паньтыр вир, вомтыр яй воис миянлы ас кокнас! Вот өні тэнө и сёям!

— Энлы,— шуө служивöй,— ме тiянысь некытчö ог пышйы! Вайлө меным часджын срок тiянкөд картиөн ворсыштны.

Пуксис служивöй картиөн ворсны куим воккөд да пырысь-пыр жö унмовсис сэтчö пызан саяс. Коли часджын и вокъяс чуксалöны сiйöс.

— Вайлө меным ещö вит минута срок тiянкөд картiа-сьыштны! А медым оз унмовссы, ме мыськышта юрöс да чужөмöс.

— Но,— шуө ыджыд вок,— ладнö! Сетам тэныд срок мыссыны да ещö вит минута картiасьны.

Мыссис салдат да пондiс чышкысьны аслас шөвк кузь-

чышъянõ, а куим вок сэк тõдисны тайõ кузьчышъянсõ да шуõны:

— Ок, тэ, служивõй! Мыйла нõ тэ водзджык эн висьтась миянлы? Тэ тай вõлõмыд миянлы зять, ичõt чойнымлõн верõсыс!

Вокъяс вердисны-юкталисны салдатõс, ёна гõститõдисны да пондисны юасыны, кутшõм могõн ветлõ служивõй татчõс местаясын. Салдат ставсõ висьталис, кызди да мый.

Вокъяс сылы и шуõны:

— Тэнад, служивõй, эм на кад аски асылõдз узыны-шойчыны тани. Аски пажун кад кежлõ тэ лоан гортад и верман сетны царлы чугуннõй карті.

Узис, бура шойчис салдат куим вок ордын. Мõд лун асывнас õти вокыс тумельгасис да пõри кутшõ, пуксьõдис служивõйõс аслас мыш вылõ и лэбõдис сійõс гортõдзыс пажун кад кежлõ.

Нуис салдат царлы чугуннõй карті колода, а царь абу рад служивõй воõм вылõ да чугуннõй карті вылõ. Сійõ скõралõ, мый и тайõ разын служивõй некытчõ эз пропадит. Пуксис царь аслас õшинь дорõ да пондис думайтны, кызди служивõйõс изведитны. А коктõм манак быттьõкõ сэни и вõлõма, сійõ юалõ царлысь:

— Мыйысь нин бара шогсян, царь-батюшко?

— Кызд нõ он шогсьы! Пыр на вот мездься салдатысь, а сылы некутшõм смерт абу!

— Ысты тэ служивõйõс Синмõн аддзытõмла. Сійõс, тõдõмысь, служивõйлы не корсьны.

Корис царь ас динас служивõйõс.

— Вот,— шуõ,— служивõй, тэныд мясянь служба. Кõнкõ свет вылын эм Синмõн аддзытõм. Корсь сійõс и вайõд ме ордõ служитны. Вайõдан — награда босьтан, он вайõд — юртõ керышта!

Шогõ воис салдат. Локтис гортас да висьталõ гõтырыслы, кутшõм служба сылы сетисны.

А гõtõрыс сылы шуõ:

— Тайõс вот и ме ог тõд. Мун тэ менам вокъяс динõ да

налысь юав. Сета ме тэныд туй вылад ещö бeдь, зуд да сир тыра чуман, кор ёна пöгибö воан, найö тэныд отсаласны.

Мöдöдчис салдат туйö. Мунö сийö воддза туйöдыс: гöтырыслөн чойяс ордö пыраліс да куим багатыр-вокъяс ордö воис. А куим вок сылы шуöны:

— Тайöс вот и ми ог тöдöй. Эстөн, ыджыд вөр пöвстас, олö öти старик. Сийö зэв мисьтöм, лёк, но, гашкö, мыйкö висьталас.

Муніс салдат вокъяс индöм серти, аддзис вöрысь керка да пырис сэтчö, а сэні сэтшöм страшнöй старик пукалö, мый видзöдлынытö полан. Старик шуö:

— Паньтыр вир, вомтыр яй воис меным! Вот öні ме тэно и сёя!

Кватитіс служивöйöс старик да веськыда пачö пондіс суйны жаритöм могысь.

А салдат сылы и шуö:

— Кыдзи нö тэ менö жаритны кöсьян туй мортöс. Лэдзлы первой менö мыссьыштны да вöлисти сэсся сёй. Ме тэысь öні некытчö нин ог мун.

Пондіс салдат мыссьыны, а старик сулалö сы бөр вылын кузьчышъянөн.

— Меным,— шуö салдат,— тэнад кузьчышъяныд оз ков. Менам эм аслам гöтырлөн пунктöм шöвк кузьчышъян.

Пондіс чышкысьны салдат аслас шöвк кузьчышъянö, а старик сылы и шуö:

— Ок тэ, служивöй! Мыйла нö тэ водэджык эн висьтась меным? Тэ тай вöлöмыд зять, менам ичöt нывлөн верöсы!

Сэсся вердіс да юкталіс служивöйöс да пондіс юасьны, кутшöм могъясөн ветлö сийö тайö местаясын. Салдат висьталіс ставсö, кыдзи да мый. А старик и шуö:

— Синмөн аддзытöм йывсьыд и ме некор эг кывлыв. Но, энлы, гашкö, тöдмалам!

Сийö жö войнас старик чукöстіс ас дінас став лэбачьяс-сö да юалö налысь:

— Синмөн аддзытöм йылысь эн кывлöй немтор, он тöдöй, кöні сийö?

— Эг кывлӧй, ог тӧдӧй,— шуӧны лэбачьяс.

Мӧд войнас старик чукӧстӧс ас дӧнас став зверьяссӧ да юалӧ налысь:

— Синмӧн аддзытӧм йылысь эн кывлӧй немтор, он тӧдӧй, кӧнӧ сӧйӧ?

— Эг кывлӧй, ог тӧдӧй,— шуӧны зверьяс.

Коймӧд войнас старик чукӧртӧс ас дӧнас став черияссӧ, лягушаяссӧ, дзодзувьяссӧ, став гут-гагсӧ, жук-жагсӧ да юалӧ налысь:

— Синмӧн аддзытӧм йылысь эн кывлӧй, он тӧдӧй кӧнӧ сӧйӧ?

— Эг кывлӧй, ог тӧдӧй,— вочавидзисны ставныс.

Друг кыськӧ воис сӧки кокпӧла пӧрысь лягуша да шуӧ стариклы:

— Ме тӧда, кытысь корсьны Синмӧн аддзытӧмӧс, сӧмын ме верма индыны сылысь оланӧнсӧ.

Вот босьтӧс салдат сьӧрсьыс лягушаӧс да мӧдӧдчисны корсьны Синмӧн аддзытӧмӧс. Мунӧсны да мунӧсны и воисны, медбӧрын, ӧти керка дӧнӧ. Лягуша и шуӧ салдатлы:

— Пыр мун тайӧ керкаас да дзедьсы шкап саяс и пондан видзӧдны гусьӧн, мый пондас керсьыны керка пытшкӧсын.

Пырис салдат керка пытшкӧсӧ, дзедьсис шкап саяс да виччесьӧ. Друг керкаӧ пырис чӧрт да зэв гораа шуис:

— Синмӧн аддзытӧм! Вай меным дас кык сулея вина да дас кык сулея сур!

Друг сӧки пызан вылын лои дас кык сулея вина да дас кык сулея сур. Чӧрт юис да юис и сэтчӧ ляс-уси места вылас да унмовсис. Петӧс сӧк шкап сайысь салдат да шуӧ:

— Синмӧн аддзытӧм, вай меным мыйкӧ сӧйыштны, юыштны да куритчыны!

И сӧйӧ здукас жӧ пызан вылын лоины сӧянъяс, юанторъяс да куритчан кӧлуй. Закуситыштӧс салдат да шуӧ:

— Он-ӧ лок, Синмӧн аддзытӧм, ме ордӧ служитны? Тырмас тӧд чӧртлы служитны!

— Локта,— шуӧ,— мездан кӧ менӧ чӧртлы служитӧмысь? Вот мӧдӧдчис салдат Синмӧн аддзытӧмкӧд чӧрт ордысь

пышйыны. Пышйисны да пышйисны, а чорт коркө садьмис да пондiс на бөрся вөтчыны. Кылис Синмөн аддзытөм чөртлысь вөтчөмсө да шуө салдатлы:

— Шыбит, служивөй, бөрвылад ассьыд бедьтө, а то чөртыд збыльысь миянөс суөдас!

Шыбитiс салдат ассьыс бедьсө и бөрвылас быдмис сөтшөм сук вөр, мый сәтi прөйдитны оз позь. Пондiсны пышйыны водзө. А чөртыд сәккостi чегьялис пуяс, писькөдiс аслыс туй да бара пондiс суөдны салдатөс. Синмөн аддзытөм и шуө:

— Шыбит, служивөй, бөрвылад ассьыд зудтө, а то чөртыд суөдас миянөс! Шыбитiс салдат ассьыс зудсө и бөрвылас быдмис зөв джуджыд из гөра. Пондiсны пышйыны водзө. А чөртыд сәк костi йирис да жуглис гөрәтө, аслыс туй писькөдiс и бара мөдiс суөдны салдатөс. Синмөн аддзытөм и шуө:

— Шыбит, служивөй, бөрвылад сир тыра чумантө, а то чөртыд суөдас миянөс!

Шыбитiс салдат аслас сумкаысь сир тыра чумансө и бөрвылас друг лои зөв паськыд сир ю. Воис чөрт сир ю дiнө, көсйылис жө эськө вуджны, но некыз вуджны эз вермы да бөр косiс. Салдат бөр воис аслас оланiнө, видзөдө: а сылысь керкасө ставсө жуглөма — гөтыр ни овмөс абу кольөма.

Пондiс юасьны салдат аслас суседьяслысь, кытчө вошис сылөн гөтырыс, кодi жуглис сылысь керкасө.

Суседьяс висьталiсны, мый царь жуглис сылысь керкасө, гөтырсө сылысь нуөдiс аслыс гөтыр вылө, талун буретш свадьба заводитчө.

— Дырджык менам ветлысьсөма, — шуө салдат, — срукысь дырджык гуляйтсөма. Лок жө, Синмөн аддзытөм, ветлам менам гөтыр свадьба вылө!

Мунiс салдат царь ордө, а царлөн слугаяс сiйөс матө оз сибөдны дворец дiнө: царлөн сiдз тшөктөма — не лэдзны салдатөс дворец пытшкө. Скөрмис салдат да шуө:

— Синмөн аддзытөм, кучкы өти часөвөйлы өти пель

бокас, а мѳдыслы — мѳдар пель бокас, но сѳмын мед оз ло кувтѳдзсы!

Кучкис Синмѳн аддзытѳм кыкнан часѳвѳйыслы ѳтчдысьѳн — найѳ турун мешѳкъяс моз тутисны ѳтарѳ-мѳдарѳ. Пырис салдат царскѳй дворец пытшкѳ, а сѳні буретш свадьба заводитчѳма: гѳтрасьѳ царыд служивѳй гѳтыр вылѳ. Аддзис царь салдатѳс да шуѳ сылы:

— Но, мый, служивѳй, вайѳдин Синмѳн аддзытѳмтѳ?

— Вайѳді.

— Кутшѳм служба сійѳ кужѳ вѳчны?

А салдат и шуѳ сылы:

— Менам Синмѳн аддзытѳмыд быдтор кужѳ вѳчны. Колѳкѳ петкѳдла, мыйяс кужѳ вѳчны?

— Петкѳдлы, — шуѳ царь.

— Эй, Синмѳн аддзытѳм! — шуѳ салдат, — кучкы ѳтчдысь пель бокас сылы, коді пышйѳдіс менсьым гѳтырѳс!

Синмѳн аддзытѳм кучкис ѳтчдысь пель бокас царлы. Царь уси сѳтчѳ места вылас да кулі.

Служивѳй бѳр босьтис ассъыс гѳтырсѳ и пондісны овны воддза дорсьыс бурджыка.



НЫВБАБАЯС ЦАРСТВОЫН

Кутшѳмкѳ царствоын важѳн царстуйтліс царь. Сылѳн вѳлі куим пи: ыджыдыс — Василей, шѳркостыс — Педѳр, а меличѳтыс — Иван. Олісны да вылісны и коркѳ царлѳн пондіс синмыс висъны да дзыкѳдз синтѳммис. Чукѳртис царь ассъыс сѳветникъяссѳ, медым тѳдмавны, оз-ѳ сюр кыськѳ сѳтшѳм морт, коді вермис эськѳ царлысь синсѳ бурдѳдны. Сѳветникъяс некутшѳм сѳвет царлы сетны эз вермыны, сѳмын висъталісны, эм пѳ найѳ царствоын ѳти пѳрысь старик, сійѳ пѳ ставсѳ тѳдѳ. Вайѳдісны сійѳ стариксѳ царь дінѳ да пондісны юасьны, жытысь позьѳ судзѳдны царлы син лекарство.

— Эм кѳнкѳ свет вылас нывбабаяслѳн царство, — шуѳ

старик, — сәні сөмын нывбабаяс олоны и ни өти мужичөй мор-
тос пырны оз лэдзны. А царствуйтө сәні Елена Прекрасная. Сы
морөсысь босьтөм йөлөн быд висьөм позьө лечитны.

Царь кутис думайтны, кодөс эськө ыстыны сэтчө? Думай-
тис, думайтис царь да шуис ыстыны ыджыджык писө. Корис
Василейөс ас дінас да шуө:

— Ветлы, пиө, корсьны меным син лекарство. Виччысь-
ны понда тәнө өти во. Он кө во тайө срок кежлө, ог кут
лыддыны тәнө ловьяөн.

Мөдөдчис Василей туй вылө. Мунис, мунис да куим туй
вож воис, а сәні куим гижөд:

„Татчө кө мунан, юртө воштан“.

„Татчө кө мунан, слава да озырлун аддзан“.

„Татчө кө мунан, мича невеста аддзан“.

Лыддис Василей куимнан гижөдсө да мөдөдчис сийө туй
вожөд, кытысь позьө аддзыны мича невеста. Мунө Василей
тайө туйөдыс и аддзө: сулалө мича керка, а өшинь дорас ныв
вурсьө. Пырис керкаас, а сәні збыльсь сэтшөм мича ныв
пукалө, кутшөмөс Василей и нэмнас на эз аддзывлы.

— Ок, — шуө, — кыськө ылыс гөсть усьөма, Василей-ца-
ревич воөма! Лок, лок, милости просим! Уна во нин ме тәнө,
дона жөникөс, виччыся!

Сэсся вердис да юкталис, окалис да милуйтис Василейөс
да пондис нарадитны сийөс шойччыштны водны.

— Мун, — шуө, — Василей, спальня-горничаө да шойччышт,
кузь туй бөрад тэд шойччыштны оз мешайт.

Тувчис Василей горнича порога вомөн, эз на удит шаг-
мөд воськовтны, кызди джоджыс кутов-катовмуні: өти по-
мыс усьлі, мөд помыс лыблис, и Василей швөпкысис джодж
улө вөчөм джуджыд гуө. Нылыд чөвтис сы бөрся зөр кольта
да серөктөмөн шуис:

— Вот тэныд, дона жөниклы, кушанье! Сөй да эн гөссяв!

Виччысисны, виччысисны Василейөс гортас — эз во сийө.
Вося срокыд коли, а сийө — век на абу. Корис сэк царь ас
дінас шөркост писө да шуө:

— Ветлы, пиө, корсьны меным син лекарство. Понда вич-

чысьны тэнö öти во. Он кө во тайö срок кежлö, ог кут лыддыны тэнö ловъяөн.

Мөдöдчис Педөр туйö. Мунис, мунис да сийö жö куим туй вожас воис. Лыддис Педөр куимнан гижöдсö да бара жö мөдöдчис сийö туй вожöд, кытысь позьö аддзыны мича невеста. Аддзö Педөр: сулалö мича керка, а öшинь дорас ныв вурсьö. Пырис керкаас, а сэнi сэтшöм мича ныв пукалö, татшöм мичасö Педөр и нэмнас на эз аддзывлы.

— Ок,— шуö,— кыськö ылыс гöсть усьöма, Педөр-царевич воöма! Лок, лок, милости просим! Уна во нин ме тэнö, дона жöникöс, виччыся?

Сэсся вердiс да юкталiс, окалiс да милуйтiс Педөрöс да пондiс нарадитны шойччыны:

— Мун,— шуö,— Педөр, менам спальня-горничаö да водыштлы, кузь туй бöрад тэд шойччыны оз мешайт.

Тувччис Педөр горнича порог вомөн, но эз на удит тувччыны раз-мöдысь, кызд воссьылис джоджыс да Педөр уси джодж улö вöчöм гуö, Василей вокыс дiнö.

А ныльд бара жö сы бöрысь чöвтiс зөр кольта да серöктöмөн шуис:

— Вот тэныд, дона жöниклы, кушанье! Сей да эн госсяв!

Виччысисны, виччысисны Педөрöс гортас — эз во сийö. Прöйдитiс дзонь во — сийö век абу. Дзикöдз шогö воис царь: син лекарство эз сюр и кык пи вошины. А коймöд писö царь эз нин думайт ыстыны: сийö кө вошас — медбөрья пиыд оз ло. Но Иван ачыс локтiс батыс дiнö да пондiс кевмысьны лэдзны сийöс вокъясöс корсьны да син лекарство вайны. Бать первойсö и кывзыны эз көсий Иван мунöм йылысь, но Иван сэтшöм зiля корис благöслöвенье туйö мунöм вылö, мый батылы быть лои лэдзны Иванöс.

— Лэдза,— шуö,— тэнö, Иванушко, син лекарство корсьны. Понда виччысьны тэнö öти во. Он кө во тайö срок кежлö, ме сэсся шогысла кула.

— Сет,— шуö,— батьö, меным куим во срок тэныд син лекарство да асьым вокъясöс корсьöм вылö.

— Ладнö,— шуö бать,— куим во кө, и мед куим во.

Мөдөдчис Иван туйо. Мунис, мунис да сийо жо куим туй вожо воис, кони ошалсны куим гижод. Пондис думайтны Иван, кытчо жо сылон вокьясыс мунисны, кутшом туй вож найо борйисны.

— Час, — шуо, — невеста корсян туй вожо кезала. Төдө-мысь, найо татчо кезисны. Мөдөдчис Иван сийо туйод и аддзо керка. Пырис керкаас, а сэни мича ныв вурсьо.

— Ок, — шуо нылыд, — кыскө ылыс гость усьома, Иван-царевич воома! Лок, лок, милости просим! Уна во нин ме тэно виччыся!

Сэсса вердис да юкталис да пондис милуйтчыны Иванкөд.

— Энлы, — шуо Иван, — милуйтчыныто эштам на. Первой сет мем, туй мортлы, шойччыштны да узыштны.

— Мун, — шуо, — Иван, менам спальня-горничао да водыштлы, кузь туй борад тэныд збылысь колө шойччыштны.

Мөдөдчисны найо спальня-горничао, көзаяка бөрын мунө, а Иванос водзвылас нуөдө.

— Тадзи оз полагайтчы, — шуо Иван, — мед йоз горничао бокөвөй морт пырис водджык көзаякаысь. Тэ көзаяка — тэ и водзас пыр!

— Тэ да ме, — шуо нылыд, — оһи абу бокөвөйяс, а жөник да невеста.

Гөгөрвоис Иван, мый нылыд мудеритө. Босьтис сэсса да йөткис нывто горничао ас водзвылас. Йөткыштис да аддылис сомын, кыдзи воссылис джоджыс ныв кок улын да кыдзи исковтис сийо джодж улө.

— Аттө, — шуо, — кутшом вөлөм сылон спальня-горничаыс! Уна жөник нин көнкө пыравлис тайо горничаас. Гашкө, и менам вокьяс танось да?

Жугөдис Иван горнича джоджсө да пондис чуксасыны:

— Коді эм сэни крещенөй йөз, шыасьөй!

И шыасис гу пыдөссиянь некымын дас гөлөс. Иван корсис кузь гез, вөчис помас петля да пондис лэптавны. Лэпталис да лэпталис, коркө и Василей да Педөр вокьяссө лэптис.

— Но, — шуо, — вокьяс, батылы син лекарство эн на аддзөй?

— Эг на,— шуоны вокъяс,— эг на сэтчөдз волöй.

Лэпталіс Иван гуысь ставнысö, кöзьяйкаысь кындзи, да вокъясыскöд мөдöдчис водзö. Воисны бөр сійö куим туй вожас. Öнi Иван мөдöдчис сійö туйöдыс, кытчö вöли гижöма: „Татчö кö мунан, юртö воштан“. Василей да Педөр думай-тисны-думайтисны, сулалö-ö воштыны юр пöрысь старик вöсна, но яндзим лои ичöt воксысь, да мөдiсны сійö жö туйöд. Мунiсны да мунiсны куим вок да паськыд ю дiнö воисны. Тайö вöли буретш сійö юыс, кысянь заводитчис батынслөн царствоыс.

— Менам,— шуö Василей,— тайö ю вомöныд вöлöй оз вудж!

— Менам,— шуö Педөр,— тайö ю вомöныд вöлöй оз жö вудж!

— Тi, вокъяс, кыз куужанныд и кыз окотитанныд,— шуö Иван,— а ме мöда водзö. Тi кольчöй татчö да виччысьöй менö. Виччысьöй менö стöч кык во. Öг кö во тайö срок кежлас, гижö за-упокой, а воа кö — танi аддзысям.

Вуджис ю мөдарö да мөдöдчис водзö. А вокъяс радуйтчöны, мый эз ковмы налы мунны юр вошган туйöд. Мунö Иван, гашкö, вежон, гашкö, тöлысь, а, гашкö, и унджык нин. И воис ыджыд дом дiнö, а сэни Марпида-царевна олö.

— Ук, ук, ук,— шуö Марпида-царевна,— виччысьтöм морт воö, ылыс гöсть локтö! Кысянь кö Иван-царевич усьöма?

— Усян тай,— шуö Иван,— могыд кö воас да делöыд суас. А мөгтöг да делатöг сöмын паччöрын куйлывлöны.

— Мөг йылысь да делö йылысь,— шуö Марпида,— пондам аски сёрнитны. А талун тэныд, туй мортлы, колö шойччыштны.

Вердiс да юкталiс, пывсьöдiс да мыссьöдiс Марпида-царевна Иванöс и аскинас пондiс юасыны Иванлысь, кутшöм мөгөн сійö воис татчö. Висьталiс Иван, мый сійö нывбабаяс царствоö мунö, но көн сійö нывбаба царствоыс — öз тöд. Кывзiс Марпида-царевна и шуö:

— Ме öг вермы тэд, Иван-царевич, öтсöг да сöвет сетны. Ме эськö быд во свет гөгöрыс кытшовта, но нывба-

баяс царство йылысь некор на эг кывлы. Ветлы тэ менам ыджыджык чой ордö, гашкö, сійö мыйöнкö отсалас. Но омöлик вöвнад сы дінöдз он во, босьт менсьым вөлöс.

Мöдöдчис Иван Марпида-царевна вöв вылын водзö. Муніс да муніс и бара коркö ыджыд дом дінö воис, а сәні вö-лөмкö Ольга-царевна олö, Марпида-царевналөн чойыс.

— Ук-ук-ук,— шуö Ольга-царевна,— виччысьтöм морт воö, ылыс гöсть локтö! Кысянькö Иван-царевич усьöма?

— Усян тай,— шуö Иван,—могыд кö воас да делöыд суас. А мөгтөг да делötөг сöмын паччöрын куйлöны.

Вердiс да юкталiс, пывсьöдiс да мыссьöдiс Иванöс Ольга-царевна да пондiс юасьны сылысь, кутшöм мөгөн сійö воис татчö. Висьталiс Иван, мый сійö мунö батыслы син лекар-ствола, а öнi туй корсьö нывбабаяс царствоö. Ольга-царевна и шуö сылы:

— Ог вермы, Иван-царевич, тэд отсöг да сöвет сетны. Вонас кыкысь ме став светсö кытшовтла, но нывбабаяс цар-ство йылысь некор на эг кывлы. Ветлы менам ыджыджык чой ордö, гашкö, сійö тэд мыйöнкö отсалас либö сöветуй-тас. Но омöлик вöвнад сэтчöдз он во, босьт менсьым вөлöс.

Мöдöдчис водзö Иван Ольга-царевна вöв вылын. Муніс да муніс и бара ыджыд дом воис, а сәні вөлөмкö Настасья-царевна олö, Ольга-царевналөн чойыс.

— Ук, у-к, у-к,— шуö Настасья-царевна,— виччысьтöм морт воö, ылыс гöсть локтö! Кыськö Иван-царевич усьöма?

— Усян тай,— шуö Иван,—могыд кö воас да делöыд суас. А мөгтөг да делötөг сöмын паччöрын куйлöны.

Вердiс да юкталiс, пывсьöдiс да мыссьöдiс Иванöс Нас-тасья-царевна да пондiс юасьны, кутшöм мөгөн сійö воис татчö. Висьталiс Иван ставсö лючки, мый мöдiс батылы син лекар-ствола, а öнi туй корсьö нывбабаяс царствоö. Настасья-царевна и шуö сылы:

— Кузь туйö да ыджыд делö вылö петöмыд тэ, Иван-царевич. Абу кокни веськавны нывбабаяс царствоö. Быд во ме куимысь кытшовта став светсö, а сэтчö сöмын öтчыдысь на ёлi. Вөръяс, шоръяс пöвстын сійö, комын сыв джуджта

стын сайын нывбабаяслөн царствоыд. Ни өти мужичой морт сэтчө сідз-гадз эз на пыравлы, а пыраліс кө, ловйөн бөр эз петавлы. Сета ме тэныд ассым комын сыв судта көбылаос, сійө коряс туй нывбабаяс царствоо. Воан да эн тэрмась пырны стын сайо. Виччысь, кор Елена Прекрасная унмовся, а сійө кө унмовсяс, став царствоыс сылөн унмовсяс дзонь тōлысь кежлō, сесся кōть тэ сәні мый вōч. Сōмын эн ышты, эн ылав Елена Прекрасная мичлун вылō, а то ставыс пропадитас и ассыд юртō воштан. А пырны сэтчō медся кокни сэк, кор дугдас керкаяссыс тшыныс петны.

Пуксис Иван комын сыв судта көбыла вылō да мōдōдчис водзō корсьны нывбабаяслысь царство. Муніс, муніс да коркō адзис нывбабаясыдлысь царствосō: комын сыв джуджта стынōн гōгōр кытшалōма. Видзōдō, а став керкасыс кыз тшын прудитō. Лэдзис Иван вōвсō йирсьыны, ачыс дзевсис да пондїс виччысьны, кор керка йывъяс дугдасны тшынавны. Гашкō, вежон чōж куйліс Иван да видзōдїс тшын вылō. Но вот тшыныд пондїс лаймавны, а сесся и дзикōдз дугдїс. Сōліс сэк Иван аслас комын сыв судта көбыла вылас да чеччыштіс стын вомōн. А вōлыс сылы шуō:

— Смотри, Иван, эн ылав сән девичой царь дїнад! Босът син лекарствотō и пырысь-пыр жō бөр пет!

Пырис Иван Елена Прекрасная дворечō да шензьō: ставныс сән нывбабаяс и ставныс узьōны, весиг понъяс, каньяс узьōны. Кōть став дворечō ну!

Ветліс Иван жырйысь жырйō да воис Елена Прекрасная спальня-горничаō. Узьō сәні сійō, садьмыны оз думайт. Любуйтчис да любуйтчис сәні Иван Елена Прекрасная мичлун вылō, весиг ставсō свет вывсьыс вунōдїс, вунōдїс и син лекарство йылысь. Гашкō, лун олїс, гашкō, кык лун олїс, и петны дворечысь оз вермы.

А вōлыс Иванлōн шогсьō, гōрдлō, чуксалō Иванōс, но сійō нинōм оз кыв — ылалōма Елена Прекрасная дїнō. Жугōдїс вōлыс Елена спальняысь ошиньсō, вōлисти Иван гōгōрвоис, мый сылы кад нин петны вōв дїнō. Босътїс Иван Елена Прек-

расная морёсысь батылы вылө син лекарство да петіс вөв дінө. А вёлыс сылөн шогсьö, морт моз бёрдö.

— Вöчин жö,— шуö,— Иван, та ыжда пакöсть! Бёрдöмла да шогсьöмла öнi менам джын силаöй абу и комын сыв джуджта стын вомöн чеччыштны ог вермы. Лоö танi пропадитны миянлы кыкнаннымлы.

Вердiс Иван ассьыс вöвсö, юкталiс да мыськалiс ключевöй ваон, сöliс сы вылө. Чеччыштiс вöлыд стын вомöн, но бөр кок гыжйыс сылөн инмыштлiс стынас. Друг сэк Елена Прекрасная царствоын пондiс звөнитны и став йöзыс садьмисны Еленаыс кындзи. Садьмис коркö и Елена Прекрасная, гөгөрвоис мый лöбма да зэв ёна скөрмис. Первой керавлiс ассьыс став матыс служанкаяссö, сэсся тшöктiс пусьыны, пöжасьны да пывсян ломтыны.

— Нинöм,— шуö,— Иван-царевичыд меысь некытчö оз пышйы. Тэрмасьтөг мыссис, пывсис, сёйис, юис да вöвсö вердiс и вöлисти сэсся сöliс вөв вылө, мöдiс суöдны Иванöс. А Иван сэккостi воис Настасья-царевна ордöдз, вежис вöвсö да скачитiс водзö. Воис сэсся Ольга-царевна ордö, вежис вöвсö и мöдöдчис водзö. Но, воддза вöвъяс дорысь, аслас вöлыс дзик нинöм эз сулав. Тэрмасьö Иван, тэрмöдлö ассьыс вöвсö, но зэв ньöжйөн воö водзö. Вот коркö эськö тыдовтчис нин сiйö паськыд юыс, кытчö вокъяссö кольлiс да кысянь батыслөн царствоыс заводитчö, но Елена Прекрасная пондiс сiйöс суöдны.

— Но,— шуö,— Иван-царевич, кужин кö пакöститчыны, куж и öтвет кутны. Некытчö он удит öнi тэ менам лэчыд сабляысь.

А Иван тэрмöдлö и тэрмöдлö ассьыс вöвсö. Кöсiйö нин вöлi Елена Прекрасная керыштны Иванлы аслас сабляөн, но сэк Иван мыйвынсьыс кучкис аслас вöвлы и вöлыс вевъялiс чеччыштны ю мöдарас.

— Молодец, Иван-царевич,— шуö Елена Прекрасная,— öнi тэ аслад царствоын, менам öнi вын ни власть абу тэ вылын! А сюрин кö тайö берегас, торпыригöдз эськö кералi.

Лок öнi вудж бөр тайö берегас — и лоам ми тэкöд жöникöн да невестаöн.

Вуджис Иван ю мöдарö. Кутлис сийöс Елена Прекрасная, кызди ассъыс жöникöс, вежсисны чунькытшъясöн, öтлаын сөйисны, юисны да воис кад налы бөр янсöдчыны.

— Но,— шуö Елена Прекрасная,— öнi, Иван-царевич, ме — тэнад гöтыр. Мун гортад да виччысь менö. Стöч куим во мысти воа ме тэ дiнö став семьяöн.

Прöщайтчис Иван Елена Прекраснаякöд, вуджис бөр ю мöдарас да пондiс чуксавны вокъяссö, а Василей да Педөр буретш вöлöм лöсьöдчöны нин гортаныс мунны: Иванкöд янсöдчöмсянь кык во нин кольöма.

— Но,— шуö Иван вокъясыслы,— кык во кö виччысинныд менö, öти лунтö виччысянныд нин. Батьлы син лекарство öнi ме ордын. Ме тани здук-мöд узышта, и мöдöдчам сэсся ставэн öтлаын гортö.

Водiс Иван да зэв чорыда унмовсис. Вокъяслы лои завидь, мый батьлы син лекарство Иван ордын, налы эз вöв окота локны гортö куш киөн. Сэсся сöветуйтчисны ас костын Василей да Педөр, кыскисны Иванлысь син лекарство тыра сулеясö, а асьсö Иванöс юö быгыльтiсны и мöдöдчисны гортö.

Кылалiс да кылалiс, кылалiс да кылалiс и коркö сэсся садьмис Иваныд. Видзöдö: ва вылын плавъялö. Варччис сийö берегö и адзö керка. Пырис сэтчö, сэнi Ёма-баба олö. Юрсиыс Ёмалөн кокулöдзыс — юрсинас джоджсö чышкö, нырыс сылөн кынöмöдзыс — нырнас пачсö чышкö, а пиньясыс сылөн весьт кузяöсь. Аддзис Ёма Иванöс да шуö:

— Увсянь кö табъя кока шыр эз пысьтлыв, вывсянь кö кöрт ныра воробей эз пысьтлыв ме дiнö, а öнi Иван-царевичөн пондiс гылавыны.

— Могыд кö воас да делöйд суас, лоас тай быдлаö усьлыны.

— Тöдам,— шуö,— кутшöм мог да делö вайöдiс тэнö ме дiнö. Елена Прекраснаялы кö шогмин жöник вылö, тэ и меным шогман жöник вылö. Öнi тэ некытчö он пышйы меысь и эн

думайт пышйыны. Кутан овны тэ ме ордын верёс пыдди да казак пыдди.

Вёчны нинём, лои кольччыны Ёма ордо казачитны. Ёма пуксьодіс Иванёс кага видзан удж выло. Ёма ачыс лун-лун кёнкё ветлө, прөмышляйтө, а Иван кага бёрся видзөдө, но киас ни өтчыдысь кагасө оз босьтлы. Ворсө кагаыс джоджын, оз бөрд, а Иван сөмын сёянтор кадысь кадө мыччыштлө.

Тадзи колины лунъяс, вежонъяс, төлысьяс, а, гашкө, и вояс. Иван пыр на казачитө Ёмалысь кагасө и мунны тась некыз оз вермы. Отчид сійө заводитліс босьтны Ёмалысь кагасө ки вылас, оз лыб, ёнджыка зёлөдчис — оз лыб, ещө ёнджыка зёлөдчис — оз лыб. Вөлисти Иван повзис прамөя.

— Но,— шуө,— Ёмалөн и быдтас! Ар-кыка челядь кө та сьёкта, быдмас да мый таысь лоө водзө? Сэки эня-ныла менө сёясны. Колө пышйыны, непременно пышйыны!

И пондіс Иван дасьтысьны пышйыны Ёма ордысь. Лунъяснас Ёма ветлывліс прөмышляйтны, а Иван гусьоникөн пондіс керъяс чинтавны да пур вёчны. Тадзи лун-мөд-коймөдөн Иван вөчис неыджыд пур, а сэсса кор Ёма муніс гортсьыс, Иван сөліс пур выло да пондіс кывтны ю кузя — Ёма ордысь пышйыны. Воис коркө гортас Ёма, аддзө, мый Иваныд абу да уськөдчис сійөс корсьны. Видзөдліс ю выло, а Иван зэв нин ылын кывтө.

— Сувт,— шуө,— Иван! Некытчө жө тэ меысь он удит!

— Удиті нин да, кыз ог удит!— сералө сы вылын Иван.

Ёма котөртліс керкаас, кватитіс ассьыс кагасө, сэсса босьтіс сійөс кыкнан кокөдыс да өддзөдчөмөн шыбитіс Иванлы. Иван муртса удитіс чеччыштны бокө, кагаыс уси сылы пур пельёсас да пур пельёсыс пондіс өзйыны.

Ёма пондіс серавны сы вылын:

— Но,— шуө,— Иван, удитін али эн? Ылөдз-ө пышйин?

Иван зэв өдіө кватитіс чер да пур пельёссө, өзьян местасө, кераліс. Пур пельёсыд торъяліс да өтнасөн пондіс сотчыны ю вылын. Пондіс Иван ачыс серавны Ёма вылын:

— Но,— шуө,— өні удиті али, эг удит?

— Да,— шуө,— өні збыльысь удитін, молодец, мый ку-

жин пышйыны! Кӧсьян кӧ гортад воны, кывзы, кыз велӧда. Юыс кутас кывтны му увті, му розьяс пыр, гӧраяс костӧд, коськьяс, вабергачьяс пыр, паныдасьласны тэд быдсяма повзьӧдчан зверьяс, зарни гӧраяс, мича нывьяс, но нинӧм вылӧ тэ эн ышты, нинӧмысь эн повзьи и нинӧм динӧ кинад эн инмӧдчы. Он кӧ кывзы менсьым совет—пропадитан!

Пондӧс Иван кывтны водзӧ, а сылы паныд кыпӧдчисны ваысь быдсяма чудовищьяс да мӧдӧсны кватайтчыны сылы пур дорас. Гребнас кучкалӧмӧн Иван вӧтліс найӧс пур дорысь да мӧдӧдчис водзӧ.

Кывтӧ Иван и аддзӧ берегысь зэв мича нывьясӧс. Найӧ пондӧсны чуксавны сийӧс берегӧ петны. Иван эз сувт берегӧ. Сэк мича нывьяс пӧрччисисны, варччисны Иван динӧ да пуксялісны сылы пур дорӧ. Гребнас кучкалӧмӧн и найӧс вӧтліс Иван да мӧдӧдчис водзӧ.

Аддзӧ Иван, мый сы водзын зэв ыджыд вабергач, колӧ кызкӧ видзны пурсӧ вабергачысь, кытшовтны некыті. Иван эз пет берегӧ, а веськӧдіс асьыс пурсӧ веськыда вабергачас. Пондӧс жбырганӧс моз бергӧдлыны пурсӧ вабергачын, ваыс первой лои Иванлы пидзӧсӧдзыс, сэсся коскӧдзыс, сэсся голяӧдзыс, но Иван эз чеччышт пур вылысь, пондӧс водзӧ уджавны гребӧн.

Мездысис Иван вабергачысь да мӧдӧдчис водзӧ. Друг юыс пондӧс векняммыны. Векняммис да векняммис, сӧмын ичӧтик шор пасьта лои, Иванлӧн пур помъясыс кутісны зураьлыны ӧтар-мӧдар берегас. Но Иван и ӧні эз пет берегӧ, а пондӧс кывтны водзӧ. Вот юыс ещӧ векняммис и сэсся му увтіыс кутіс визувтны. Берегьяс дзикӧдз вошины, сӧмын ӧтар-мӧдарас лоины стеньяс да юр весьтын пӧтӧлӧк. Видзӧдӧ Иван: став стенаясас да пӧтӧлӧкас дона изьяс, эзысь да зарни ёкмыльяс. Пондӧсны найӧ веськыда киссьыны Иванлы пур вылас, но Иван эз ылав и татчӧ: весиг кинас нинӧм динӧ эз инмӧдчыв.

Вот му розь помасис, юыс кутіс визувтны кык джуджыд гӧра костӧд. Мыйӧн Иван воис гӧраяс весьтӧ, ӧтарсянь и мӧдарсянь гӧраяс пондӧсны киссьыны, вот-вот Иванӧс шань-

гао лязодасны. Но Иван эз повзы, эз чеччышт пур вылысь, а пондіс водзё уджавны гребён. Гораяс эськё помасисны, но юыс мөдіс визувтны зэв коськось местаті. Ньов моз пондіс нободны Иванлысь пурсо гырысь изъяс костті, сідзи и виччысь, кызди шляпкас пуртё изъясё, весиг торпыригсё он аддзыв. Эз повзы Иван, эз лэдзчысь аслас греб дінысь. Вот коськъяс век содісны и содісны, водзын кылё пондіс шумитны зэв ыджыд ваборган, ваыс мельнича прудйын моз увлань усьё. Көсйё нин вөлі Иван шыбитчыны берегё, но юыс эз ляскы пурсо берегё. Веськөдіс сэк Иван пурсо веськыда ю борганё, а ачыс крепыда кутчысис керъясё, медым оз шыбит сійёс пур вылысь ортсё. Бузнитіс Иванлысь пурсо ваборганё и пасьжугөдіс сійёс, но Иван удитіс кутчысьны өти керйё да шашаритчис сэтчө мыйвынсьыс, медым не торъявны керйысь. Пондіс кывтны Иван тайё өтка кер вылас. Кывтіс да кывтіс, кывтіс да кывтіс, коркё ю визулыс сійёс и ляскис берегё.

— Но,— шуё,— өні став мытарствосё, тыдалё, лои прөйдитёма, позяс петны сэсса берегё.

Петіс Иван берегё, муныштіс неуна и аддзё: зэв джуджыд стын сулалё. Локтіс стын дінё, өтчыд кытшовтіс стын гөгөр — пыранін эз аддзы, мөдысь кытшовтіс — эз аддзы, коймөдысь кытшовтіс — бара жё некутшөм өдзөс эз аддзы.

— Мый нө тайё,— шензьё Иван,— стын вөчөмаось, а өдзөссө вөчны вунөдөмаось! Пондіс Иван стынё йиркөдчыны да чуксасьны:

— Эй, коді сәні эм крешенөй морт, лэдз туй мортөс шойччыны!

Друг аддзё Иван, мый дзик сы весьтын өдзөс. Восьтіс өдзөссө, пырис стын пытшкё, а сәні зэв ыджыд керка сулалё. Пырис Иван керкаад, а сәні джодж шөрас зэв ыджыд синтөм старик куйлө.

— Увсянь кө табъя кока шыр эз пысьтлыв, вывсянь кө көрт ныра воробей эз пысьтлыв, а өні Иван-царевичөн пондіс гылавны!— шуё старик.

— Могыд кө воас да делөыд суас,— шуё Иван,— лоё тай быдлаё усьлыны.

— Ме,— шуё старик,— ог тӓд и ог кӓсйы тӓдны, кутшӓм могӓн тӓ ветлан, мем сӓтчӓдз некутшӓм делӓ абу. Локтӓн кӓ ме ордӓ, меным пондан казачитны — менсьым мӓсьяс видзны да меным пуны-пӓжавны. Пышйыны эн лысьт и эн думайт, меысь некытӓ он удит: менам самосек-сабля быдлаысь тӓнӓ суӓдас!

Вӓчны нинӓм. Лои кольччыны Иванлы синтӓм стариклы казачитны. Лунын сйӓ скӓт видзӓ эськӓ вӓля вылын, и позьӓ сӓсь пышйыны, но стариклӓн самосек-сабляыс пон моз сйӓс караулитӓ, он пышйы! А вой кежлӓ старик шуас: „пӓдлассьӓй став ӓддзӓсьяс!“ и ӓдзӓсьяс асьныс игнассиясны да томнассиясны — бара жӓ он пышйы некытӓ.

Вот ӓтчӓд Иван юалӓ стариклысь:

— Мый нӓ, дед, тӓнад синмыд лои?

— Менам синмӓй воши,— шуё старик,— Ёмакӓд тышка-сигӓн. Ёма менсьым кокалис кузь нырнас кыкнан синмӓс.

— Лӓдзлы менӓ,— шуё Иван,— нывбабаяс царствоӓ, ме сӓтысь тӓд син лекарство вая.

— Тӓда ме ачым,— шуё старик,— но ветлысьыс сӓтчӓ не-код абу. Тӓнӓ лӓдзан да, тӓ пышьӓн гортад — менӓ казактӓг колян. А тӓд ӓд шуӓма нӓмтӓ меным казачитны.

Вӓчны нинӓм: старик нинӓм вылӓ оз сетчы, кӓсйӓ Иванӓс нӓм чӓжыс казачитӓдны. Сӓк Иван мӓдис мудеритны стариккӓд.

— Ме,— шуӓ,— тӓд, дедӓ, син лекарство пуа да понда лечитны тӓнсьыд синъястӓ, но тайӓ лечитӓмыд дыр кыссияс.

— Ладнӓ,— шуӓ старик,— дыр кӓ и мед дыр, сӓмын мед пӓльза лоас.

Пуис Иван ыджыд пӓртйын гӓс, озысь да сир да шуӓ стариклы:

— Менам лекарствоыд чорыд, ковмас тӓд синтӓ мавтигад киястӓ да кокъястӓ кӓртавны мыйӓнкӓ.

— Мун,— шуӓ,— кымынкӓ ӓш начкы да сьумысьяс шӓрав. Вот сйӓн и кӓртавлан менӓ. Иван вӓтлис картаысь ӓкмыс ӓшкӓс, начкис ставсӓ, кучикъяссӓ сьумысӓ шӓралис да вурис ӓти сьумысӓ. Сӓссия гартлис тайӓ сьумыснас старикӓс да юалӓ:

— Но,— шуӓ,— дед, видлы, крепитас оз?

Песовтчис старик став вынсыс—сюмысыд сунис мозорьясис. Куимысь вурліс Иван сюмысьяс, сэсса начкис сійө ветымын өшкөс да вурис сэсь сюмыс, вөлисти артмис надежной көртөд. Вот көртавліс киясөдыс, кокъясөдыс старикөс ветымын өш кучикысь вурөм сюмысөн да кисьтіс сылы синьяс вылас пөсь лекарство тыра пөрт. Старик пондіс горзыны да нетшкысьны, а Иван сэккості петіс керкаысь да пондіс котөртны стын өдзөс дінө, но старик вевьяліс горөдны: „Пөдласьөй став өдзөсьяс, пөдласьөй“. Иван шыбласис өтлаө-мөдлаө, но пышйыны некытчө: стын өдзөс краппөдласис. Стын пытшкын туплясис сө саяс өш туша. Иван эз понды дыр думайтны: босьтіс да пырис өти өш туша пытшкө.

Нетшкысис, нетшкысис старикыд да коркө став көртөдьясыд сылөн орьясисны. Петіс сэк ывлаө да кималасөн пондіс корсьны Иванөс. Кытчө оз тувчы старик, быд воськов сійө мытшласьө өш тушаясө. Скөрмис старик да пондіс өш тушаясө шыблавны стын вомөн ортсө и шыбитіс стын сайө тшөтш сійө тушасө, кытчө дзевсьөма вөлі Иван.

— Он,— шуө,— Иван, тэ меысь некытчө удит!

— Ме, дедө, тэысь удиті нин!— өш туша пиысь петіс Иван да горөдіс стын сайсян.

Старик сэк кыскис ассьыс саблясө да шыбитіс стын вомөн:

— Кут,— шуө,— самосек-сабля, Иванөс да эн лэдз пышйыны менам вотөдз!

Самосек-сабля тринь-бриньмуні да пыр жө өшйис Иван юр весьтө, кутчысис сылы чуньпомас да пондіс шуавны: „Та-та-та! Та-та-та! Та-та-та!“

Иван дыр эз понды думайтны, вундіс пуртөн сійө чуньпомсө, кытчө вөлі өшйөма сабляыс, а ачыс котөртіс водзө. А сабля пыр өтнасөн пондіс горзыны: „Та-та-та! Та-та-та!“

Старик котөрөн локтіс самосек-сабля дінө, гөгөрбок видлаліс сабля дінысь. Кор эз сюр сэтысь нинөм, скөрмөм вывсьыд шөри чегис саблясө да стын боклань швачнитіс сідз, мый сабляысь торпырыгыс эз коль.

— И тэ,— шуө,— менө пондін тшөтш ылөддыны, Иванлы служитны!

Котӧртис да котӧртис, кӧтӧртис да котӧртис Иван, ачыс оз тӧд кытчӧ котӧртӧ, и друг сылы паныдасис змей: кер кызта туй шӧрын куйлӧ.

— Но,— шуӧ,— Иван, тэ дедӧс менсьым пӧръялин, но менӧ он пӧръяв. Ме тэнӧ пырысь-пыр ньылышта.

— Менӧ тэ мый ньылыштан,— шуӧ Иван,— ме тэысь некытчӧ нин ог удит! Ветлы тэ первой старик керка динӧ, сылӧн сӧ саяс ӧш туша стын саяс шыбитӧма да туплясьӧ!

— Збыльысь,— шуӧ змей,— сэсянь свежӧй яй дук кылӧ. Час, ме ветла сэтчӧ, первой ӧш тушаяс сӧя, сэсся вӧлисти тэнӧ.

Мунис змей ӧш тушаяс сӧйны, а Иван пондис котӧртны водзӧ. Друг сылы паныдасис ош.

— Но,— шуӧ,— Иван, тэ дед ордысь пышйин, а меысь некытчӧ он пышйи! Ӑни ме тэнӧ сӧя!

— Менӧ тэ сӧйны эн тэрмась,— шуӧ сылы Иван,— кыз ачид тэ шуан, ме тэысь некытчӧ нин ог удит. Ветлы тэ первой старик керка динӧ, сылӧн сӧ саяс ӧш начкӧма да стын саяс шыблалӧма. Вот ӧни змей мунис сэтчӧ свежӧй яй сӧйны!

— Змей кӧ мунис, и ме котӧрта сэтчӧ,— шуӧ ош,— а то сийӧ, пӧтлытӧм рушку, ставсӧ ӧтнас сӧяс. Ме ӧни сэтчӧ сыысь водзджык на воа!

Ош котӧртис ӧш тушаяс сӧйны, а Иван пуксис шойччыны да сэтчӧ и унмовсис.

Садьмис коркӧ сийӧ, кӧсийӧ нин вӧли водзӧ мунны, видзӧдӧ: ош локтӧ, вывти сӧйӧмысла быдсӧн упкакылӧ.

— Но,— шуӧ,— Иван, талун ме дзонь ӧш тушаджын сӧйи и кынӧм вывти пӧт. Тэнӧ сӧйны ӧни ог вермы. Змейкӧд юким да квайтымын тушаӧн пайыс воис. Вот кор сийӧ квайтымын туша яйыс ставнас бырӧ, сӧки позяс и тэнӧ сӧйны. А ӧни сӧйны тэнӧ ог вермы, лӧгась кӧть эн ме вылӧ.

Скӧрмис Иван ош вылӧ.

— Ок тэ,— шуӧ,— Микайлӧ, Микайлӧ! Плешкыд тэнад пӧдан пасьта, а юр-башкаыд абу нинӧм мында! Тэнад яй запасыд, гашкӧ, сӧ лун кезлӧ тырмас, а мем пыр ковмас виччысьны. Либӧ ӧни сразу сӧй, либӧ нуӧд менӧ гортӧ! Нуӧдан

гортөдз, сэк ещö квайтымын туша öш яй содта дай винаөн юктала. А он кө нуөд, тайö квайтымын öш тушатö бөр мырд-
дя. Талун жö муна да стын мөдар бокас бөр шыблала став
öш тушасö!

Повзис сэк ошкыд, прамöя повзис.

— Эн дур,— шуö,— Иван! Кызди нö бөр мырдян öш
тушаяс? Сетöмтор бөр оз мырддьывлыны. Сидзкө, бурджык
лоö, ме кө тэнö регыдджык гортад нуöда?

— Дерт жö бурджык,— шуö Иван,— содтöд квайтымын
öш босьтан да и тайö квайтымын öшкыс тэныд лоö.

Сидзкө, пуксыы мышку вылö да чорыдджыка кутчысь,—
шуö,— ме тэнö гортөдзыд гөнитöда.

Сöлис Иван ошлы мыш вылас, кутчысис шошавыв гонас и
пондис сийöс ош гөнитöдны, сöмын тшын-бус на бöрысь кольö.
Юяс вомөн, нюръяс вомөн, гöраяс вомөн кырсьö ош веськыда,
некутшöм кутöд сылы абу. Мунисны да мунисны да Иванлөн
и шапкаыс уси.

— Сувтлы, Микайлö, здук кежлö,— шуö Иван,— ме шап-
кала лэччыла!

— Тэнад шапкаыд,— шуö ош,— сё верст сайö нин коли.
А шапка вöсна сё верст косавны оз сулав.

Дыр-ö регыд скачитис ош вылын Иван, коркö и батысь-
лөн царствоыс тыдовтчис.

Но,— шуö ошлы Иван,— öнi тани позьö шойччыштны да
вина юыштны.

Пуксис шойччыны. Иван ветлис первой матыса кабакö да
ведра вина ньöбис. Сэссия лудысь ыж туша начкис да локтис
ош динö.

— Но,— шуö,— Микайлö, öнi закуситыштам, татшöм за-
кусканас, тöдöмысь, тэнад служба чöжыд некор на эз гös-
титöдлы тэнö дедыд.

Закуситыштис ошкыд ыж туша джынсö кымын, сэки Иван
сылы чуньлыс ыжда румкаөн вина мыччис.

— Но,— шуö,— Микайлö, кутшöмджык винаыс?

— Чöскыд, но этшаджык.

Сэки Иван сетис ошлы сразу ведраджын вина да юалö:

— Но, Микайлö, кутшöмджык винаыс?

— Зэв чöскыд, а пыдöсыс, тöдöмысь, ещö на чöскыд-джык.

Сетис ошлы Иван коляс винасö да индис лудын ветлысьскöт стада вылö.

— Аддзан,— шуö,— Микайлö, мöс стадасö? Босьт сэсь аслыд вылö квайтымын мöс. Вот ми сэсся тэкöд и рöщöтын! Онi бөр мунны верман гортад.

— Ме некытчö ог мун,— шуö ошкыд,— ме понда тэныд служитны. Нэм чöж ме дедлы служити да сийö меным весиг яй кусök ни вина румка эз мыччыв.

— Кольччан кö, кольччы,— шуö Иван.

Мöдöдчис Иван карö, матыстчис батыс двореч динö да шензьö: сэни паныдөн неылын дзик выль двореч сулалö. Пырис сэк Иван öти керкаö да пондис юасыны, кутшöм двореч тайö. Кöзяиныс шуö:

— Тайö Елена Прекраснаялөн дворечыс. Локтис сийö татчö, миян царствоö, аслыс жöник корсьны. Бөрйысьö, но некыз эз вермы аслыс жöник бөрйыны. Талун мунöны корасьны сы динö миян царлөн пияныс: Василей да Педөр царевичьяс.

Туйын ветлгөн Иван дзикöдз нин воштис вояслысь лыдсö. Нывбабаяс царствоö волöмсянь кольöма нин кадыс, вöлöмкö, дзонь сизим во. Елена Прекраснаялөн тайö кадас быдмöма кык пи, кыкнаныслы öни сизим арöсөн и локтöма татчö дзонь семьяөн.

— Час,— шуö,— ветла да видзöдла гöтыр вылö да аслам пиян вылö. Тöдасны оз менö.

Мунис Иван, ньöбис сир бöчка да гөн мешök. Пыралис первой сир бöчкаас, сэсся гөн тыра мешökö и дзик ош кодьлоис. Мунис сэсся Елена Прекрасная двореч динö да дзебсис туй дорас.

Вот петис дворечысь Елена Прекрасная пиянскöд да пуксис кильчö вылас жöникъясöс бөрйыны. Пондис локны сэк Елена Прекрасная динö корасьны Василей-царевич. Сийö пасьтасьöма да вöччöма, ставыс дзирдалö да югъялö. Сэк Елена Прекраснаялөн пияныс юалисны мамыслысь:

— Тайӧ бать мян локтӧ, али кодӧ?

— Оз на батынд лок, а батындтӧ вузалысь локтӧ. Кучкӧй сылы морт ӧтпырысьӧн пельбокас!— шуӧ Елена Прекрасная.

Елена Прекраснаялӧн пияныс кучкисны Василейлы ӧтар-мӧдар пельбокас сӧдз, мый сӧйӧ зэв ылӧ тутӧс туй бокӧ да корасьӧм и быдсӧн вунӧс.

Пондӧс локны сӧк Елена Прекрасная дӧнӧ корасьны Педӧр-царевич. Сӧйӧ пасьтасьӧма да вӧччӧма, ставыс дзирдалӧ да югъя-лӧ. Сӧк Елена Прекраснаялӧн пияныс юалисны мамыслысь:

— Тайӧ бать мян локтӧ, али кодӧ?

— Оз на батынд лок, а батындтӧ вузалысь локтӧ. Кучкӧй сылы морт ӧтпырысьӧн пельбокас и висьталӧй сылы: оз кӧ корсьны меным Иван-царевичӧс, ме налысь став царствонысӧ сота да пӧймсӧ тӧлӧда!

Елена Прекраснаялӧн пияныс кучкисны Педӧр-царевичлы ӧтар-мӧдар пельбокас сӧдз, мый сӧйӧ зэв ылӧ тутӧс туй бокӧ да корасьӧм и быдсӧн вунӧс.

Петӧс сӧк туй бӧрӧздаысь Иван да мӧдӧдчис Елена Прекрасная кильчӧ дорлань. Аддзисны сӧйӧс Елена Прекрасная-лӧн пияныс да юалӧны мамыслысь:

— Тайӧ нӧ кутшӧм чӧрт локтӧ татчӧ? Кымынысь талы кучкам?

— Оз чӧрт лок, а тайӧ батынд тӧян локтӧ,— шуӧ Елена Прекрасная аслас пиянлы,— мунӧй паныд сылы, кутлӧй да татчӧ ме дӧнӧ вайӧдӧ.

Кутлӧс да окалӧс сӧк Елена Прекрасная ассыс дыр виччӧм жӧникӧс—Иван-царевичӧс. Пывсис да мыссис, вежсис да пасьтасис Иван-царевич да жӧника-невеста мӧдӧдчисны Иван бать ордӧ. Тӧдӧс пӧрысь царь ассыс медӧчӧт писӧ да радысла муртса ассыс вежӧрсӧ эз вошты. Кор ставсӧ тӧдмалӧс, кыдзи артмис тайӧ делаыс, тшӧктӧс корны мукӧд вокъяссӧ Иванлысь. Василей да Педӧр винитчисны бать водзын да Иван водзын и пондӧсны кевмысьны, медым прӧститасны налысь мыж. Татшӧм радлун вӧсна, дерт, прӧститӧсны Васи-лейӧс и Педӧрӧс. Сэсся вӧчисны гажа пир-свадьба.



ОКМА

Важон олісны вылісны гозъя. Налон вөлі өти пи. Отчыл батыс юалө пиыслысь:

— Кутшөм мастерствоө пондан велөдчыны: сапожникө, портнойө али столярө?

— Ме,— шуө пиыс,— окотита велөдчыны, мед быдтор кута кужны вöчны.

Вот мөдөдчис старик нуөдны писө велөдчыны, медым быдторйө сійө велалас. Мунісны, мунісны да шор воис. Вуджисны шорсө, а каяніныс вөлі вывті крут. Старик вильдіс сэтчө да и уси.

— Окма!— шуө старик.

Друг быттьөкө мусьыс быдмис да стариклы паныд сувтіс кутшөмкө дядьө.

— Мыйла тэ чукөстін Окмаөс?— юалө дядьө.— Вот ме локті тэ дінө. Кутшөм мог суис меөдз? Кытчө мөдөдчин?

— Ме,— шуө,— пиөс велөдчыны нуөда. Окотитө быдторйө велөдчыны.

— Вай меным питө,— шуө Окма,— ме сійөс быдторйө велөда. Во мысти верман волены аслад детинкала.

Сетіс старик ассьыс писө велөдчыны Окма ордө, а ачыс мөдөдчис гортө. Вуджис бөр шорсө да думыштіс: „Сеті детинкаөс велөдчыны Окмалы, ачым весиг эг юав, көні Окмалөн олавіныс.“ Көсйис старик косавны да юавны Окмалысь, но Окма ни детинка эз нин вөвны. Маитчис, маитчис старик да локтіс гортас, а гөтырыслы немтор эз висьтав, кытчө коліс писө.

Коли өти во. Старик мөдіс лөсьөдчыны писө видлыны Окма ордө. Туйө петтөдз пуксис сійө гөтырыскөд өбөдайтны. Друг сэки бордьяснас швачкөдчигтыр восьса өшиньөдыс пырис гулю.

— Йөй кө тайө гулюыс-а?— шензьө старик.— Веськыда керкаө пырис!

Сэссия старик босьтіс укват да мөдіс вөтлыны гулюөс керкасыс. Но гулюыд куимысь кытшовтіс керкасө, шыбит-

чис увлань юрөн гөбөч вылас да морт лои. Видзөдліс сы вылө старик да төдіс ассыс писө.

— Менам велөдчөмлы вося срок тыри,— шуө детинкаыс,— өні мун тэ Окма ордө да менө бөр кор. Сы ордын велөдчөны ме кодь жө дас кык детинка. Окмаыд ставнымөс мянөс вөчас дзик өткодьөн и тшөктас менө төдны. Он кө төд, нэмнад менө сэсся не аддзывны. Бурджыка приметит. Пызан сайын пукалігөн ме мөда паньөс пуктыны увлань мышкөн. Өні ме локті татчө Окмаысь гусьөн, медым тэныд ставсө тайөс висьтавны.

Сэсся детинкаыд бара пөртчис гулюө да лэбзис.

Мөдөдчис старик туйө. Воис буретш сійө шор дорас, көні колян во паныдасьліс Окмакөд, пуксис шойччыны да гораа шуис: „Окма!“

Окма быттьө му улысь петіс да сувтіс стариклы паныд.

— Мыйла,— шуө,— чукөстін менө?

— Төдан мыйла! Пиөс нуөдны локті. Вося сרוкыд тыри нин велөдчөмыслы!

Мунісны, мунісны да воисны Окма керка дінө. Пырисны сэтчө, а сэні, пызан сайын, пукалөны дзик өткодь дас кык детинка да сөйөны.

— Но,— шуө Окма,— төдан он, коді тэнад детинкаыд? Он кө төд, сэсся некор нин сійөс он аддзыв.

— Энлы,— шуө старик да аддзө: панясигөн өти детинка паньсө пыр увлань мышкөн пуктылө пызан вылө.

— Вот тайө,— индіс старик сійө детинкаыс вылө.

— Төдін,— шуө Окма,— но өні мөд во кежлө кольлан он ме ордө питө велөдчыны?

— Кольла,— шуө старик.

Муніс старик гортас. Вот коркө прөйдитіс мөд во. Старик лөсьөдчө нин вөлі мунны пиысла. Друг восьса өшиньөд на керкаө бара лэбзис гулю, куимысь кытшовтіс керка пытшкөссө, пуксис гөбөч вылө и пөри мортө. Старик бара төдіс ассыс писө.

— Но,— шуө,— батьө, менам велөдчөмлы тыри кык во нин. Окма дас кыкнаннымөс мянөс пөртас дзодзөгъясө. Ме

понда кокасьны бордъяс лэдзёмён да сьыліос нюжйөдлөмён. Он кё менё төд, сэсся менё нэмтё не аддзывны. Ме татчө локті Окмаысь гусьён, медым тэныд висьтавыны та йылысь.

Сэсся детинка бара пөртчис гулюё да лэбзис.

Мөдөдчис старик Окма ордё. Муніс, муніс да воис сійё шор дорас, кёні первой паньдасьлісны Окмакөд. Пуксис сэтчө старик шойччыны да шуис: „Окма!“

Окма быттьөкө му улысь петіс да сувтіс старик водзё.

— Мыйла,— шуё,— чукөстін менё?

— Төдан мыйла! Пиёс нуодны локті. Вося срокыд тыри нин велөдчөмыслы!

Мунісны, мунісны да воисны Окма керка дінё. Пырисны сэтчө, а сәні джоджын дас кык дзодзөг кокасьёны: дас кыкнанныс дзик өткодьёсь.

— Но,— шуё,— төд ассьыд питё! Он кё төд, нэмтё сэсся он аддзыв!

— Эны тэрмась,— шуё старик,— часлы, прамөйджыка видзөдла да вөлисти тэд висьтала.

Видзөдө старик и аддзё: кокасигас өти дзодзөг пыр сьылісё нюжйөдлө да борд пөвсё увлань лэдзё.

— Вот тайё,— индіс старик сійё дзодзөгьыс вылө.

— Төдін,— шуё Окма,— но өні коймөд во кежлө кольлан он ме ордё ассьыд питё велөдчыны?

— Кольла,— шуё старик.

Муніс старик гортас, колис ассьыс писё Окма ордё коймөд во кежлө.

Коли ещө өти во. Пырис бара старик өшиньөд гулю, жуимысь кытшовтіс керка пытшкөсті и мортё пөртчис. Төдіс бара старик ассьыс писё.

— Но,— шуё пиыс батыслы,— менам велөдчөмлы тыри жуим во. Оні Окмаыд пөртас миянөс дас кыкнаннымөс уткаясё. Он кё төд, сэсся некор он аддзыв менё. Ме кута кокасьны борд пөлөс муё лэдзёмён.

Сэсся бара пөртчис гулюё да лэбзис.

Мөдөдчис старик Окма ордё. Воис сійё шор дорас, кёні

первой паныдасьліс Окмакөд, пуксис шойччыны да шуис.
„Окма!“

Бытьёкө му улысь друг петіс да сувтіс старик водзё
Окма.

— Мыйла,— шуё,— чукөстін менё?

— Төдан мыйла! Пиёс нуодны локті! Куим вося срок
тыри нин велөдчөмыслы!

Муніс Окма ордё, пырис сы керкаё. Аддзё старик: Окма
ордын дас кык утка кокасьоны.

— Төд,— шуё Окма,— тайё дас кык утка письыс ассьыд
питё. Он кө төд, нэмтё сэсся сійёс он аддзыв.

— Вот тайё,— индіс старик өти утка вылө, коді вөлі
кокасьё борд пөвсё муё лэдзёмөн.

— Төдін,— шуё Окма,— босьт да нуөд сійёс гортад, но
сөмын туйын мунігад сійёс эн лэдз кисьыд. Лэдзан кө, вош-
тан ассьыд питё век кежлө. Сійё сэк менам лөё.

Босьтіс старик уткаёс киняулас да мөдөдчис гортас.
Воис бара сійё шор дорас, көні первой паныдасьліс Окма-
көд. Кыркөтшсө кайигөн сійё джөмдіс да уси и уськөдіс
киняувсьыс уткасө. Утка нетшыштчис да көсийё вөлі качөд-
чыны эськө вывлань, но сэк кыськө сы вылө уськөдчис ва-
рыш, кватитіс и нуис сійёс. Казьтыштіс старик Окмалысь
кывъяссө и ставсө өні гөгөрвоис, мый Окма пышйөдіс сы-
лысь детинкасө. Бергөдчис старик шор дорё, чуксалис, чукса-
ліс Окмаёс, но Окма весиг нырсө эз мыччыв. Шогсис, шог-
сис старик да муніс гортас. Вөчны өні нинөм — воштіс нэм
кежлас ассьыс детинкасө. Тадзи коли во-мөд, а, гашкө, и ун-
джык. Муніс өтчид старик базар вылө да аддзё зэв мича
тройкаа вөв. Сувтіс старик да пондіс любуйтчыны вөвъяс вылө.
Кор көзяиныс вешйис тройка дінысь, друг өти вөв шыасис
морт гөлөсөн старик дінө:

— Босьт, батьё, менсьым сермөдөс, мезды менё домпо-
водысь!

Старик сэк босьтіс вөвлысь сермөдсө. Вөв кызд нетшышт-
чис да скач гөнитіс. Кор көзяиныс казяліс, мый сылөн өти
вөв ордчис да гөнитіс, сійё дыр эз понды думайтны, шы-

битчис увлань юрөн муѳ, пѳртчис кѳинѳ да котѳртис пыш-
йысь вѳв бѳрся. Старик сразу гѳгѳрвоис ставсѳ, мый трой-
калѳн кѳзьяин вѳлѳ Окма, а пышйѳм вѳлыс — сылѳн пи, но
пиыслы отсавны сйѳ нинѳмѳн эз вермы.

Окма вѳтчис, вѳтчис аслас вѳв бѳрся да пондѳс сйѳс су-
ѳдны. Вѳлыд сѳк шыбитчис увлань юрѳн да пѳртчис катшаѳ
и лѳбис пу йылѳ. Окма пѳртчис варышѳ да уськѳдчис катша
вылѳ. Катшаыд пѳртчис вурдысьѳ да пырис му розьѳ. Окма
сѳдз жѳ пѳртчис вурдысьѳ да вѳтчис сы бѳрся. Первой вур-
дысьыд удитис кодйысьны кыркѳтш дорѳдз, уськѳдчис ю дѳнѳ
да пѳртчис йѳршѳ. Окма сѳк пѳртчис сирѳ да пондѳс вѳт-
лысьны йѳрш бѳрся. Сирыд пондѳс суѳдны, коньѳр йѳршлы
некытчѳ лои воштысьнысѳ. Берег дорын сѳк вѳлѳ пожъясьѳ
царскѳй служанка. Йѳршыд уськѳдчис веськыда служанка вы-
лѳ, чеччыштіс мыськалѳм платьеяс пиѳ да пѳртчис зарниа
чунькытшѳ. Сир уськѳдчис берег дорѳ, но царскѳй служан-
ка повзьѳдѳс сирѳс. Адзис служанка мыськалѳм платьеяс пи-
ысь зарниа чунькытш, сылы лои зѳв любѳ. Сйѳ чунькытша-
ліс да мѳдѳс новлыны. Узьны водѳгас, кор пѳрччис сйѳ чунь-
кытшсѳ, друг сы водзын лоис зѳв мича молодеч да висьталѳс
ас йывсьыс, кодѳ сйѳ.

— Аски,— шуѳ,— Окмаыд непременно локтас татчѳ да
кутас корны чунькытштѳ. Тѳ кѳ он сѳгласитчы сетны, Окма
перъяс тѳнсьыд чунькытштѳ царь приказ серти. Тѳ кѳ жали-
тан менѳ, чунькытш сетѳгѳн уськѳд сйѳс джоджѳ, ме сѳк
пѳртча аныкытш китырѳ. Кор Окма мѳдас ѳктыны киссьѳм
аныкытшсѳ, тѳ сѳк дзеб ѳти аныкытш тусь, а сѳсся шыбит
вывлань.

Ставыс сѳдзи и лои, кыдз колѳ вѳлѳ виччысьны. Мѳд лун
асывнас жѳ воис царскѳй служанка дѳнѳ Окма, кутѳс корны
ассьыс вошѳм чунькытшсѳ, кѳсйысис сы пыдди служанкалы
уна деньга, но служанка нинѳмысь эз сет сюрѳм чунькытштѳ.
Сѳк Окма мунѳс царь дѳнѳ жалуйтчыны служанка вылѳ, кѳс-
йысис мынтыны чунькытш вылѳ царлы уна деньга. Царыд
корис сѳк служанкаѳс да тшѳктѳс сетны чунькытшсѳ Окмалы.
Та бѳрын служанка, дерт, эз нин вермы пыксьыны. Сйѳ пер-

йис чуньсьыс чунькытшсö, но Окмалы киас сетöм пыдди уськöдiс джоджö, и чунькытш пыдди джоджö сьвкмуни анькытш кытыр. Окма пöртчис петукö да зэв öдийö мöдiс кокаваны анькытш тусьяссö. Но сэк служанкаыд кокнас тальчис öти анькытш тусь вылö да дзебис сийöс Окмаысь. Сэсся босьтiс киас да шыбитiс вывлань. Сэк анькытш тусь друг пöри варышö. Варыш уськöдчис петук вылö да сэн жö сийöс косявлiс. Та бöрын варышыд увлань юрөн шыбитчис джоджö, пöри том молодечö да шуö:

— Спасибо тэд, мый мездiн менö кöлдун Окмаысь. Öни сьлөн кöдловскöй выныс ме вылын помасис, и аслыс Окмалы воис пом. Мунан он тэ ме сайö верöссайö?

— Кыдз нö ог мун верöссайö татшöм молодеч сайö!— шуö царскöй служанка.

Сэсся гöтрасисны да овмöдчисны найö зэв бура и, гашкö, öни на олöны да вылöны.



ОГЛАВЛЕНИЕ

ЖИВОТНОЎЯС ЁЫЛЫСЬ МОЙДЪЯС

Дона пася руч	3
Руч да дябыр	5
Кань, руч, кѡин да ош	6
Ош, руч да мужик	8
Руч да чокрыр	11
Шыр да катша	14
Руч да кѡч	17

МОЙДЪЯС-ПРИБАУТКАЯС

Вень	21
Бобо	22
Джыдж	23
Руй	23
Дуда	24
Турилы помеч	24

САТИРИКО-БЫТОВОЎ МОЙДЪЯС

Кызди поп чань пѡжис	25
Поп да Иван казак	26
Чѡрт пѡлян	31
Поп да сылѡн казак Мѡмѡт	34
Мужик да куим поп	44
Мужик да поп кѡза	49
Курѡг пѡжысь мужик	52
Мужик да барин	54
Барин да кузнеч	57
Коді медѡй	59
Баринлѡн пон	62
Мужик да царь	64
Иван	67

Иван да царь	76
Повтѡм салдат	81
Куим вок	91
Иван-дурак	94
Нѣрымѡ-дядьѡ	99

ВОЛШЕБНОЙ МОЙДЪЯС

Ёма да кык чой	102
Весът кузя старик	105
Небылича	106
Изки	108
Ош да куим чой	111
Синмѡн аддзытѡм	115
Нывбабаяс царствоын	124
Окма	142

Редактор *Ф. В. Плесовский.*

Техн. редактор *И. И. Оплеснин.*

Ц02590. Тираж 3000 экз. Заказ № 1448.
Бумага 70 × 92 1/16 — 4,7 бум. листов — 11 печ. листов. Подписано
к печати 24/VIII-50 г. Цена 6 руб.

г. Сыктывкар, Коми Республиканская типография Управления Полиграфиздата при Совете Министров
Коми АССР.